


This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>







4499.a.28

ENCHIRIDION

SACERDOTUM COLLEGII ANIMARUM AGENTUM

COMPILATUM

A

FR. LUIGI GIULIO DONAV. M. MOCZYKEMBA

ORD. MIN. CONV. S. FRANCISCI

POENITENTIARIO APOST. SS. PATRIARCH. BASIL. VAT.

PRO LINGUA ANGLICA



ROMÆ

TYPIS S. CONG. DE PROPAGANDA FIDE

SOC. EQ. PETRO MARIETTI ADMIN.

MDCCLXX.



PRAEFATIO.

Pluribus annis in Sacerdotali ministerio versatus per Americae Septemtrionalis ditiones longo usu perspecta habui, quaecumque animarum Rectoribus opportuna esse debeant et in administratione sacramentorum et in illis institutionibus atque adscriptionibus ad pias societates, quas Catholica Religio in tanta rerum varietate complectitur. Haec omnia ut olim mihi necessaria sum expertus, ita vobis ad manum assidue habenda esse comperio, vigiles Americanae Christi vineae Cultores atque Administrari. Quocirca ad hoc studium in horis subsecivis mentem applicui, ut in promptuario libello undique colligerem veluti fasciculum ministerio vestro percommodum. Acci-

pite libenti animo hujusmodi ENCHIRIDION, quod in lucem edidi, vobisque optimi Collegae mei dicavi, qui diu multumque in excolenda America Septemtrionali insudatis. Dulcem ministerii mei in illis ditionibus memoriam pectore inculptam gero; dulces vigilias in hac opella perficienda consumpsi, nec fore irritas spero. Beata Virgo sine originis labe concepta, quae meis laboribus adfuit, operam quoque vestram ad Catholici gregis profectum benigno auxilio secundet. Valete.

ROMAE. — Ex Collegio Poenitentiariae
Vaticanae in festo S. Josephi die 19 Martii 1870.

FR. LEOPOLDUS BONAV. M. MOCZYGENBA
Ord. Min. Conv. Poenit. Apost. Bas. Vat.

ORDO

BAPTISMI PARVULORUM.

Sacerdos. Quid petis ab Ecclesia Dei?

Patrinus respondet: Fidem.

Sac. Fides, quid tibi praestat?

Patr. respondet: Vitam aeternam.

Sac. Si igitur vis ad vitam ingredi, serva mandata. Diliges Dominum Deum tuum ex toto corde tuo et ex tota mente tua, et proximum tuum sicut teipsum.

Deinde ter exsufflet leniter in faciem infantis, et dicat semel:

Exi ab eo (vel ab ea), immunde spiritus, et da locum Spiritui Sancto Paraclyto.

Postea pollice faciat signum Crucis in fronte, et in pectore infantis, dicens:

Accipe signum Crucis tam in fronte ☩ , quam in corde ☩ , sume fidem coelestium praeceptorum : et talis esto moribus, ut templum Dei jam esse possis.

Oremus.

Preces nostras, quaesumus, Domine, clementer exaudi: et hunc Electum tuum N., Crucis Dominicae impressione signatum, perpetua virtute custodi: ut magnitudinis gloriae tuae rudimenta servans, per custodiam mandatorum tuorum ad regenerationis gloriam pervenire mereatur. Per Christum Dominum nostrum.

R). Amen.

Deinde imponat manum super caput infantis, ac dicat:

Oremus.

Omnipotens, sempiternus Deus, Pater Domini nostri Jesu Christi, respicere dignare super hunc famulum tuum N., quem ad rudi-

menta fidei vocare dignatus es: omnem caecitatem cordis ab eo expelle: disrumpe omnes laqueos Satanae, quibus fuerat colligatus: aperi ei, Domine, janua pietatis tuae, ut signo sapientiae tuae imbutus, omnium cupiditatum foetoribus careat, et ad suavem odorem praeceptorum tuorum laetus, tibi in Ecclesia tua deserviat, et proficiat de die in diem. Per eundem Christum Dominum nostrum.

R). Amen.

Deinde Sac. benedicat sal, quod semel benedictum alias ad eundem usum deservire potest.

Benedictio Salis.

Exorcizo te, creatura salis, in nomine Dei Patris omnipotentis ✠, et in charitate Domini nostri Jesu Christi ✠, et in virtute Spiritus ✠ Sancti. Exorcizo te per Deum vivum ✠, per Deum verum ✠, per Deum sanctum ✠, per Deum ✠,

qui te ad tutelam humani generis procreavit, et populo venienti ad credulitatem per servos suos consecrari praecepit: ut in nomine sanctae Trinitatis efficiaris salutare Sacramentum ad effugandum inimicum. Proinde rogamus te, Domine, Deus noster, ut hanc creaturam salis sanctificando sanctifices ✠, et benedicendo benedicas ✠, ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Jesu Christi, qui venturus est judicare vivos et mortuos, et saeculum per ignem. R). Amen.

Deinde immittat modicum salis benedicti in os infantis dicens:

N., accipe salem sapientiæ: propitiatio sit tibi in vitam æternam. R). Amen.

Sac. Pax tibi.

R). Et cum spiritu tuo.

Oremus.

Deus patrum nostrorum, Deus universae conditor veritatis, te supplices exoramus, ut hunc famulum tuum N. respicere digneris propitius, et hoc primum pabulum salis gustantem, non diutius esurire permittas, quominus cibo expleatur coelesti, quatenus sit semper spiritu fervens, spe gaudens, tuo semper nomini serviens. Perduc eum, Domine, quaesumus, ad novae regenerationis lavacrum, et cum fidelibus tuis promissionum tuarum aeterna praemia consequi mereatur. Per Christum, etc.

Exorcizo te, immunde spiritus, in nomine Patris ✠, et Filii ✠, et Spiritus ✠ Sancti, ut exeas et recedas ab hoc famulo Dei N.: ipse enim tibi imperat, maledicte damnate, qui pedibus super mare

ambulavit, et Petro mergenti dexteram porrexit.

Ergo, maledicte diabole, recognosce sententiam tuam, et da honorem Deo vivo et vero, da honorem Jesu Christo Filio ejus et Spiritui Sancto, et recede ab hoc famulo Dei N., quia istum sibi Deus, et Dominus noster Jesus Christus ad suam sanctam gratiam et benedictionem, fontemque Baptismatis vocare dignatus est.

Hic pollice in fronte signat infantem, dicens:

Et hoc signum sanctae Crucis ✠, quod nos fronti ejus damus, tu, maledicte diabole, nunquam audeas violare. Per eundem Christum Dominum nostrum.
R). Amen.

Mox imponit manum super caput infantis, et dicit:

Oremus.

Aeternam ac justissimam pietatem tuam deprecor, Domine sancte, Pater omnipotens, aeternae Deus, auctor luminis et veritatis, super hunc famulum tuum N., ut digneris illum illuminare lumine intelligentiae tuae: munda eum et sanctifica: da ei scientiam veram, ut dignus gratia baptismi tui effectus, teneat firmam spem, consilium rectum, doctrinam sanctam. Per Christum Dominum nostrum. R). Amen.

Postea Sacerdos imponit extremam partem stolae super infantem, et introducit eum in Ecclesiam dicens:

N., ingredere in templum Dei, ut habeas partem cum Christo in vitam aeternam. R). Amen.

Cum fuerint Ecclesiam ingressi, Sacerdos procedens ad fontem cum susceptoribus conjunctim clara voce dicit:

Credo in Deum, Patrem omni-

potentem, creatorem coeli et terrae. Et in Jesum Christum, Filium ejus unicum, Dominum nostrum: qui conceptus est de Spiritu Sancto, natus ex Maria Virgine: passus sub Pontio Pilato, crucifixus, mortuus, et sepultus: descendit ad inferos, tertia die resurrexit a mortuis: ascendit ad coelos, sedet ad dexteram Dei Patris omnipotentis: inde venturus est judicare vivos, et mortuos. Credo in Spiritum Sanctum; sanctam Ecclesiam Catholicam, Sanctorum communionem: remissionem peccatorum: carnis resurrectionem: vitam aeternam. Amen.

Pater noster, qui es in coelis, sanctificetur nomen tuum: adveniat regnum tuum: fiat voluntas tua, sicut in coelo, et in terra. Panem nostrum quotidianum da nobis hodie, et dimitte nobis debita nostra, sicut et nos dimitti-

mus debitoribus nostris: et ne nos inducas in tentationem: sed libera nos a malo. Amen.

Ac deinde, antequam accedat ad Baptisterium, dicat:

Exorcismus.

Exorcizo te, omnis spiritus imunde; in nomine Dei Patris omnipotentis ✠ , et in nomine Jesu Christi filii ejus, Domini et judicis nostri ✠ , et in virtute Spiritus ✠ Sancti, ut discedat ab hoc plasmate Dei N. , quod Dominus noster ad templum sanctum suum vocare dignatus est, ut fiat templum Dei vivi, et Spiritus Sanctus habitet in eo. Per eundem Christum Dominum nostrum, qui venturus est judicare vivos et mortuos, et saeculum per ignem. R). Amen.

Postea Sac. digito accipiat de saliva oris sui, et tangat aures et nares in-

fantis; tangendo vero aurem dexteram et sinistram, dicat:

Ephpheta, quod est adaperire.
Deinde tangit nares, dicens: **In odorem suavitatis. Tu autem ef-fugare, diabole ☿, appropinqua-bit enim iudicium Dei.**

Postea interrogat baptizandum nomi-natim, dicens:

N., abrenuntias Satanae?

Resp. Patr. **Abrenuntio.**

Sac. **Et omnibus operibus ejus?**

Patr. **Abrenuntio.**

Sac. **Et omnibus pompis ejus?**

Patr. **Abrenuntio.**

Deinde Sacerdos intingit pollicem in oleo Catechumenorum, et infantem un-git in pectore, et inter scapulas in mo-dum Crucis, dicens:

Ego te linio ☿ oleo salutis in Christo Jesu Domino nostro, ut habeas vitam aeternam. R. Amen.

Hic deponit stolam violaceam, et su-mit aliam albi coloris.

Subinde pollicem et inuncta loca abstergit bombacio, vel re simili: et interrogat expresso nomine baptizandum. Patr. respondente.

• **Credis in Deum Patrem omnipotentem, Creatorem coeli et terrae?**

R. **Credo.**

Credis in Jesum Christum Filium ejus unicum, Dominum nostrum, natum et passum?

R. **Credo.**

Credis in Spiritum Sanctum, sanctam Ecclesiam Catholicam, sanctorum communionem, remissionem peccatorum, carnis resurrectionem, vitam aeternam?

R. **Credo.**

Subinde, expresso nomine baptizandi Sacerdos dicit:

• **N., vis baptizari?**

Resp. Patr. **Volo.**

Tunc Patrino, vel Matrino, vel utroque (si ambo admittantur) infantem te-

nente, Sacerdos vasculo seu urceolo accipit aquam baptismalem, et de ea ter fundit super caput infantis in modum Crucis, et simul verba proferens, semel tantum distincte et attente dicit:

N., ego te baptizo in nomine Patris ✠, fundat primo, et Filii ✠, fundat secundo, et Spiritus ✠ Sancti, fundat tertio.

Ubi autem est consuetudo baptizandi per immersionem, Sacerdos accipit infantem, et advertens ne laedatur, caute immergit, et trina mersione baptizat, et semel tantum dicit:

N., ego te baptizo in nomine Patris ✠, et Filii ✠, et Spiritus ✠ Sancti.

Mox Patrinus, vel Matrina, vel uterque simul infantem de sacro Fonte levans, suscipientes illum de manu Sacerdotis.

Si vero dubitatur, an infans fuerit baptizatus, utatur hac forma:

N., si non es baptizatus, ego

**te baptizo in nomine Patris ✠ ,
et Filii ✠ , et Spiritus ✠ Sancti.**

Deinde intingit pollicem in sacro Chrismate, et ungit infantem in summitate capitis in modum Crucis, dicens:

Deus omnipotens, Pater Domini nostri Jesu Christi, qui te regeneravit ex aqua et Spiritu Sancto , quique dedit tibi remissionem omnium peccatorum (hic inungit), ipse te liniat Chrismate salutis ✠ in eodem Christo Jesu Domino nostro in vitam aeternam.

℟). Amen.

Sac. dicit: Pax tibi. ℟). Et cum spiritu tuo.

Tum bombacio aut re simili abstergit pollicem suum et locum inunctum, et imponit capiti ejus linteolum candidum loco vestis albae, dicens:

Accipe vestem candidam, quam immaculatam perferas ante tribunal Domini nostri Jesu Chri-

sti, ut habeas vitam aeternam.

R). Amen.

Postea dat ei, vel Patrino, candelam accensam, dicens:

Accipe lampadem ardentem, et irreprehensibilis custodi Baptismum tuum: serva Dei mandata, ut cum Dominus venerit ad nuptias, possis occurrere ei una cum omnibus Sanctis in aula coelesti, habeasque vitam aeternam, et vivas in saecula saeculorum.

R). Amen.

Postremo Sac. dicit: **N., vade in pace, et Dominus sit tecum.**

R). Amen.

ORDO SUPPLENDI OMISSA SUPER BAPTIZATUM.

Cum, argente mortis periculo vel alia cogente necessitate, sive parvulus, sive adultus, sacris Precibus ac Caeremoniis praetermissis, fuerit baptizatus, ubi convaluerit, vel cessaverit periculum, et ad Ecclesiam delatus fuerit, omissa omnia

suppleantur: ideoque ordo ac ritus servetur, qui in Baptismo Parvulorum (si fuerit parvulus), seu adultorum (si fuerit adultus) praescriptus est. Excepto quod interrogatio, an velit baptizari, formaque Baptismi et ablutio praetermittantur, et quaedam Orationes et Exorcismi suo quique loco immutati, ut infra, dicuntur.

Sacerdos igitur, antequam immittat salem in os baptizati, manum super caput ejus imponens, dicit:

Oremus.

Omnipotens, sempiterne Deus, Pater Domini nostri Jesu Christi, respicere digneris super hunc famulum tuum N., quem dudum ad rudimenta fidei vocare dignatus es: omnem caecitatem cordis ab eo expelle: disrumpe omnes laqueos Satanae, quibus fuerat colligatus: aperi ei, Domine, janua pietatis tuae, ut signo sapientiae tuae imbutus, omnium cupiditatum foetoribus careat, et ad suavem odorem praeceptorum tuorum

•

laetus tibi in Ecclesia tua deserviat, et proficiat de die in diem, ut idoneus sit frui gratia Baptismi tui, quem suscepit, salis percepta medicina. Per eundem Christum Dominum nostrum.

℟. Amen.

Deinde, posteaquam modicum salis immisit in os baptizati, dicens:

Accipe salem sapientiae, propitiatio sit tibi in vitam aeternam. ℟. Amen.

dicit:

Oremus.

Deus patrum nostrorum, Deus universae conditor veritatis, te supplices exoramus, ut hunc famulum tuum N. respicere digneris propitius, et hoc pabulum salis gustantem, non diutius esurire permittas quo minus cibo expleatur coelesti, quatenus sit semper spiritu fervens, spe gaudens, tuo semper nomini serviens;

et quem ad novae regenerationis lavacrum perduxisti, quaesumus, Domine, ut cum fidelibus tuis promissionum tuarum aeterna praemia consequi mereatur. Per Christum Dominum nostrum.

℟. Amen.

Post haec, facto signo Crucis in fronte baptizati dictisque illis verbis:

Et hoc signum Crucis ✠, quod nos fronti ejus damus, tu, maledicte diabole, numquam audeas violare. Per eundem Christum Dominum nostrum. ℟. Amen.

Manu super caput ejus imposita, dicit:
Oremus.

Aeternam ac justissimam pietatem tuam deprecor, Domine sancte, Pater omnipotens, aeterne Deus, auctor luminis et veritatis, super hunc famulum tuum N., ut digneris illum illuminare lumine intelligentiae tuae: munda eum, et sanctifica: da ei scien-

tiam veram , ut dignus sit frui gratia Baptismi tui, quem suscepit: teneat firmam spem , consilium rectum, doctrinam sanctam, ut aptus sit ad retinendam gratiam Baptismi tui. Per Christum Dominum nostrum. *℟*. Amen.

ORDO

MINISTRANDI SACRAMENTUM EUCHARISTIAE INFIRMIS.

Sacerdos ingrediens locum, ubi jacet infirmus, dicat:

Pax huic domui:

℟. **Et omnibus habitantibus in ea.**

Tum depositum Sacramentum super mensa , supposito corporali, genuflexus adorat, omnibus in genua procumbentibus , et mox accepta aqua benedicta , aspergit infirmum, et cubiculum, dicens Antiphonam.

Asperges me, Domine, hyssopo,

et mundabor: lavabis me, et super nivem dealbabor.

Et primum versum Psalmi

Miserere mei Deus, secundum, etc. cum Gloria Patri, etc.

Deinde repetitur Antiphona

Asperges me, Domine etc.

ÿ. **Adjutorium nostrum in nomine Domini.**

℞. **Qui fecit coelum et terram.**

ÿ. **Domine, exaudi orationem meam.**

℞. **Et clamor meus ad te veniat.**

ÿ. **Dominus vobiscum.**

℞. **Et cum spiritu tuo.**

Oremus.

Exaudi nos, Domine sancte, Pater omnipotens, aeternae Deus, et mittere digneris sanctum Angelum tuum de coelis, qui custodiat, foveat, protegat, visitet atque defendat omnes habitantes

**in hoc habitaculo. Per Christum
Dominum nostrum. R). Amen.**

Postea, facta de more confessione generali, sive ab infirmo, sive ejus nomine ab alio, Sacerdos dicit:

**Misereatur tui omnipotens Deus,
et dimissis peccatis tuis perducatur
te ad vitam aeternam. R). Amen.**

**Indulgentiam, absolutionem et
remissionem omnium peccatorum
tuorum tribuat tibi omnipotens
et misericors Dominus. R). Amen.**

Deinde, facta genuflexione, accipit
Sacramentum de vasculo, atque illud
elevans ostendit infirmo, dicens:

**Ecce Agnus Dei, ecce qui tollit
peccata mundi; et more solito ter
dicat: Domine non sum dignus,
ut intres sub tectum meum, sed
tantum dic verbo, et sanabitur
anima mea.**

Et infirmus simul cum Sacerdote dicat eadem verba, saltem semel, submissa

voce; tum Sac. dans infirmo. Eucharistiam dicat:

Accipe frater (vel soror) Viaticum Corporis Domini nostri Jesu Christi, qui te custodiat ab hoste maligno, et perducatur in vitam aeternam. Amen.

Si vero Communio non datur per modum Viatici, dicat more ordinario:

Corpus Domini nostri Jesu Christi custodiat animam tuam in vitam aeternam. Amen.

Quod si mors immineat, et periculum sit in mora, tunc dicto **Misereatur etc.**, praedictis precibus omnibus vel ex parte omissis, ei statim Viaticum praebeatur.

Postea Sacerdos abluat digitos nihil dicens, et infirmo detur ablutio. Deinde dicat:

✠. Dominus vobiscum.

✠. Et cum spiritu tuo.

Oremus.

Domine sancte, Pater omnipotens, aeterne Deus, te fideliter deprecamur, ut accipienti fratri

nostro (**vel** sorori nostrae) sacrosanctum Corpus Domini nostri Jesu Christi filii tui, tam corpori quam animae prosit ad remedium sempiternum: qui vivit et regnat in unitate Spiritus Sancti Deus, per omnia saecula saeculorum.

℟. Amen.

His expletis, si altera particula Sacramenti superfuerit, genuflectit, surgit, et accipiens vas cum Sacramento facit cum eo signum Crucis super infirmum nihil dicens, et reverenter illud deferens, ordine quo venerat, revertitur ad Ecclesiam.

Cum pervenerit ad Ecclesiam, ponit Sacramentum super altare, adorat, deinde dicit:

℣. Panem de coelo praestitisti eis.

℟. Omne delectamentum in se habentem.

℣. Dominus vobiscum.

℟. Et cum spiritu tuo.

Oremus.

Deus qui nobis sub Sacramento mirabili passionis tuae memoriam reliquisti: tribue, quaesumus, ita nos corpori et sanguinis tui sacra mysteria venerari, ut redemptionis tuae fructum in nobis jugiter sentiamus. Qui vivis, etc.

ORDO

MINISTRANDI SACRAMENTUM

EXTREMAE UNCTIONIS

Cum perventum fuerit ad locum ubi jacet infirmus, Sacerdos intrans cubiculum dicit:

ŷ. **Pax huic domui.**

ŕ. **Et omnibus habitantibus in ea.**

Deinde subjungit:

Asperges me, Domine, hyssopo, et mundabor: lavabis me, et super nivem dealbabor.

Postea dicit versiculum:

✠. Adjutorium nostrum in nomine Domini.

R. Qui fecit coelum et terram.

✠. Dominus vobiscum.

R. Et cum spiritu tuo.

Oremus.

Introeat, Domine Jesu Christe, domum hanc, sub nostrae humilitatis ingressu, aeterna felicitas, divina prosperitas, serena laetitia, charitas fructuosa, sanitas sempiterna: effugiat ex hoc loco accessus daemonum: adsint Angeli pacis, domumque hanc deserat omnis inaligna discordia. Magnifica, Domine, super nos nomen sanctum tuum, et benedic ✠ nostrae conversationi; sanctifica nostrae humilitatis ingressum, qui sanctus et pius es, et permanes cum Patre et Spiritu Sancto in saecula saeculorum. Amen.

Oremus et deprecemur Domi-

num nostrum Jesum Christum ,
 ut benedicendo benedicat ✠ hoc
 tabernaculum, et omnes habitan-
 tes in eo , et det eis Angelum
 bonum custodem , et faciat eos
 sibi servire ad considerandum
 mirabilia de lege sua: avertat ab
 eis omnes contrarias potestates :
 eripiat eos ab omni formidine et
 ab omni perturbatione, ac sanos
 in hoc tabernaculo custodire di-
 gnetur. Qui cum Patre et Spi-
 ritu Sancto vivit et regnat Deus
 in saecula saeculorum. Amen.

Oremus.

Exaudi nos , Domine sancte,
 Pater omnipotens, aeterne Deus,
 et mittere digneris sanctum An-
 gelum tuum de coelis qui custo-
 diat, foveat, protegat, visitet
 atque defendat omnes habitantes
 in hoc habitaculo. Per Christum
 Dominum nostrum. Amen.

Quae orationes, si tempus non patia-

tur, ex parte, vel in totum poterunt omitti. Tum de more facta confessione generali, latino vel vulgari sermone Sacerdos dicat:

Misereatur tui, etc. Indulgentiam, absolutionem, etc.

Antequam Parochus incipiat ungere infirmum, moneat adstantes, ut pro illo orent et, ubi commodum fuerit pro loco et tempore et adstantium numero vel qualitate, recitent septem psalmos poenitentiales, cum litanis, vel alias preces dum ipse unctionis Sacramentum administrat. Mox dicat:

In nomine Patris ✠, et Filii ✠, et Spiritus ✠ Sancti, extinguatur in te omnis virtus diaboli per impositionem manuum nostrarum, et per invocationem omnium sanctorum, Angelorum, Archangelorum, Apostolorum, Martyrum, Confessorum, Virginum, atque omnium simul Sanctorum. Amen.

Deinde, intincto pollice in oleo sancto in modum Crucis ungit infirmum in par-

tibus hic subscriptis, in aptando proprio loco verba formae in hunc modum.

Ad oculos.

Per istam sanctam unctionem ✠, et suam piissimam misericordiam, indulgeat tibi Dominus quidquid per visum deliquisti. Amen.

Minister vero, si est in saceris, vel ipsemet Sacerdos, post quamlibet unctionem, tergat loca inuncta novo globulo bombacii vel rei similis; eaque in vase mundo reponat, et ad Ecclesiam postea deferat, comburat cineresque projiciat in sacrarium.

Ad aures.

Per istam sanctam unctionem ✠ et suam piissimam misericordiam, indulgeat tibi Dominus quidquid per auditum deliquisti. Amen.

Ad nares.

Per istam sanctam unctionem ✠ et suam piissimam misericordiam,

indulgeat tibi Dominus quidquid
per odoratum deliquisti. Amen.

Ad os, compressis labiis.

Per istam sanctam unctionem ✠
et suam piissimam misericordiam,
indulgeat tibi Dominus quidquid
per gustum et locutionem deliqui-
sti. Amen.

Ad manus.

Per istam sanctam unctionem ✠
et suam piissimam misericordiam,
indulgeat tibi Dominus quidquid
per tactum deliquisti. Amen.

Et adverte quod Sacerdotibus manus
non inunguntur interius, sed exterius.

Ad pedes.

Per istam sanctam unctionem ✠
et suam piissimam misericordiam,
indulgeat tibi Dominus quidquid
per gressus deliquisti. Amen.

Ad lumbos sive renes.

Per istam sanctam unctionem ✠
et suam piissimam misericordiam,

indulgeat tibi Dominus quidquid
per lumborum delectationem de-
liquisti. Amen.

Hæc autem nunctio ad lumbos omit-
titur semper in foeminis, et etiam in
viris, qui ob infirmitatem vix, aut sine
periculo moveri non possunt.

Quibus omnibus peractis, Sacerdos
dicit:

Kyrie eleison. Christe eleison.

Kyrie eleison. Pater noster etc.

✠ Et ne nos inducas in ten-
tationem.

R). Sed libera nos a malo.

✠. Salvum fac servum tuum.

R). Deus meus sperantem in te.

✠. Mitte ei, Domine, auxilium
de sancto.

R). Et de Sion tuere eum.

✠. Esto ei, Domine, turris for-
titudinis.

R). A facie inimici.

✠. Nihil proficiat inimicus in
eo.

℟. Et filius iniquitatis non apponat nocere ei.

℣. Domine, exaudi, etc.

℟. Et clamor, etc.

℣. Dominus vobiscum.

℟. Et cum spiritu tuo.

Oremus.

Domine Deus, qui per Apostolum tuum Jacobum locutus es: Infirmatur quis in vobis? Inducat presbyteros Ecclesiae, et orent super eum, ungentes eum oleo in nomine Domini, et oratio fidei salvabit infirmum, et alleviabit eum Dominus, et si in peccatis sit, remittentur ei: cura, quae sumus, Redemptor noster gratia Sancti Spiritus languores istius infirmi, ejusque sana vulnera, et dimitte peccata, atque dolores cunctos mentis et corporis ab eo expelle, plenamque interius et exterius sanitatem misericorditer redde, ut ope misericordiae tuae

restitutus ad pristina reparetur officia. Qui cum Patre et Spiritu Sancto vivit et regnas Deus in saecula saeculorum. Amen.

Oremus.

Respice, quaesumus, Domine, famulum tuum N. in infirmitate sui corporis fatiscentem, et animam refove, quam creasti, ut castigationibus emendatus, se tua sentiat medicina salvatum. Per Christum Dominum nostrum. Amen.

Oremus.

Domine sancte, Pater omnipotens, aeterne Deus, qui benedictionis tuae gratiam aegris infundendo corporibus, facturam tuam multiplici pietate custodis, ad invocationem tui nominis benignus assiste, ut famulum tuum ab aegritudine liberatum, et sanitate donatum, dextera tua erigas, virtute confirmes, potestate

tuearis, atque Ecclesiae tuae sanctae cum omni desiderata prosperitate restituas. Per Christum Dominum nostrum. Amen.

MODUS A F. R. BENEDICTO PAPA XIV
APPROBATUS

Pro opportunitate temporis servandus, ut infra in rubricis notatur, ad impertiendam benedictionem in articulo mortis constitutis ab his qui facultatem habent a Sede Apostolica delegatam.

Benedictio in articulo mortis cum soleat impertiri, post Sacramenta Poenitentiae, Eucharistiae et Extremae Unctionis, illis infirmis, qui vel illam petierint dum sana mente et integris sensibus erant, seu verisimiliter petiissent, vel dederint signa contritionis; impertienda iisdem est etiam si postea linguae caeterorumque sensuum usu sint destituti, aut in delirium vel amentiam inciderint: excommunicatis vero, impoenitentibus et qui in manifesto peccato mortali moriuntur est omnino dene-ganda.

Habens praedictam facultatem ingrediendo cubiculum, ubi jacet infirmus,

dicat: Pax huic domui, etc. ac deinde aegrotum, cubiculum et circumstantes aspergat aqua benedicta, dicendo **Antiphonam Asperges, etc.**

Quod si aegrotus voluerit confiteri, audiat illum et absolvat. Si confessionem non petat, excitet illum ad eliciendum actum contritionis; de hujus benedictionis efficacia ac virtute, si tempus ferat, breviter admoneat: tum instruat atque hortetur ut morbi incommoda ac dolores in anteactae vitae expiationem libenter perferat, Deoque sese paratum offerat ad ultro acceptandum quidquid ei placuerit, et mortem ipsam patienter obeundam in satisfactionem poenarum, quas peccando promeruit. Tum piis ipsum verbis consoletur, in spem erigens fore ut ex divinae munificentiae largitate eam poenarum remissionem et vitam sit consecuturus aeternam. Postea dicit:

Y. Adjutorium nostrum in nomine Domini.

R). Qui fecit coelum et terram.

Antiphona. Ne reminiscaris, Domine, delicta famuli tui (**vel** ancillae tuae), neque vindictam sumas de peccatis ejus.

Kyrie eleison. Christe Eleison.
Kyrie eleison. Pater noster, etc.

Ÿ. Et ne nos inducas in tentationem.

℞. Sed libera nos a malo.

Ÿ. Salvum fac servum tuum
(vel ancillam tuam, et sic deinceps).

℞. Deus meus, sperantem in te.

Ÿ. Domine, exaudi orationem meam.

℞. Et clamor meus ad te veniat.

Ÿ. Dominus vobiscum.

℞. Et cum spiritu tuo.

Oremus.

Clementissime Deus, Pater misericordiarum, et Deus totius consolationis, qui neminem vis perire in te credentem, atque sperantem, secundum multitudinem miserationum tuarum respice propitius famulum tuum N., quem tibi vera fides et spes christiana commendant: visita eum in salu-

tari tuo, et per Unigeniti tui passionem et mortem omnium ei delictorum suorum remissionem et veniam clementer indulge, ut ejus anima in hora exitus sui te judicem propitiatum inveniat, et in sanguine ejusdem Filii tui ab omni macula abluta, transire ad vitam mereatur perpetuam. Per eundem Christum, etc.

Tum, dicto ab uno ex clericis adstantibus **Confiteor, etc.**, Sac. dicat **Misereatur, etc.**, deinde:

Dominus noster Jesus Christus Filius Dei vivi, qui beato Petro Apostolo suo dedit potestatem ligandi atque solvendi, per suam piissimam misericordiam recipiat confessionem tuam, et restituat tibi stolam primam, quam in baptismo recepisti. Et ego, facultate mihi ab Apostolica Sede tributa, indulgentiam plenariam et remissionem omnium peccato-

rum tibi concedo. In nomine Patris, etc.

Per sacrosancta humanae reparationis mysteria remittat tibi omnipotens Deus omnes praesentis et futurae vitae poenas, Paradisi portas aperiat, et ad gaudia sempiterna perducatur. Amen.

Benedicat te omnipotens Deus, Pater et Filius et Spiritus Sanctus. Amen.

Si vero infirmus sit adeo morti proximus, ut neque confessionis generalis faciendae, neque praemissarum precum recitandarum tempus suppetat, statim Sacerdos benedictionem ei impertiatur.



ORDO

COMMENDATIONIS ANIMAE

CUM IN AGONE SUI EXITUS ANIMA ANXIATUR.

Sacerdos, superpelliceo et stola violacea indutus ante infirmi cubiculum, locum ingrediens ubi jacet infirmus, dicat:

Pax huic domui et omnibus habitantibus in ea.

Deinde aspergat aegrotum, lectum et circumstantes aqua benedicta, dicens:

Asperges me, Domine, hyssopo, et mundabor, etc.

Deinde, accensa candela, genibus flexis, cum omnibus circumstantibus litanias breves devote recitet in hunc modum.

Kyrie eleison.

Christe eleison.

Kyrie eleison.

Sancta Maria

ora pro eo.

Omnes sancti Angeli et Archangeli orate pro eo.

Sancte Abel, ora.

Omnis chorus iustorum, ora.

Sancte Abraham, ora.

Sancte Joannes Baptista, ora.

Sancte Joseph, ora.

Omnes sancti Patriarchae et
Prophetae, orate.

Sancte Petre, ora.

Sancte Paule, ora.

Sancte Andrea, ora.

Sancte Joannes, ora.

Omnes sancti Apostoli et
Evangelistae, orate.

Omnes Ss. Discipuli Domini,
ni, orate.

Omnes sancti Innocentes, orate.

Sancte Stephane, ora.

Sancte Laurenti, ora.

Omnes sancti Martyres, orate.

Sancte Sylvester, ora.

Sancte Gregori, ora.

Sancte Augustine, ora.

Omnes sancti Pontifices et Con-
fessores, orate.

Sancte Benedicte, ora.

Sancte Francisce, ora.

Omnes sancti Monachi et Ere-
mitae, orate.

Sancta Maria Magdalena, ora.

Sancta Lucia, ora.

Omnes s. Virg. et Viduae, orate.

Omnes sancti et sanctae Dei,
intercedite pro eo.

Propitius esto, parce ei Domine.

Propitius esto, libera eum, Do-
mine.

Propitius esto, libera.

Ab ira tua, libera.

A periculo mortis, libera.

A mala morte, libera.

A poenis inferni, libera.

Ab omni malo, libera.

A potestate diaboli, libera.

Per nativitatem tuam, libera.

Per crucem et passionem tuam,
libera eum, Domine.

Per mortem et sepulturam tuam,
libera eum, Domine.

Per gloriosam resurrectionem
tuam, libera eum, Domine.

Per admirabilem ascensionem
tuam, libera eum, Domine.

Per gratiam Spiritus Sancti Pa-
raclyti, libera eum, Domine.

In die iudicii, libera.

Peccatores, Te rogamus, audi nos.

Utei parcas, Te rogamus, audinos.

Kyrie eleison.

Christe eleison.

Kyrie eleison.

Deinde in extremis dicantur Oratio-
nes sequentes:

Oratio.

Proficiscere, anima christiana,
de hoc mundo, in nomine Dei Pa-
tris omnipotentis, qui te creavit:
in nomine Jesu Christi Filii Dei
vivi, qui pro te passus est: in
nomine Spiritus Sancti, qui in te
effusus est: in nomine Angelorum

et Archangelorum : in nomine thronorum et dominationum : in nomine principatum et potestatum : in nomine Cherubim et Seraphim : in nomine Patriarcharum et Prophetarum : in nomine sanctorum Apostolorum et Evangelistarum : in nomine sanctorum Martyrum et Confessorum, in nomine sanctorum Monachorum et Eremitarum : in nomine sanctarum virginum , et omnium sanctorum et sanctarum Dei: hodie sit in pace locus tuus, et habitatio tua in sancta Sion. Per eundem Christum Dominum nostrum.

R). Amen.

Oratio.

Deus misericors, Deus clemens, Deus , qui secundum multitudinem miserationum tuarum peccatum poenitentium deles, et praeteritorum criminum culpas veniam remissionis evacuas: respice pro-

pitius super hunc famulum tuum N. N., et remissionem omnium peccatorum suorum tota cordis confessione poscentem deprecatus exaudi. Renova in eo, piissime Pater, quidquid terrena fragilitate corruptum, vel quidquid diabolica fraude violatum est : et unitati corporis Ecclesiae membrum redemptionis annecte. Miserere, Domine, gemitum, miserere lacrymarum ejus : et non habentem fiduciam nisi in tua misericordia, ad tuae sacramentum reconciliationis admitte. Per Christum Dominum nostrum.

¶. Amen.

Commendo te omnipotenti Deo, charissime frater, et ei, cujus es creatura, committo; ut cum humanitatis debitum, morte interveniente, persolveris, ad auctorem tuum, qui te de limo terrae formaverat, revertaris. Egre dien-

ti itaque animae tuae de corpore splendidus Angelorum coetus occurrat : judex Apostolorum tibi senatus adveniat : candidatorum tibi Martyrum triumphator exercitus obviet : liliata rutilantium te Confessorum turma circumdet : jubilantium te Virginum chorus excipiat, et beatæ quietis in sinu Patriarcharum te complexus adstringat : mitis atque festivus Christi Jesu tibi aspectus appareat, qui te inter assistentes sibi jugiter interesse decernat. Ignores omne , quod horret in tenebris , quod stridet in flammis , quod cruciat in tormentis. Cedat tibi teterrimus Satanas cum satellitibus suis: in adventu tuo te comitantibus Angelis contremiscat , atque in aeternæ noctis chaos immane diffugiat. Exurgat Deus, et dissipentur inimici ejus, et fugiant qui oderunt eum a facie

ejus. Sicut deficit fumus , deficiant: sicut fluit cera a facie ignis, sic pereant peccatores a facie Dei, et justi epulentur, et exultent in conspectu Dei. Confundantur igitur et erubescant omnes tartareae legiones , et ministri Satanae iter tuum impedire non audeant. Liberet te a cruciatu Christus , qui pro te crucifixus est. Liberet te ab aeterna morte Christus qui pro te mori dignatus est. Constituat te Christus Filius Dei vivi intra paradisi sui semper amoena vireta , et inter oves suas te verus ille Pastor agnoscat. Ille ab omnibus peccatis tuis te absolvat , atque ad dexteram suam in electorum suorum te sorte constituat. Redemptorem tuum facie ad faciem videas, et praesens semper assistens, manifestissimam beatis oculis adspicias veritatem. Constitu-

tus igitur inter agmina beatorum
contemplationis divinae dulcedine
potiaris in saecula saeculorum.

R). Amen.

Oratio.

Suscipe, Domine, servum tuum
in locum sperandae sibi salvatio-
nis a misericordia tua. R). Amen.

Libera, Domine, animam servi
tui ex omnibus periculis inferni,
et de laqueis poenarum, et ex
omnibus tribulationibus.

R). Amen.

Libera, Domine, animam servi
tui, sicut liberasti Henoch et
Eliam de communi morte mundi.

R). Amen.

Libera, Domine, animam servi
tui, sicut liberasti Noe de dilu-
vio. R). Amen.

Libera, Domine, animam servi
tui, sicut liberasti Abraham de
Ur Chaldaeorum. R). Amen.

Libera, Domine, animam servi

tui, sicut liberasti Job de passionibus suis. R. Amen.

Libera, Domine, animam servi tui, sicut liberasti Isaac de hostia, et de manu patris sui Abrahæ.

R. Amen.

Libera, Domine, animam servi tui, sicut liberasti Loth de Sodomis, et de flamma ignis.

R. Amen.

Libera, Domine, animam servi tui, sicut liberasti Moysen de manu Pharaonis regis Aegyptiorum. R. Amen.

Libera, Domine, animam servi tui, sicut liberasti Daniele de lacu leonum. R. Amen.

Libera, Domine, animam servi tui, sicut liberasti tres pueros de camino ignis ardentis, et de manu regis iniqui. R. Amen.

Libera, Domine, animam servi tui, sicut liberasti Susannam de falso crimine. R. Amen.

Libera, Domine, animam servi tui, sicut liberasti David de manu regis Saul, et de manu Goliae.

R. Amen.

Libera, Domine, animam servi tui sicut liberasti Petrum et Paulum de carceribus. R. Amen.

Et sicut beatissimam Theclam virginem et martyrem tuam de tribus atrocissimis tormentis liberasti, sic liberare digneris animam hujus servi tui, et tecum facias in bonis congaudere coelestibus. R. Amen.

Oratio.

Commendamus tibi, Domine, animam famuli tui N., precamurque te, Domine Jesu Christe, Salvator mundi, ut propter quam ad terram misericorditer descendisti, patriarcharum tuorum sinibus insinuare non renuas. Agnosce, Domine, creaturam tuam, non a Diis alienis creatam, sed

★

a te solo Deo vivo et vero: quia non est alius Deus praeter te, et non est secundum opera tua. Laetifica, Domine, animam ejus in conspectu tuo, et ne memineris iniquitatum ejus antiquarum, et ebrietatum, quas suscitavit furor sive fervor mali desiderii. Licet enim peccaverit, tamen Patrem et Filium et Spiritum Sanctum non negavit, sed credidit et zelum Dei in se habuit, et Deum, qui fecit omnia, fideliter adoravit.

Oratio.

Delicta juventutis et ignorantias ejus, quaesumus, ne memineris, Domine, sed secundum magnam misericordiam tuam memor esto illius in gloria claritatis tuae. Aperiantur ei coeli, collaetentur illi Angeli. In regnum tuum, Domine servum tuum suscipe. Suscipiat eum sanctus Mi-

chaël Archangelus Dei, qui militiae coelestis meruit principatum. Veniant illi obviam sancti Angeli Dei, et perducant eum in civitatem coelestem Jerusalem. Suscipiat eum beatus Petrus Apostolus, cui a Deo claves regni coelestis traditae sunt. Adjuvet eum sanctus Paulus Apostolus, qui dignus fuit esse vas electionis. Intercedat pro eo sanctus Joannes electus Dei Apostolus, cui revelata sunt secreta coelestia. Orent pro eo omnes sancti Apostoli, quibus a Domino data est potestas ligandi atque solvendi. Intercedant pro eo omnes Sancti et Electi Dei, qui pro Christi nomine tormenta in hoc saeculo sustinuerunt: ut vinculis carnis exutus, pervenire mereatur ad gloriam regni coelestis, praestante Domino nostro Jesu Christo. Qui cum Patre et Spi-

ritu Sancto vivit et regnat in
saecula saeculorum. R. Amen.

Tres piae et utiles morientibus Ora-
tiones, cum tribus **Pater noster** et tri-
bus **Ave Maria** in agone mortis reci-
tandae.

Primo dicitur:

Kyrie eleison. Christe eleison.
Kyrie eleison. Pater noster. Ave
Maria.

Oratio.

Domine Jesu Christe, per tuam
sanctissimam agoniam et oratio-
nem qua orasti pro nobis in monte
Olivet, quando factus est sudor
tuus sicut guttae sanguinis de-
currentis in terram, obsecro te,
ut multitudinem sudoris tui san-
guinei, quem prae timoris angus-
tia copiosissime pro nobis effu-
disti, offerre et ostendere digne-
ris Deo Patri omnipotenti contra
multitudinem omnium peccatorum
hujus famuli tui ; et libera

eum in hac hora mortis suae ab omnibus poenis et angustiis, quas pro peccatis suis timet se meruisse. Qui cum Patre et Spiritu Sancto vivis etc. Kyrie eleison. Christe eleison. Kyrie eleison. Pater noster. Ave Maria.

Oratio.

Domine Jesu Christe, qui pro nobis mori dignatus es in cruce, obsecro te, ut omnes amaritudines passionum et poenarum tuarum, quas pro nobis miseris peccatoribus sustinuisti in cruce, maxime in illa hora quando sanctissima anima tua egressa est de sanctissimo corpore tuo, offerre et ostendere digneris Deo Patri omnipotenti pro anima hujus famuli tui N. ; et libera eum in hac hora mortis ab omnibus poenis et passionibus, quas pro peccatis suis timet se meruisse. Qui

cum Patre et Spiritu Sancto vivis
et regnas, etc.

Kyrie eleison. Christe eleison.
Kyrie eleison. Pater Noster, Ave
Maria.

Oratio.

Domine Jesu Christe, qui per
os Prophetæ dixisti: In charita-
te perpetua dilexi te, ideo attraxi
te miserans, obsecro te, ut eam-
dem charitatem tuam, quae te
de coelis in terram ad tolerandas
omnium passionum tuarum ama-
ritudines attraxit, offerre et osten-
dere digneris Deo Patri omni-
potenti pro anima hujus famuli tui

N.; et libera eum ab omnibus
passionibus et poenis, quas pro
peccatis suis timet se meruisse,
et salva animam ejus in hac hora
exitus sui; aperi ei januam vitae,
et fac eum gaudere cum Sanctis
tuis in gloria aeterna. Et tu,
piissime Domine Jesu Christe, qui

redemisti nos pretiosissimo sanguine tuo, miserere animae hujus famuli tui, et eam introducere digneris ad semper virentia et amoena loca paradisi, ut vivat tibi amore indivisibili, qui a te et ab electis tuis nunquam separari potest. Qui cum Patre et Spiritu Sancto vivis et regnas Deus in saecula saeculorum.

R). Amen.

IN EXPIRATIONE

Assistens sive Sacerdos pro moriente, si ipse non potest, pronunciet clara voce **JESU, JESU, JESU**. Quod, et ea quae sequuntur, ad illius aures, si videbitur, etiam saepius repetat.

In manus tuas, Domine, commendo spiritum meum: Domine Jesu Christe, suscipe spiritum meum: sancta Maria, ora pro me. Maria Mater gratiae, Mater mi-

sericordiae, tu me ab hoste protege. et hora mortis suscipe.

Egressa de corpore anima, statim dicatur hoc

℟. Subvenite, Sancti Dei; occurrite, Angeli Domini: suscipientes animam ejus: offerentes eam in conspectu Altissimi. √. Suscipiat te Christus, qui vocavit te, et in sinum Abrahae Angeli deducant te. ℟. Suscipientes animam ejus, offerentes eam in conspectu Altissimi.

℟. Requiem aeternam dona ei, Domine. ℟. Et lux perpetua luceat ei. Offerentes eam in conspectu Altissimi. Kyrie eleison. Christe eleison. Kyrie eleison. Pater noster, etc.

√. Et ne nos inducas in tentationem.

℟. Sed libera nos a malo.

√. Requiem aeternam dona ei, Domine.

℟. Et lux perpetua luceat ei.

℣. A porta inferi.

℟. Erue, Domine, animam ejus.

℣. Requiescat in pace. ℟. Amen.

℣. Domine, exaudi orationem
meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

Oremus.

Tibi, Domine, commendamus
animam famuli tui N. , ut defun-
ctus saeculo tibi vivat; et quae
per fragilitatem humanae conver-
sationis peccata commisit, tu ve-
nia misericordiosissimae pietatis
absterge. Per Christum Dominum
nostrum. ℟. Amen.



ORDO

EXEQUIARUM

Parochus domum ingressus, ubi jacet
cadaver, illud aspergit aqua benedicta:
mox dicit Antiphonam.

Si iniquitates observaveris, Do-
mine, Domine, quis sustinebit?

Psalmus 129.

De profundis clamavi ad te,
Domine,* Domine, exaudi vocem
meam.

Fiant aures tuae intendentes*
in vocem deprecationis meae.

Si iniquitates observaveris, Do-
mine:* Domine quis sustinebit?

Quia apud te propitiatio est:* et
propter legem tuam sustinui te,
Domine.

Sustinuit anima mea in verbo
ejus:* speravit anima mea in Do-
mino.

A custodia matutina usque ad

noctem, * speret Israël in Domino.

Quia apud Dominum misericordia,* et copiosa apud eum redemptio.

Et ipse redimet Israël* ex omnibus iniquitatibus ejus. In fine, Requiem aeternam, etc. Et repetit Antiphonam totam: Si iniquitates. Deinde cadavere effertur, parochusque de domo procedens intonat

Antiph. Exultabunt Domino.

Et statim inchoat Psalmum 50.

Miserere mei, Deus,* secundum magnam misericordiam tuam.

Et secundum multitudinem miserationum tuarum* dele iniquitatem meam.

Amplius lava me ab iniquitate mea* et a peccato meo munda me.

Quoniam iniquitatem meam ego cognosco:* et peccatum meum contra me est semper.

Tibi soli peccavi, et malum co-

ram te feci:⁂ ut justificeris in sermonibus tuis, et vincas cum iudicaris.

Ecce enim in iniquitatibus conceptus sum:⁂ et in peccatis concepit me mater mea.

Ecce enim veritatem dilexisti:⁂ incerta et occulta sapientiae tuae manifestasti mihi.

Asperges me hyssopo, et mundabor:⁂ lavabis me, et super nivem dealbabor.

Auditui meo dabis gaudium, et laetitiam:⁂ et exultabunt ossa humiliata.

Averte faciem tuam a peccatis meis:⁂ et omnes iniquitates meas dele.

Cor mundum crea in me, Deus:⁂ et spiritum rectum innova in visceribus meis.

Ne projicias me a facie tua:⁂ et spiritum sanctum tuum ne auferas a me.

Redde mihi retributionem salutaris tui: et spiritu principali confirma me.

Docebo iniquos vias tuas: et impii ad te convertentur.

Libera me de sanguinibus, Deus, Deus salutis meae: et exultabit lingua mea justitiam tuam.

Domine, labia mea aperies, et os meum annuntiabit laudem tuam.

Quoniam si voluisses sacrificium, dedissem utique: holocaustis non delectaberis.

Sacrificium Deo spiritus contritus: cor contritum et humiliatum, Deus non despicies.

Benigne fac, Domine, in bona voluntate tua Sion: ut aedificentur muri Jerusalem.

Tunc acceptabis sacrificium iustitiae, oblationes et holocausta, tunc imponent super altare tuum vitulos. Requiem, etc.

Ad ingressum Ecclesiae repetit Antiph.

Exultabunt Domino ossa humiliata.

Deinde ingressi Ecclesiam cantant Resp., cantore incipiente, et clero alternatim respondente, videlicet:

Subvenite, Sancti Dei; occurrere, Angeli Domini: suscipientes animam ejus: offerentes eam in conspectu Altissimi.

✠. Suscipiat te Christus, qui vocavit te: et in sinum Abrahae Angeli deducant te.

R). Suscipientes animam ejus: offerentes eam in conspectu Altissimi.

✠. Requiem aeternam dona ei, Domine.

R) Et lux perpetua luceat ei.

Offerentes eam in conspectu Altissimi.

Si Missa solemnis, praesente cadavere, non celebratur, absolute dicit seq. Orationem.

Non intres in iudicium cum servo tuo, Domine, quia nullus apud te justificabitur homo, nisi per te omnium peccatorum ei tribuatur remissio. Non ergo eum, quaesumus, tua judicialis sententia premat, quem tibi vera supplicatio fidei christianae commendat: sed gratia tua illi succurrente, mereatur evadere iudicium ultionis, qui dum viveret insignitus est signaculo sanctae Trinitatis. Qui vivis et regnas, etc.

Deinde, Parocho vel Cantore incipiente, circumstantes cantant sequens Responsorium:

Libera me, Domine, de morte aeterna in die illa tremenda: * quando coeli movendi sunt, et terra: * dum veneris iudicare saeculum per ignem.

†. Tremens factus sum ego, et timeo, dum discussio venerit atque ventura ira.

R. Quando coeli movendi sunt
et terra.

ÿ. Dies illa, dies irae, calami-
tatis et miseriae,* dies magna et
amara valde.

R. Dum veneris judicare sae-
culum per ignem.

ÿ. Requiem aeternam dona ei,
Domine: et lux perpetua luceat ei.

R. Libera me, Domine, de mor-
te aeterna in die illa tremenda.

ÿ Quando coeli movendi sunt,
et terra.

R. Dum veneris judicare sae-
culum per ignem.

Tum Sacerdos dicit:

ÿ. Kyrie eleison.

R. Christe eleison.

ÿ. Kyrie eleison.

R. Pater noster, secreto.

ÿ Et ne nos inducas in tenta-
tionem.

R. Sed libera nos a malo.

Ÿ. A porta inferi.

R). Erue , Domine , animam
ejus.

Ÿ. Requiescat in pace.

R). Amen.

Ÿ. Domine , exaudi orationem
meam.

R). Et clamor meus ad te veniat.

Ÿ. Dominus vobiscum.

R). Et cum spiritu tuo.

Oremus.

Deus, cui proprium est misereri
semper et parcere : te supplices
exoramus pro anima famuli tui N.,
quam hodie de hoc saeculo migra-
re jussisti; ut non tradas eam in
manus inimici, neque obliviscaris
in finem, sed jubeas eam a sanctis
Angelis suscipi, et ad patriam pa-
radisi perducì, ut quia in te spe-
ravit et credidit, non poenas in-
ferni sustineat, sed gaudia aeterna
possideat. Per Christum Dominum
nostrum. R). Amen.



Si defunctus fuerit Sacerdos, in Oratione dicatur **pro anima famuli tui Sacerdotis, quam hodie etc.,**

Finita Oratione, si tunc deferendum sit corpus ad sepulcrum, dum portatur canitur

Antiphona.

In paradisum deducant te Angeli: in tuo adventu suscipiant te Martyres, et perducant te in civitatem sanctam Jerusalem. Chorus Angelorum te suscipiat, et cum Lazaro quondam paupere aeternam habeas requiem.

Cum autem pervenerit ad sepulcrum, si non est benedictum, Sacerdos illud benedicit dicens hanc Orationem.

Oremus.

Deus, cujus miseratione animae fidelium requiescunt, hunc tumulum benedicere dignare, eique Angelum tuum sanctum deputa custodem, et quorum quarumque corpora hic sepeliuntur, animas eorum ab omnibus absolve vinculis

delictorum, ut in te semper cum
Sanctis tuis sine fine laetentur.
Per Christum Dominum nostrum.

R). Amen.

Dieta Oratione, Sacerdos aqua benedi-
cta aspergat, deinde incenset corpus de-
functi et tumulum.

Quod si corpus tunc ad sepulturam non
deferatur, omisso responsorio **In paradi-
sum etc.**, intonat statim

Antiph. Ego sum.

Cant. Zachariae. (Luc. I.)

**Benedictus Dominus Deus Is-
raël:*** quia visitavit, et fecit re-
demptionem plebis suae.

Et erexit cornu salutis nobis:*
in domo David pueri sui.

Sicut locutus est per os sancto-
rum,* qui a saeculo sunt, Prophe-
tarum ejus.

Salutem ex inimicis nostris:* et
de manu omnium, qui oderunt nos.

Ad faciendam misericordiam

cum patribus nostris:* et memorari testamenti sui sancti.

Jusjurandum, quod iuravit ad Abraham patrem nostrum,* daturum se nobis.

Ut sine timore, de manu inimicorum nostrorum liberati,* serviamus illi.

In sanctitate et justitia coram ipso,* omnibus diebus nostris.

Et tu puer Propheta Altissimi vocaberis:* praeibis enim ante faciem Domini parare vias ejus.

Ad dandam scientiam salutis plebi ejus:* in remissionem peccatorum eorum.

Per viscera misericordiae Dei nostri:* in quibus visitavit nos, oriens ex alto.

Illuminare his, qui in tenebris, et in umbra mortis sedent:* ad dirigendos pedes nostros in viam pacis. Requiem aeternam, etc.

Antiph. Ego sum resurrectio

et vita: qui credit in me, etiamsi mortuus fuerit, vivet: et omnis qui vivit et credit in me non morietur in aeternum.

Postea Sacerdos dicit:

Kyrie eleison. Christe eleison.
Kyrie eleison. Pater noster, secreto.

Interim corpus aspergit.

Ÿ. Et ne nos inducas in tentationem.

R). Sed libera nos a malo.

Ÿ. A porta inferi.

R). Erue, Domine, animam ejus.

Ÿ. Requiescat in pace. R) Am.

Ÿ. Domine, exaudi orat. meam.

R). Et clamor meus ad te veniat.

Ÿ. Dominus vobiscum.

R). Et cum spiritu tuo.

Pro defuncto. Oratio.

Fac, quaesumus, Domine, hanc cum servo tuo defuncto misericor-

diam, ut factorum suorum in poenis non recipiat vicem, qui tuam in votis tenuit voluntatem, ut sicut hic eum vera fides junxit fidelium turmis, illic eum tua miseratio societ angelicis choris. Per Christum Dominum nostrum.

R). Amen.

Pro defuncta. Oratio.

Fac, quaesumus, Domine, hanc cum famula tua defuncta misericordiam, ut factorum suorum in poenis non recipiat vicem, quae tuam in votis tenuit voluntatem; ut, sicut hic eam vera fides junxit fidelium turmis, ita illic eam tua miseratio societ angelicis choris. Per Christum Dominum nostrum.

R). Amen.

V. Requiem aeternam dona ei, Domine.

R). Et lux perpetua luceat ei.

V. Requiescat in pace. R). Amen.

✠. Anima ejus et animae omnium fidelium defunctorum per misericordiam Dei requiescant in pace. R). Amen.

Deinde a sepultura in Ecclesiam vel in sacristiam revertentes, dicant sine cantu Antiphonam Si iniquitates, cum Psalm. De profundis, etc. Requiem aeternam dona ei, Domine, etc.

DE EXEQUIIS PARVULORUM

Parochus superpelliceo et stola alba indutus, et alii de Clero, si adsint, praecedente Cruce, accedat ad domum defuncti cum clerico aspersorium deferente. Domum ingressus Sacerdos aspergit corpus, deinde dicit:

Antiph. Sit nomen Domini.

Psalmus 112.

Laudate pueri Dominum;* laudate nomen Domini.

Sit nomen Domini benedictum:* ex hoc nunc et usque in saeculum.

A solis ortu usque ad occasum,^o
laudabile nomen Domini.

Excelsus super omnes gentes
Dominus:* et super coelos gloria
ejus.

Quis sicut Dominus Deus no-
ster, qui in altis habitat,* et hu-
milia respicit in coelo et in terra.

Suscitans a terra inopem:* et de
stercore erigens pauperem.

Ut collocet eum cum principi-
bus,* cum principibus populi sui.

Qui habitare facit sterilem in
domo,* matrem filiorum laetan-
tem.

Gloria Patri, et Filio, et Spiri-
tui Sancto, etc.

Antiph. Sit nomen Domini be-
nedictum ex hoc nunc et usque in
saeculum.

Dum portatur ad Ecclesiam, dicatur
Psalmus 118.

Beati immaculati in via,* qui
ambulant in lege Domini.

Beati qui scrutantur testimonia ejus: * in toto corde exquirunt eum.

Non enim qui operantur iniquitatem, * in viis ejus ambulaverunt.

Tu mandasti * mandata tua custodiri nimis.

Utinam dirigantur viae meae, * ad custodiendas justificationes tuas!

Tunc non confundar, * cum perspexero in omnibus mandatis tuis.

Confitebor tibi in directione cordis: * in eo quod didici judicia justitiae tuae.

Justificationes tuas custodiam: * non me derelinquas usquequaque.

In quo corrigit adolescentior viam suam? * in custodiendo sermones tuos.

In toto corde meo exquisivi te: * ne repellas me a mandatis tuis.

In corde meo abscondi eloquia tua, * ut non peccem tibi.

Benedictus es Domine:* doce me justificationes tuas.

In labiis meis* pronuntiavi omnia judicia oris tui.

In via testimoniorum tuorum delectatus sum,* sicut in omnibus divitiis.

In mandatis tuis exercebor:* et considerabo vias tuas.

In justificationibus tuis meditabor:* non obliviscar sermones tuos.

Gloria Patri, etc.

Et si tempus superest, dici potest

Psalmus 148.

Laudate Dominum de coelis:*
laudate eum in excelsis.

Laudate eum omnes Angeli
ejus:* laudate eum omnes Virtutes
ejus.

Laudate eum sol et luna:* lau-
date eum omnes stellae et lumen.

Laudate eum coeli coelorum:* et

aquae omnes, quae super coelos sunt, laudent nomen Domini.

Quia ipse dixit, et facta sunt:* ipse mandavit, et creata sunt.

Statuit ea in aeternum, et in saeculum saeculi:* praeceptum posuit, et non praeteribit.

Laudate Dominum de terra:* dracones et omnes abyssi.

Ignis, grando, nix, glacies, spiritus procellarum:* quae faciunt verbum ejus.

Montes et omnes colles:* ligna fructifera et omnes cedri:

Bestiae et universa pecora:* serpentes et volucres pennatae:

Reges terrae et omnes populi:* principes et omnes iudices terrae.

Juvenes et virgines, senes cum junioribus laudent nomen Domini,* quia exaltatum est nomen ejus solius.

Confessio ejus super coelum et

terram: et exaltavit cornu populi sui.

Hymnus omnibus sanctis ejus: filiis Israël, populo appropinquanti sibi.

Psalmus 149.

Cantate Domino canticum novum: laus ejus in Ecclesia sanctorum.

Laetetur Israël in eo, qui fecit eum: et filii Sion exultent in Rege suo.

Laudent nomen ejus in choro: in tympano et psalterio psallant ei.

Quia beneplacitum est Domino in populo suo: et exaltabit mansuetos in salutem.

Exultabunt sancti in gloria: laetabuntur in cubilibus suis.

Exaltationes Dei in gutture eorum: et gladii ancipites in manibus eorum.

Ad faciendam vindictam in na-

tionibus: * increpationes in populis.

Ad alligandos reges eorum in compedibus: * et nobiles eorum in manicis ferreis.

Ut faciant in eis iudicium conscriptum: * gloria haec est omnibus sanctis ejus.

Psalmus 150.

Laudate Dominum in sanctis ejus: * laudate eum in firmamento virtutis ejus.

Laudate eum in virtutibus ejus: * laudate eum secundum multitudinem magnitudinis ejus.

Laudate eum in sono tubae: * laudate eum in psalterio et cithara.

Laudate eum in tympano et choro: * laudate eum in cordis et organo.

Laudate eum in cymbalis benesonantibus, laudate eum in cimba-

lis jubilationis: * omnis spiritus
laudet Dominum.

Gloria Patri, etc.

Cum autem pervenerit ad Ecclesiam,
dicatur

Antiph. Hic accipiet.

Psalmus 23.

Domini est terra, et plenitudo
ejus: * orbis terrarum et universi
qui habitant in eo.

Quia ipse super maria fundavit
eum: * et super flumina praepa-
ravit eum.

Quis ascendet in montem Do-
mini? aut quis stabit in loco san-
cto ejus?

Innocens manibus et mundo cor-
de, * qui non accepit in vano ani-
mam suam, nec juravit in dolo
proximo suo.

Hic accipiet benedictionem a
Domino, * et misericordiam a Deo
salutari suo.

Haec est generatio quaerentium

eum, * quaerentium faciem Dei Jacob.

Attollite portas, principes, vestras, et elevamini portae aeternales: * et introibit Rex gloriae.

Quis est iste Rex gloriae? * Dominus fortis et potens, Dominus potens in praelio.

Attollite portas, principes, vestras, et elevamini portae aeternales: * et introibit Rex gloriae.

Quis est iste Rex gloriae? * Dominus Virtutum ipse est Rex gloriae.

Gloria Patri, etc.

Antiph. Hic accipiet benedictionem a Domino; et misericordiam a Deo salutari suo, quia haec est generatio quaerentium Dominum.

Postea dicitur:

Kyrie eleison. Christe eleison.
Kyrie eleison. Pater noster, secreto.

Interim corpus aspergit.

Ÿ. Et ne nos inducas in tentationem.

℞. Sed libera nos a malo.

Ÿ. Me autem propter innocentiam suscepisti.

℞. Et confirmasti me in conspectu tuo in aeternum.

Ÿ. Dominus vobiscum.

℞. Et cum spiritu tuo.

Oremus.

Omnipotens et mitissime Deus, qui omnibus parvulis renatis fonte baptismatis, dum migrant a saeculo, sine ullis eorum meritis vitam illico largiris aeternam, sicut animae hujus parvuli hodie credimus te fecisse: fac nos, quæsumus, Domine, per intercessionem beatae Mariae semper virginis et omnium Sanctorum tuorum, hic purificatis tibi mentibus famulari, et in paradiso cum beatis parvulis perenniter sociari. Per Christum etc. ℞. Amen.

Dum portatur ad tumulum, et etiamsi
tunc non portetur, dicitur

Antiph. Iuvenes.

Psalmi 148 et sequentes uti descri-
buntur pag. 76 et sequentibus

**Antiph. Iuvenes et virgines,
senes cum junioribus laudent no-
men Domini.**

**Kyrie eleison. Christe eleison.
Kyrie eleison. Pater noster, se-
creto.**

ÿ. Et ne nos inducas in ten-
tationem.

Ṛ. Sed libera nos a malo.

ÿ. Sinite parvulos venire ad me.

Ṛ. Talium est enim regnum coe-
lorum.

ÿ. Dominus vobiscum.

Ṛ. Et cum spiritu tuo.

Oremus.

Omnipotens sempiterne Deus,
sanctae puritatis amator, qui ani-
mam hujus parvuli ad coelorum
regnum hodie misericorditer vo-

care dignatus es, digneris etiam, Domine, ita nobiscum misericorditer agere, ut meritis tuae sanctissimae Passionis et intercessione beatae Mariae semper virginis et omnium sanctorum tuorum, in eodem regno nos cum omnibus sanctis et electis tuis semper facias congaudere. Qui vivis et regnas, etc.

Deinde Sacerdos corpus aspergat aqua benedicta et thurificet, similiter et tumulum.

Cum autem a sepultura revertantur in Ecclesiam, dicatur

Antiph. Benedicite.

Canticum trium puerorum. (Dan. III.)

Benedicite omnia opera Domini Domino: * laudate et superexaltate eum in saecula.

Benedicite Angeli Domini Domino: * benedicite coeli Domino.

Benedicite aquae omnes, quae super coelos sunt, Domino: * be-

nedicite omnes Virtutes Domini Domino.

Benedicite sol et luna Domino: * benedicite stellae coeli Domino.

Benedicite omnis imber et ros Domino: * benedicite omnis spiritus Dei Domino.

Benedicite ignis et aestus Domino: * benedicite frigus et aestus Domino.

Benedicite rores et pruina Domino: * benedicite gelu et frigus Domino.

Benedicite glacies et nives Domino: * benedicite noctes et dies Domino.

Benedicite lux et tenebrae Domino: * benedicite fulgura et nubes Domino.

Benedicat terra Dominum: * laudet et superexaltet eum in saecula.

Benedicite montes et colles Do-

mino: * benedicite universa germinantia in terra Domino.

Benedicite fontes Domino: * benedicite maria et flumina Domino.

Benedicite cete et omnia quae moventur in aquis Domino: * benedicite omnes volucres coeli Domino.

Benedicite omnes bestiae et pecora Domino: * benedicite filii hominum Dominum.

Benedicat Israël Dominum : * laudet et superexaltet eum in saecula.

Benedicite sacerdotes Domini Domino: * benedicite servi Domini Domino.

Benedicite spiritus et animae justorum Domino: * benedicite sancti et humiles corde Domino.

Benedicite Anania, Azaria, Misaël Domino: * laudate et superexaltate eum in saecula.

Benedicamus Patrem et Filium

cum Sancto Spiritu : * laudemus
et superexaltemus eum in sae-
cula.

Benedictus es, Domine, in fir-
mamento coeli, et laudabilis et
gloriosus et superexaltatus in sae-
cula.

Antiph. Benedicite Dominum
omnes electi ejus, agite dies lae-
titiae, et confitemini illi.

Deinde ante altare dicit Sacerdos :

ŷ. Dominus vobiscum.

ŕ). Et cum spiritu tuo.

Oremus.

Deus qui miro ordine Angelo-
rum ministeria hominumque di-
spensas: concede propitius, ut a
quibus tibi ministrantibus in coe-
lo semper assistitur, ab his in
terra vita nostra muniatur. Per
Christum Dominum nostrum.

ŕ). Amen.

RITUS

CELEBRANDI MATRIMONII SACRAMENTUM

Parochus igitur Matrimonium celebraturus, publicationibus factis tribus diebus festis, si nullum obstet legitimum impedimentum, in Ecclesia, superpelliceo et alba stola indutus, adhibito uno saltem Clerico superpelliceo pariter induto, qui librum et vas aquae benedictae cum aspersorio deferat, coram tribus aut duobus testibus, virum et mulierem, quos parentum vel propinquorum suorum praesentia cohonestari decet, de consensu in Matrimonium interroget, utrumque singillatim in hunc modum vulgari sermone.

N., vis accipere **N.** hic praesentem in tuam legitimam uxorem, juxta ritum sanctae Matris Ecclesiae?

Respondeat Sponsus: Volo.


Mox Sacerdos Sponsam interroget:

N., vis accipere **N.** hic praesentem in tuum legitimum mari-

tum, juxta ritum sanctae Matris Ecclesiae?

Respondeat Sponsa: Volo.

Nec sufficit consensus unius, sed debet esse amborum, et expressus aliquo signo sensibili, sive fiat per se, sive per procuratorem. Mutuo igitur contrahentium consensu intellecto, Sacerdos jubeat eos invicem jungere dexterar, dicens:

Ego conjungo vos in matrimonio. In nomine Patris  et Filii et Spiritus Sancti. Amen.

Vel aliis utatur verbis juxta receptum uniuscuiusque Provinciae ritum: postea eos aspergat aqua benedicta: mox benedicat annulum.

Benedictio annuli.

Ÿ. Adjutorium nostrum in nomine Domini.

R). Qui fecit coelum et terram.

Ÿ. Domine, exaudi orationem meam.

R). Et clamor meus ad te veniat.

Ÿ. Dominus vobiscum.

℞. Et cum spiritu tuo.

Oremus.

Benedic ✠, Domine, annulum hunc, quem nos in tuo nomine benedicimus ✠, ut quae eum gesterit, fidelitatem integram suo sponso tenens, in pace et voluntate tua permaneat, atque in mutua charitate semper vivat. Per Christum, etc.

Deinde Sacerdos aspergat annulum aqua benedicta in modum crucis: et Sponsus acceptum annulum de manu Sacerdotis imponit in digito annulari sinistrae manus Sponsae, Sacerdote dicente:

In nomine Patris ✠ et Filii et Spiritus Sancti. Amen.

Mox subjungat:

Ÿ. Confirma hoc, Deus, quod operatus es in nobis.

℞. A templo sancto tuo, quod est in Jerusalem.

Kyrie eleison. Christe eleison.

Kyrie eleison. Pater noster, æcreto.

ÿ. **Et ne nos inducas in tentationem.**

℞. **Sed libera nos a malo.**

ÿ. **Salvos fac servos tuos.**

℞. **Deus meus sperantes in te.**

ÿ. **Mitte eis, Domine, auxilium de sancto.**

℞. **Et de Sion tuere eos.**

ÿ. **Esto eis, Domine, turris fortitudinis.**

℞. **A facie inimici.**

ÿ. **Domine, exaudi orationem meam.**

℞. **Et clamor meus ad te veniat.**

ÿ. **Dominus vobiscum.**

℞. **Et cum spiritu tuo.**

Oremus.

Respice, quaesumus, Domine, super hos famulos tuos: et institutis tuis, quibus propagationem humani generis ordinasti, benignus assiste ut qui te auctore jun-

**guntur, te auxiliante servantur :
Per Christum Dominum nostrum.**

R). Amen.

His expletis, si benedicendae sint nuptiae, Parochus Missam pro Sponso et Sponsa, ut in Missali Romano, celebret, juxta decreta S. Sedis.



BENEDICTIO

MULIERIS POST PARTUM

Si qua puerpera post partum, juxta
piam ac laudabilem consuetudinem ad
Ecclesiam venire voluerit pro incolumi-
tate sua Deo gratias actura, petieritque
a Sacerdote benedictionem, ipse, super-
pelliceo et stola alba indutus, cum mini-
stro aspergillum deferente, ad fores Ec-
clesiae accedat, ubi illam foris ad limina
genuflectentem, et candelam accensam in
manu tenentem, aqua benedicta asper-
gat, deinde dicat

Ÿ. Adjutorium nostrum in no-
mine Domini.

R). Qui fecit coelum et terram.

Antiph. Haec accipiet benedi-
ctionem a Domino.

Psalmus 23.

Vide paginam 80.

Antiph. Haec accipiet benedi-
ctionem a Domino, et misericor-
diam a Deo salutari suo: quia haec
est generatio quaerentium Domi-
num.

Deinde, porrigens ad manum mulieris extremam partem stolae, eam introducit in Ecclesiam, dicens

Ingredere in templum Dei, adora Filium beatæ Mariæ Virginis, qui tibi foecunditatem tribuit prolis.

Et ipsa ingressa genuflectit coram altari et orat, gratias agens coram Deo de beneficiis sibi collatis, et Sacerdos dicit:

Kyrie eleison. Christe eleison. Kyrie eleison. Pater noster, secreto.

℣. Et ne nos inducas, etc.

℞. Sed libera nos a malo.

℣. Salvam fac ancillam tuam, Domine.

℞. Deus meus sperantem in te.

℣. Mitte ei, Domine, auxilium de Sancto.

℞. Et de Sion tuere eam.

℣. Nihil proficiat inimicus in ea.

℞. Et filius iniquitatis non apponat nocere ei.

Ÿ Domine, exaudi, etc.

13. Et clamor meus ad te veniat.

Ÿ. Dominus vobiscum.

13. Et cum spiritu tuo.

Oremus.

Omnipotens sempiterne Deus, qui per beatae Mariae Virginis partum fidelium parientium dolores in gaudium vertisti: respice propitius super hanc famulam tuam, ad templum sanctum tuum pro gratiarum actione laeta accedentem: et praesta ut, post hanc vitam, ejusdem beatae Mariae meritis et intercessione, ad aeternae beatitudinis gaudia cum prole sua pervenire mereatur. Per Christum Dominum nostrum. Amen.

Deinde illam aspergit iterum aqua benedicta in modum crucis, dicens:

Pax, et benedictio Dei Omnipotentis, Patris ✠ et Filii et Spiritus Sancti, descendat super te, et maneat semper. Amen.

BENEDICTIO

S A L I S E T A Q U A E .

✠. Adjutorium nostrum in nomine Domini.

℞. Qui fecit coelum et terram.

Exorcismus salis.

Exorcizo te, creatura salis, per Deum ✠ vivum, per Deum ✠ verum, per Deum ✠ sanctum, per Deum, qui te per Eliseum Prophetam in aquam mitti jussit, ut sanaretur sterilitas aquae; ut efficiaris sal exorcizatum in salutem credentium; et sis omnibus sumentibus te sanitas animae et corporis, et effugiat atque discedat a loco, in quo aspersum fueris, omnis phantasia et nequitia vel versutia diabolicae fraudis, omnisque spiritus immundus adjuratus per eum, qui venturus est judicare vivos et mortuos, et saeculum per ignem. ℞. Amen.

Oremus.

Immensam clementiam tuam, omnipotens aeterne Deus, humiliter imploramus, ut hanc creaturam salis, quam in usum generis humani tribuisti, bene ✠ dicere et sancti ✠ ficare tua pietate digneris, ut sit omnibus sumentibus salus mentis et corporis: et quidquid ex eo tactum vel respersum fuerit, careat omni immunditia, omnique impugnatione spiritualis nequitiae. Per Dominum, etc.

Exorcismus aquae.

Exorcizo te, creatura aquae, in nomine Dei ✠ Patris Omnipotentis, in nomine Jesu ✠ Christi Filii ejus Domini nostri, et in virtute Spiritus ✠ Sancti, ut fias aqua exorcizata ad effugandam omnem potestatem inimici, et ipsum inimicum eradicare et explantare valeas, cum angelis suis apostaticis: per virtutem Domini

nostri Jesu Christi, qui venturus est judicare vivos et mortuos, et saeculum per ignem.

℞. Amen.

Oremus.

Deus, qui ad salutem humani generis maxima quaeque sacramenta in aquarum substantia condidisti : adesto propitius invocationibus nostris, et elemento huic multimodis purificationibus praeparato virtutem tuae ✠ benedictionis infunde, ut creatura tua, mysteriis tui serviens, ad abigendos daemones, morbosque pellen- dos, divinae gratiae sumat effectum, ut quidquid in domibus vel in locis fidelium haec unda resperserit, careat omni immunditia, liberetur a noxa, non illic resideat spiritus pestilens, non aura corrumpens: discedant omnes insidiae latentis inimici: et si quid est, quod aut incolumitati

habitantium invidet, aut quieti, aspersione hujus aquae effugiat, ut salubritas per invocationem sancti tui Nominis expetita, ab omnibus sit impugnationibus defensa. Per Dominum nostrum.

Hic admiscetur sal benedictum cum aqua in modum crucis ter.

Commixtio salis et aquae pariter fiat in nomine Pa tris et Fi lli et Spiritus Sancti.

℞. Amen.

℥. Dominus vobiscum.

℞. Et cum spiritu tuo.

Oremus.

Deus invictae virtutis auctor, et insuperabilis imperii Rex, ac semper magnificus triumphator, qui adversae dominationis vires reprimis, qui inimici rugientis saevitiam superas, qui hostiles nequitias potenter expugnas, te, Domine trementes et supplices deprecamur ac petimus, ut hanc

★

creaturam salis et aquae dignanter aspicias, benignus illustres, pietatis tuae rore sanctifices, ut ubicumque fuerit aspersa, per invocationem sancti tui Nominis omnis infestatio immundi spiritus abigatur, terrorque venenosi serpentis procul pellatur: et praesentia Sancti Spiritus nobis misericordiam tuam poscentibus ubique adesse dignetur. Per Dominum nostrum Jesum Christum Filium tuum, qui tecum, etc.



IN PROCESSIONE ROGATIONUM

LITANIAE SANCTORUM

CUM PRECIBUS.

Kyrie, eleison.

Christe, eleison.

Kyrie, eleison.

Christe, audi nos.

Christe, exaudi nos.

Pater de coelis Deus, miserere nobis.

Fili Redemptor mundi Deus, miserere.

Spiritus Sancte Deus, miserere.

Sancta Trinitas unus Deus, miserere.

Sancta Maria, ora pro nobis.

Sancta Dei Genitrix, ora.

Sancta Virgo Virginum, ora.

Sancte Michaël, ora.

Sancte Gabriel, ora.

Sancte Raphaël, ora.

Omnes sancti Angeli et Archangeli, orate.

Omnes sancti beatorum Spirituum

ordines, orate.

Sancte Joannes Baptista, ora.

Sancte Joseph, ora.

Omnes sancti Patriarchae et Pro-

phetae, orate.

Sancte Petro, ora.

Sancte Paule, ora.

Sancte Andrea,	ora.
Sancte Jacobe,	ora.
Sancte Joannes,	ora.
Sancte Thoma,	ora.
Sancte Iacobe,	ora.
Sancte Philippe,	ora.
Sancte Bartholomaeae,	ora.
Sancte Matthaeae,	ora.
Sancte Simon,	ora.
Sancte Thaddaeae,	ora.
Sancte Mathia,	ora.
Sancte Barnaba,	ora.
Sancte Luca,	ora.
Sancte Marce,	ora.
Omnes sancti Apostoli et Evange-	
listae,	orate.
Omnes sancti Discipuli Domini,	orate.
Omnes sancti Innocentes,	orate.
Sancte Stephane,	ora.
Sancte Laurenti,	ora.
Sancte Vincenti,	ora.
Sancti Fabiane et Sebastiane,	orate.
Sancti Joannes et Paule,	orate.
Sancti Cosma et Damiane,	orate.
Sancti Gervasi et Protasi,	orate.
Omnes sancti Martyres,	orate.
Sancte Sylvester,	ora.
Sancte Gregori,	ora.
Sancte Ambrosi,	ora.
Sancte Augustine,	ora.

Sancte Hieronyme,	ora.
Sancte Martine,	ora.
Sancte Nicolaë,	ora.
Omnes sancti Pontifices et Confes-	
sores,	orate.
Omnes sancti Doctores,	orate.
Sancte Antoni.	ora.
Sancte Benedicte,	ora.
Sancte Bernarde,	ora.
Sancte Dominice,	ora.
Sancte Francisce,	ora.
Omnes sancti Sacerdotes et Levi-	
tae,	orate.
Omnes sancti Monachi et Eremi-	
tae,	orate.
Sancta Maria Magdalena,	ora.
Sancta Agatha,	ora.
Sancta Lucia,	ora.
Sancta Agnes,	ora.
Sancta Caecilia,	ora.
Sancta Catharina,	ora.
Sancta Anastasia,	ora.
Omnes sanctae Virgines et Vi-	
duae,	orate.
Omnes sancti et sanctae Dei, intercedite	
pro nobis.	
Propitius esto, parce nobis, Domine.	
Propitius esto, exaudi nos, Domine.	
Ab omni malo,	libera nos, Domine.
Ab omni peccato,	libera.

Ab ira tua,	libera.
A flagello terraemotus,	libera.
A subitanea et improvisa morte,	libera.
Ab insidiis diaboli,	libera.
Ab ira et odio et omni mala vo-	
luntate,	libera.
A spiritu fornicationis,	libera.
A fulgure et tempestate,	libera.
A morte perpetua,	libera.
Per mysterium sanctae incarna-	
tionis tuae,	libera.
Per adventum tuum,	libera.
Per nativitatem tuam,	libera.
Per baptismum et sanctum jeju-	
nium tuum,	libera.
Per crucem et passionem tuam,	libera.
Per mortem et sepulturam tuam,	libera.
Per sanctam resurrectionem tuam,	libera.
Per admirabilem ascensionem tu-	
am,	libera.
Per adventum Spiritus Sancti Pa-	
raclyti,	libera.
In die iudicii,	libera.
Peccatores,	te rogamus, audi nos.
Ut nobis parcas,	te rogamus.
Ut nobis indulgeas,	te rogamus.
Ut ad veram poenitentiam	
nos perducere digneris,	te rogamus.
Ut Ecclesiam tuam sanctam	

- regere et conservare digneris, te rogamus.
- Ut domnum apostolicum et omnes ecclesiasticos ordines in sancta religione conservare digneris, te rogamus.
- Ut inimicos sanctae Ecclesiae humiliare digneris, te rogamus.
- Ut regibus et principibus christianis pacem et veram concordiam donare digneris, te rogamus.
- Ut cuncto populo christiano pacem et unitatem largiri digneris, te rogamus.
- Ut nosmetipsos in tuo sancto servitio confortare et conservare digneris, te rogamus.
- Ut mentes nostras ad coelestia desideria erigas, te rogamus.
- Ut omnibus benefactoribus nostris sempiterna bona retribuas, te rogamus.
- Ut animas nostras, fratrum, propinquorum et benefactorum nostrorum ab aeterna damnatione eripias, te rogamus.
- Ut fructus terrae dare et conservare digneris, te rogamus.
- Ut omnibus fidelibus defun-

ctis requiem aeternam do-
 nare digneris, te rogamus.
 Ut nos exaudire digneris, te rogamus.
 Fili Dei, te rogamus.
 Agnus Dei, qui tollis peccata mundi,
 parce nobis, Domine.
 Agnus Dei qui tollis peccata mundi,
 exaudi nos, Domine.
 Agnus Dei, qui tollis peccata mundi,
 miserere nobis.
 Christe, audi nos. Christe, exaudi nos.
 Kyrie, eleison. Christe, eleison.
 Kyrie, eleison. Pater noster, secreto.
 V. Et ne nos inducas in tentationem.
 R. Sed libera nos a malo.

Psalmus 69.

Deus, in adjutorium meum intende: *
 Domine, ad adjuvandum me festina.

Confundantur et revereantur, * qui
 quaerunt animam meam.

Avertantur retrorsum et erubescant, *
 qui volunt mihi mala.

Avertantur statim erubescences, * qui
 dicunt mihi: Euge, euge.

Exultent et laetentur in te omnes qui
 quaerunt te, * et dicant semper Magnifi-
 cetur Dominus, qui diligunt salutare
 tuum.

Ego vero egenus et pauper sum: * Deus, adjuva me.

Adjutor meus et liberator meus es tu: * Domine, ne moreris.

Gloria Patri, etc.

Ÿ. Salvos fac servos tuos.

R. Deus meus, sperantes in te.

Ÿ. Esto nobis Domine, turris fortitudinis.

R. A facie inimici.

Ÿ. Nihil proficiat inimicus in nobis.

R. Et filius iniquitatis non apponat nocere nobis.

Ÿ. Domine, non secundum peccata nostra facias nobis.

R. Neque secundum iniquitates nostras retribuas nobis.

Ÿ. Oremus pro Pontifice nostro N.

R. Dominus conservet eum, et vivificet eum, et beatum faciat eum in terra, et non tradat eum in animam inimicorum ejus.

Ÿ. Oremus pro benefactoribus nostris.

R. Retribuere dignare, Domine, omnibus nobis bona facientibus propter nomen tuum vitam aeternam. Amen.

Ÿ. Oremus pro fidelibus defunctis.

R. Requiem aeternam dona eis, Domine et lux perpetua luceat eis.

Ÿ. Requiescant in pace. R. Amen.

Ÿ. Pro fratribus nostris absentibus.

Ŧ. Salvos fac servos tuos, Deus meus, sperantes in te.

Ÿ. Mitte eis, Domine, auxilium de Sancto.

Ŧ. Et de Sion tuere eos.

Ÿ. Domine, exaudi orationem meam.

Ŧ. Et clamor meus ad te veniat.

Ÿ. Dominus vobiscum.

Ŧ. Et cum spiritu tuo.

Pro remissione peccatorum.

Oremus.

Deus, cui proprium est misereri semper et parcere, suscipe deprecationem nostram, ut nos et omnes famulos tuos, quos delictorum catena constringit, miscratio tuae pietatis clementer absolvat.

Exaudi, quaesumus, Domine, supplicum preces, et confitentium tibi parce peccatis, ut pariter nobis indulgentiam tribuas benignus et pacem.

Ineffabilem nobis, Domine, misericordiam tuam clementer ostende: ut simul nos et a peccatis omnibus exuas, et a poenis, quas pro his meremur, eripias.

Deus, qui culpa offenderis, poenitentia placaris, preces populi tui supplicantis propitius respice, et flagella tuae iracun-

diae, quae pro peccatis nostris meremur, averte.

Pro Papa.

Omnipotens, sempiternus Deus, misereere famulo tuo Pontifici nostro N., et dirige eum secundum tuam clementiam in viam salutis aeternae: ut, te donante, tibi placita cupiat, et tota virtute perficiat.

Pro pace.

Deus, a quo sancta desideria, recta consilia et justa sunt opera: da servis tuis illam, quam mundus dare non potest, pacem: ut et corda nostra mandatis tuis dedita, et hostium sublata formidine, tempora sint tua protectione tranquilla.

Pro castitate.

Ure igne Sancti Spiritus renes nostros et cor nostrum, Domine, ut tibi casto corpore serviamus, et mundo corde placeamus.

Pro defunctis.

Fidelium, Deus, omnium conditor et Redemptor, animabus famulorum, famularumque tuarum remissionem cunctorum tribue peccatorum: ut indulgentiam,

quam semper optaverunt, piis supplicationibus consequantur.

Pro impetrando divino auxilio
in omni actione.

Actiones nostras, quaesumus, Domine aspirando praeveni, et adjuvando proseguere: ut cuncta nostra oratio et operatio a te semper incipiat, et per te coepta finiatur.

Pro omnibus fidelibus vivis et defunctis.

Omnipotens, sempiterna Deus, qui vivorum dominaris simul et mortuorum, omniumque misereris, quos tuos fide et opere futuros esse praenoscis: te supplices exoramus, ut pro quibus effundere preces decrevimus, quosque vel praesens saeculum adhuc in carne retinet, vel futurum jam exutos corpore suscepit, intercedentibus omnibus sanctis tuis, pietatis tuae clementia, omnium delictorum suorum veniam consequantur. Per Dominum nostrum.

ÿ. Dominus vobiscum.

℞. Et cum spiritu tuo.

ÿ. Exaudiat nos omnipotens et misericors Dominus. ℞. Amen.

ÿ. Et fidelium animae per misericordiam Dei requiescant in pace. ℞. Amen.

BENEDICTIO ANIMALIUM
IN FESTO SANCTI ANTONII

**Adjutorium nostrum in nomine Do-
 mini.**

Qui fecit coelum et terram.

Domine, exaudi orationem meam.

Et clamor meus ad te veniat.

Dominus vobiscum.

Et cum spiritu tuo.

Oremus.

**Deus , refugium nostrum et virtus ,
 adesto piis Ecclesiae tuae precibus, au-
 ctor ipse pietatis, et praesta ut, quod
 fideliter petimus , efficaciter consequa-
 mur. Per Christum Dominum nostrum.**

¶. Amen.

Oremus.

**Omnipotens , sempiternae Deus , qui
 gloriosum beatum Antonium variis ten-
 tationibus probatum inter mundi hujus
 turbines illaesum transire fecisti, con-
 cede famulis tuis, ut, et praeclaro ipsius
 proficiamus exemplo, et a praesentis vi-
 tae periculis ejus meritis et intercessione
 liberemur. Per Christum Dominum, etc.**

Oremus.

Benedictionem tuam, Domine, haec animalia accipiant, qua corpore salventur, et ab omni malo per intercessionem beati Antonii liberentur. Per Christum Dominum, etc.

Deinde aspergat aqua benedicta.

BENEDICTIO DOMORUM**IN SABBATO SANCTO PASCHAE.**

Parochus seu alius Sacerdos, superpelliceo et stola alba indutus, cum ministro deferente vas aquae ex benedictione Fontium ante profusionem Chrismatis acceptae, visitat domos suae Paroeciae, aspergens eas eadem aqua benedicta.

Ingrediens domum, dicit:

Pax huic domui, et omnibus habitantibus in ea.

Deinde aspergens loca praecipua domus, et eos qui habitant in ea, dicit:

Ant. Vidi aquam egredientem de templo a latere dextro, alleluja: et omnes, ad quos pervenit aqua ista, salvi facti sunt, alleluja, alleluja.

Psal. Confitemini Domino, quoniam bonus: quoniam in saeculum misericordia ejus.

Gloria Patri, etc.

Repetitur

Antiphona. Vidi aquam, etc.

Deinde dicit:

Ÿ. Ostende nobis, Domine, misericordiam tuam, alleluja.

h. Et salutare tuum da nobis, alleluja.

Ÿ. Domine, exaudi orationem meam.

h. Et clamor meus ad te veniat.

Ÿ. Dominus vobiscum.

h. Et cum spiritu tuo.

Oremus.

Exaudi nos, Domine sancte, Pater omnipotens, aeterne Deus: et sicut domos Hebraeorum, in exitu de Aegypto, agni sanguine linitas (quod pascha nostrum, in quo immolatus est Christus, figurabat) ab Angelo percutiente custodisti: ita mittere digneris sanctum Angelum tuum de coelis, qui custodiat, foveat, protegat, visitet atque defendat omnes habitantes in hoc habitaculo. Per eundem Christum Dominum nostrum.

h. Amen.

BENEDICTIO PUERI INFIRMI.

In nomine Patris ✠ et Filii ✠ et Spiritus ✠ Sancti. Amen.

Pater noster, Ave Maria.

Antiph. Ex ore infantium et lactentium, Deus, perfecisti laudem propter inimicos tuos.

Psalmus 112.

Vide paginam 73.

Antiph. Ex ore infantium, etc.

ψ. Dominus vobiscum.

η. Et cum spiritu tuo.

Sequentia sancti Evangelii secundum Matthaeum.

η. Gloria tibi, Domine.

In illo tempore accesserunt discipuli ad Jesum dicentes: Quis putas major est in regno coelorum? Et advocans Jesus parvulum statuit eum in medio eorum, et dixit: Amen dico vobis, nisi conversi fueritis, et efficiamini sicut parvuli, non intrabitis in regnum coelorum. Quicumque ergo humiliaverit se sicut parvulus iste, hic major est in regno coelorum; qui suscepit unum parvulum talem in nomine meo, me suscipit: qui autem scandalizaverit unum de pusillis istis, qui in me credunt, expedit ei, ut su-

spendatur mola asinaria in collo ejus, et demergatur in profundum maris. Vae mundo a scandalis, necesse est enim ut veniant scandala: vae tamen homini illi, per quem scandalum venit.

℟. Laus tibi, Christe.

Kyrie, eleison. Christe, eleison. Kyrie, eleison. Pater noster, etc.

℣. Et ne nos inducas in tentationem.

℟. Sed libera nos a malo.

℣. Sinite parvulos venire ad me.

℟. Talium est enim regnum coelorum.

℣. Domine exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

Oremus.

Dulcissime Domine Jesu Christe, qui ob multitudinem miserationum tuarum, ut salvum faceres genus humanum, de coelo ad terram descendisti, te supplices deprecamur, ut per gloriosissimam nativitatem tuam, per baptismum et sanctum jejunium tuum, per crucem et passionem tuam, per mortem et sepulturam tuam, per sanctam resurrectionem tuam, et admirabilem ascensionem tuam, super hunc puerum famulum tuum infirmum rorem tuae benedictionis infundas, atque

★

eum, a qua detinetur infirmitate, liberes, et ab omni malo protegas et defendas.

Concede nos famulos tuos, quaesumus, Domine, perpetua mentis et corporis sanitate gaudere, et gloriosa B. Mariae semper Virginis intercessione a praesenti liberari tristitia, et aeterna perfrui laetitia. Per Christum Dominum nostrum. Amen.

Benedictio Dei omnipotentis, Patris ✠ et Filii ✠ et Spiritus ✠ Sancti descendat super te, et maneat semper. Amen.

BENEDICTIO ADULTI INFIRMI.

Brevis atque affectuosa hortatio fiat infirmo, ut omnem spem suam in Deum ponat, ipsum suppliciter exoret, ejusdem voluntati se omnino committat, et actum contritionis eliciat. Inde aspergatur infirmus aqua benedicta, dicendo:

Sub tuum praesidium, etc.

Oremus.

Concede famulos tuos perpetua mentis et corporis sanitate gaudere, et gloriosa beatae Mariae semper Virginis intercessione, a praesenti liberari tristitia, et aeterna perfrui laetitia. Per eundem, etc.

Ant. Similabo eum viro sapienti, etc.

V. Ora pro nobis, beate N.

R. Ut digni efficiamur promissionibus Christi.

V. Dominus vobiscum.

R. Et cum spiritu tuo.

Oremus.

Adesto, Domine, supplicationibus nostris, quas in beati N. deprecatione deferimus, ut qui nostrae justitiae fiduciam non habemus ejus, qui tibi placuit, precibus adjuvemur. Per Dñm nostrum, etc.

Manus imponens.

Super aegros manus imponent, et bene habebunt: Jesus Mariae filius, mundi salus et Dominus, meritis beati N., sit tibi clemens et propitius. Amen.

V. Dominus vobiscum.

R. Et cum spiritu tuo.

Sequentia sancti ✠ Evangelii secundum Lucam.

R. Gloria tibi, Domine.

In illo tempore surgens Jesus de synagoga, introivit in domum Simonis; sorcus autem Simonis tenebatur magnis febribus, et rogaverunt illum pro ea, et stans super illam imperavit feбри, et dimisit illam, et continuo surgens mi-

nistrabat illis, cum autem sol occidisset, omnes qui habebant infirmos variis languoribus ducebant illos ad eum: at ille singulis manus imponens curabat eos.

¶. Laus tibi, Christe.

In nomine virtute atque potentia Sanctissimae Trinitatis, Patris ✠ et Filii ✠ et Spiritus ✠ Sancti. Amen.

Extinguatur omnis infirmitas, per impositionem manuum mearum, imo per invocationem omnium Sanctorum, Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum et omnium simul Sanctorum, eorumque meritis et precibus adjuvemur.

Benedicatur cum Reliquiis
in modum crucis, dicendo:

Per intercessionem beatissimae Virginis Mariae et beati N., secundum suam piissimam misericordiam, liberet te Deus a praesenti infirmitate, et ab omnibus malis mentis et corporis; in nomine Patris ✠ et Filii ✠ et Spiritus ✠ Sancti.

Amen.

†. Dominus vobiscum.

¶. Et cum spiritu tuo.

Oremus.

Exaudi nos, omnipotens aeterne Deus, pro famulo tuo, et, intercedente: gloriosa Filii tui Genitrice Virgine Maria atque beato N. et omnibus Sanctis, praesta ut ab omnibus malis animae et corporis liberetur. Per Christum Dominum nostrum.

R. Amen.

Dominus noster Jesus Christus apud te sit, ut te sanet et defendat: intra te sit, ut te conservet: ante te sit, ut te deducat: post te sit, ut te custodiat: super te sit, ut te bene ✠ dicat, sanet et sanctificet, qui cum Patre et Spiritu Sancto vivit et regnat in saecula saeculorum. Amen.

Potentia Dei Patris ✠, sapientia Dei Filii ✠, virtus Spiritus ✠ Sancti benedicat te. Benedictio Dei omnipotentis, Patris ✠ et Filii ✠ et Spiritus ✠ Sancti descendat super te et maneat semper.

R. Amen.

**Si Reliquiae sint sancti Antonii,
dicatur responsorium.**

Si quaeris miracula:

**Mors, error, calamitas,
Daemon, lepra fugiunt,
Aegri surgunt sani;**



**Cedunt mare, vincula;
Membra, resque perditas
Petunt et accipiunt
Juvenes et cani.**

**Pereunt pericula,
Cessat et necessitas;
Narrent hi qui sentiunt,
Dicant Paduani.**

**Cedunt mare, vincula;
Membra, resque perditas
Petunt et accipiunt
Juvenes et cani.**

Gloria Patri et Filio et Spiritui Sancto.

**Cedunt mare, vincula;
Membra, resque perditas
Petunt et accipiunt
Juvenes et cani.**

†. Ora pro nobis, beate Antoni.

**℟. Ut digni efficiamur promissionibus
Christi.**

Oremus.

**Ecclesiam tuam, Deus, beati Antonii
confessoris tui deprecatio votiva laeti-
ficet: ut spiritualibus semper muniatur
auxiliis, et gaudiis perfrui mereatur ae-
ternis. Per Christum Dominum nostrum.**

℟. Amen.

Super aegros manus imponent, etc.

BENEDICTIO COMMUNIS.

Ÿ. Adjutorium nostrum, etc.

Ÿ. Dominus vobiscum, etc.

Oremus

Deus, cujus verbo sanctificantur omnia quae vel facimus vel percipimus, effunde, quaesumus, benedi-
 ctionem tuam super nos et super hanc creaturam tuam, ut, per invocationem sancti tui nominis, quaecumque praesentis vitae necessitas pie postulat, misericorditer cum gratiarum actione assequamur. Per Christum Dominum nostrum. **R. Amen.**

Deinde aspergatur aqua benedicta.

BENEDICTIO LOCI.

Ÿ. Adjutorium nostrum in nomine Domini.

R. Qui fecit coelum et terram.

Ÿ. Domine, exaudi orationem meam.

R. Et clamor meus ad te veniat.

Ÿ. Dominus vobiscum.

R. Et cum spiritu tuo.

Oremus.

Bene ✠ dic, Domine Deus omnipotens, locum istum (vel domum istam), ut sit

in eo (vel in ea) sanitas, castitas, victoria, virtus, humilitas, bonitas et mansuetudo plenitudo legis et gratiarum actio Deo Patri et Filio et Spiritui Sancto, et haec benedictio maneat super hunc locum, et super habitantes in eo nunc et semper. R. Amen.

Deinde aspergat aqua benedicta.

BENEDICTIO COMMUNIS

SUPER FRUGES ET VINEAS

Y. Adjutorium nostrum in nomine Domini.

R. Qui fecit coelum et terram.

Y. Domine, exaudi orationem meam.

R. Et clamor meus ad te veniat.

Y. Dominus vobiscum.

R. Et cum spiritu tuo.

Oremus.

Oramus pietatem tuam, omnipotens Deus, qui has primitias creaturae tuae quas aëris et pluviae temperamento nutrire dignatus es, benedictionis tuae imbre perfundas; et fructus terrae tuae usque ad maturitatem perducas. Tribue quoque populo tuo de tuis muneribus tibi semper gratias agere, ut a fertili-

tate terrae esurientium animas bonis affluentibus repleas, et egenus et pauper laudent nomen gloriae tuae. Per Christum Dominum nostrum. R. Amen.

Aspergat illas aqua benedicta.

BENEDICTIO

AD QUODCUMQUE COMESTIBILE.

Ÿ. Adjutorium nostrum in nomine Domini.

R. Qui fecit coelum et terram.

Ÿ. Dominus vobiscum.

R. Et cum spiritu tuo.

Oremus.

Bene✠ dic, Domine, creaturam istam N. , ut sit remedium salutare generi humano; et praesta, per invocationem sancti nominis tui, ut, quicumque ex ea sumpserint, corporis sanitatem et animae tutelam percipiant. Per Christum Dominum nostrum. R. Amen.

Deinde aspergat aqua benedicta.

BENEDICTIO

CONTRA MURES, LOCUSTAS, BRUCHOS
ET VERMES NOXIOS.

Antiph. Exurge, Domine, adjuva nos
et libera nos propter nomen tuum.

Psal. Deus auribus nostris audivimus,
patres nostri annuntiaverunt nobis.

ψ. Gloria Patri, et

Et repetitur antiphona.

ψ. Adjutorium nostrum in nomine Do
mini.

R. Qui fecit coelum et terram.

ψ. Domine, exaudi orationem meam.

R. Et clamor meus ad te veniat.

ψ. Dominus vobiscum.

R. Et cum spiritu tuo.

Oremus.

Preces nostras, quaesumus, Domine,
clementer exaudi, ut, qui juste pro pec-
catis nostris affligimur, et hanc murium
(vel locustarum, vel vermium) perse-
cutionem patimur, pro tui nominis glo-
ria ab ea misericorditer liberemur; ut tua
potentia procul expulsi (vel expulsae)
nulli noceant, et campos, agrosque no-
stros in tranquillitate ac quiete dimit-
tant, quatenus ex eis surgentia et orta

tnae Majestati deserviant, et nostrae necessitati subveniant. Per Christum Dominum nostrum. R. Amen.

Oremus.

Omnipotens, sempiternus Deus, omnium bonorum remunerator et peccatorum maximus miserator, et in cujus nomine omnia genuflectuntur, coelestia, terrestria et infernalicia, tua potentia nobis peccatoribus omnipotenter concede, ut, quod de tua misericordia confisi agimus, per tuam gratiam efficacem consequamur effectum; quatenus hos pestiferos mures (vel locustas, vel vermes) per nos servos tuos maledicenda maledicas, segregando segreges, exterminando extermines, ut per tuam clementiam ab hac peste liberati, gratiarum actiones Majestati tuae libere referamus. Per Christum Dominum nostrum. R. Amen.

Exorcismus.

Exorcizo vos, pestiferos mures (vel locustas, vel vermes), per Deum Patrem omnipotentem✠ et Jesum Christum Filium ejus✠ et Spiritum Sanctum ab utroque procedentem✠, ut confestim recedatis a campis et agris nostris, nec amplius in eis habitetis, sed ad ea loca

transeat, in quibus nemini nocere possitis; pro parte omnipotentis Dei et totius Curiae Coelestis et Ecclesiae Sanctae Dei vos maledicens, ut, quocumque ieritis, sitis maledicti (vel maledictae), deficientes de die in diem in vos ipsos (vel ipsas) et decrescentes, quatenus reliquiae de vobis nullo in loco inveniantur, nisi necessariae ad salutem et usum humanum. Quod praestare dignetur, qui venturus est judicare vivos et mortuos et saeculum per ignem. *ꝛ. Amen.*

Postremo aqua benedicta aspergantur loca infecta.

R I T U S

BENEDICENDI ET IMPONENDI SCAPULARE B. M. V. DE MONTE CARMELO.

Sacerdos conversus ad habitum, dicat:

Ꝛ. Ostende nobis Domine, etc.

ꝛ. Et salutare etc.

Ꝛ. Domine Deus virtutum converte nos.

ꝛ. Et ostende faciem, etc.

Ꝛ. Domine exaudi etc.

ꝛ. Et clamor etc.

Ꝛ. Dominus vobiscum.

ꝛ. Et cum spiritu tuo.

Oremus.

Caput omnium fidelium Deus, et humani generis Salvator, hunc habitum, quem propter tuum, tuaeque Genitricis Virginis Mariae de Monte Carmelo amorem, atque devotionem servus tuus est delaturus, dextera tua sancti ✠ fica, et hoc, quod per illud mysticae datur intelligi, tua semper custodia corpore et animo servetur, et ad remunerationem perpetuam cum Sanctis omnibus felicissimae perducatur. Qui vivis etc.

Deinde aspergat aqua benedicta habitum, et postea ipsum imponat personae recipienti, dicens:

Accipe, vir devote, hunc habitum benedictum, precans SS. Virginem, ut ejus meritis illum perferas sine macula, et te ab omni adversitate defendat, atque ad vitam perducatur aeternam. Amen.

Deinde dicat:

Ego ex potestate mihi tradita et concessa, suscipio, ac recipio te ad participationem omnium orationum, disciplinarum, precum, suffragiorum, eleemosynarum, jejuniorum, vigiliarum, missarum, horarum canonicarum, ac ceterorum bo-

norum spiritualium, quae passim die nocteque cooperante misericordia Jesu Christi a religiosis peraguntur. In nomine Patris, et Filii, etc.

Bene✠ dicat te Conditor coeli et terrae Deus omnipotens, qui te eligere dignatus est ad Beatae Virginis Mariae de Monte Carmelo Societatem, et Confraternitatem, quam precamur, ut in hora obitus tui conterat caput Serpentis, qui tibi est adversarius, et tandem tamquam victor palmam, et coronam sempiternam haereditatis consequaris. Per Christum Dominum nostrum. Amen.

Aspergatur recipiens aqua benedicta.

ABSOLUTIO

**DANDA CONFRATRIBUS ET SORORIBUS
S. SCAPULARIS B. MARIAE VIRGINIS
DE MONTE CARMELO IN ARTICULO
MORTIS.**

Confiteor, etc.

Dominus noster Jesus Christus, Filius Dei vivi, qui Beato Petro apostolo suo dedit potestatem ligandi atque solvendi, per suam piissimam misericordiam recipiat confessionem tuam, et remittat tibi omnia peccata, quomodocum-

que per totum vitae decursum a te commissa; et ego auctoritate illius, et Beatorum Apostolorum Petri et Pauli, per indulgentiam plenariam, a Sede Apostolica Confratribus Beatae Mariae de Monte Carmelo in mortis articulo constitutis concessam, remitto tibi omnem poenam, pro universis delictis tuis in purgatorio tibi debitam, et restituo te illi puritati, quam in Baptismo accepisti; ita ut decedenti tibi ab hoc saeculo, clausae sint portae poenarum et apertae Januae Paradisi. In nomine Patris ✠ et Filii ✠ et Spiritus ✠ Sancti. Amen.

BENEDICTIO

ET IMPOSITIO SCAPULARIS SS. TRINITATIS

Propria Ordinis SS. Trinitatis
Redemptionis Captivorum.

Sacerdos indutus superpelliceo et Stola
albi coloris dicit:

**Y. Adjutorium nostrum in nomine
Domini.**

R. Qui fecit coelum et terram.

Y. Dominus vobiscum.

R. Et cum spiritu tuo.

Oremus.

Domine Jesu Christe, qui tegumen nostrae mortalitatis induere dignatus es, obsecramus immensam tuae largitatis abundantiam, ut hoc genus vestimenti, quod Sancti Patres ad innocentiae et humilitatis indicium abrenuntiantes saeculo ferre sanxerunt, Tu ita bene ✠ dicere digneris, ut hic famulus tuus (vel famula tua) N. qui (vel quae) hoc indutus (vel induta) fuerit vestimento, te quoque induere mereatur. Qui vivis et regnas per omnia saecula saeculorum.

℟. Amen.

Postea aspergit aqua benedicta.

MODUS IMPONENDI

DICTUM SCAPULARE.

℣. Adjutorium nostrum in nomine Domini.

℟. Qui fecit coelum et terram.

℣. Dominus vobiscum.

℟. Et cum spiritu tuo.

Oremus.

Adesto Domine supplicationibus nostris, ut hunc famulum tuum (vel fa-

mulam tuam), cui in tui nomine habitum Religionis SS. Trinitatis imponimus, Tu ita bene ✠ dicere digneris, ut te largiente devotus (vel devota) persistat, et vitam consequi mereatur aeternam. Per Dominum nostrum Jesum Christum, etc.

Nunc imponitur S. Scapulare
a Sacerdote dicente:

Accipe habitum SS. Trinitatis in augmentum fidei, spei, et charitatis in nomine Patris ✠ et Filii et Spiritus Sancti. R. Amen.

Ÿ. Dominus vobiscum.

R. Et cum spiritu tuo.

Oremus.

Omnipotens sempiterne Deus, qui dedisti famulo tuo (vel famulae tuae) in Confessione verae fidei aeternae Trinitatis gloriam agnoscere, et in potentia majestatis adorare unitatem, quaesumus, ut ejusdem fidei firmitate ab omnibus semper muniatur adversis.

Deus qui per Sanctos Joannem et Felicem Ordinem SS. Trinitatis ad redimendum de potestate Saracenorum captivos, coelitus instituere dignatus es: praesta quaesumus, ut eorum suffragantibus meritis a captivitate corporis et



animae Te adjuvante liberetur hic famulus tuus (vel haec famula tua). Per Christum Dominum nostrum.

R. Amen.

Suscipiat te SS. Trinitas in numerum Confratrum, Consororumque Confraternitatis nostrae, et licet te indigne suscipimus, in orationibus tamen nostris precamur, ut tibi SS. Trinitas concedat tempus bene vivendi, constantiam perseverandi: et sicut nos hodie fraterna charitas spiritualiter jungit in terris, ita Divina Pietas, quae dilectionis est auctrix, et amatrix, nos cum fidelibus suis conjungere dignetur in coelis. Per Christum Dominum nostrum.

R. Amen.

Datur Benedictio dicendo:

Pax et Benedictio Dei Omnipotentis Patris ✠ et Filii et Spiritus Sancti descendat super te (vel super vos) et maneat semper.

R. Amen.



BENEDICTIO

TRISAGII SANCTISSIMAE TRINITATIS

Y. Adjutorium nostrum in nomine Domini.

R. Qui fecit coelum et terram.

Y. Dominus vobiscum.

R. Et cum spiritu tuo.

Oremus.

Omnipotens, et misericors Deus, qui per Filium tuum Unigenitum, ac per Prophetas et Apostolos tuos SS. Trinitatis **Mysterium** revelare dignatus es: ut Sanctorum Angelorum Choros imitantes in terris dignas et devotas tibi laudes referamus, tuam obsecramus clementiam, ut haec Trisagia (vel hoc Trisagium) quae (vel quod) in honorem, et laudem ejusdem SS. Trinitatis, ab Ecclesia fidei dicata sunt (vel dicatum est) bene ✠ dicas, et sanctifices eisque, (vel eique) tantum infundas Spiritus Sancti virtutem, ut quicumque horum quodlibet portaverit, atque in domo sua reverenter servaverit, seu devote recitaverit, tua Divina virtute ab omnibus animae et corporis periculis eruatur, sitque

consors et particeps Gratiarum omnium, Privilegiorum et Indulgentiarum, quae ab Apostolica Sede concessa fuerint, atque in exitu suo a Sanctis Angelis tuis, in conspectu Divinae majestatis praesentari mereatur. Per Dominum nostrum Jesum Christum, etc.

Postea aspergatur aqua benedicta.

METHODUS

PRO ERIGENDIS STATIONIBUS VIAE CRUCIS.

**Propria Ordinis Minorum Observantium
S. Francisci.**

Sacerdos superpelliceo et stola violacei coloris indutus uno saltem clerico adhibito, qui ei opportuno tempore porrigere possit vasculum Aquae benedictae cum aspersorio, et thuribulum cum incensi navicula, ascendit Altare, ibique stans brevi sermone super praestantia et utilitate pii exercitii Viae Crucis populum alloquetur: deinde genuflexus in infimo gradu intonabit:

Hymnum.

**Veni, Creator Spiritus
Mentes tuorum visita**

Imple superna gratia,
 Quae tu creasti, pectora.
 Qui diceris Paraclitus,
 Altissimi donum Dei,
 Fons vivus ignis, charitas,
 Et spiritalis unctio.
 Tu septiformis munere,
 Digitus Paternae dexteræ,
 Tu rite promissum Patris,
 Sermone ditans guttura.
 Accende lumen sensibus,
 Infunde amorem cordibus,
 Infirma nostri Corporis
 Virtute firmans perpeti.
 Hostem repellas longius,
 Pacemque dones protinus:
 Ductore sic te praevio
 Vitemus omne noxium.
 Per te sciamus da Patrem,
 Noscamus atque Filium,
 Teque utriusque Spiritum
 Credamus omni tempore.
 Deo Patri sit gloria,
 Et Filio, qui a mortuis
 Surrexit ac Paraclito,
 In saeculorum saecula. Amen.
 y. Enitte Spiritum tuum, et crea-
 buntur.
 R. Et renovabis faciem terrae.

Oremus.

Deus, qui corda fidelium sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere.

Defende quaesumus Domine, beata Maria semper Virgine intercedente, populum istum (vel Familiam istam) ab omni adversitate, et toto corde tibi prostratum (vel prostratam) ab hostium propitius tuere clementer insidiis.

Actiones nostras quaesumus Domine aspirando praeveni, et adjuvando proseguere, ut cuncta nostra oratio et operatio a te semper incipiat, et per te coepta finiatur. Per Dominum nostrum Jesum Christum Filium tuum qui tecum vivit et regnat per omnia saecula saeculorum. Amen.

BENEDICTIO

TABULARUM PICTARUM

(si adsunt)

V. Adjutorium nostrum in nomine Domini.

R. Qui fecit coelum et terram.

V. Dominus vobiscum.

R. Et cum spiritu tuo.

Oremus.

Omnipotens sempiterne Deus, qui Sanctorum tuorum imagines sculpi, aut pingi non reprobas, ut quoties illas oculis corporis intuemur, toties eorum actus, et sanctitatem ad imitandum memoriae oculis meditemur; has quaesumus imagines in honorem, et memoriam Unigeniti Filii tui Domini nostri Jesu Christi adaptatas bene ✠ dicere, et sancti ✠ ficare digneris, et praesta: ut quicumque coram illis Unigenitum Filium tuum suppliciter colere, et honorare studuerit, illius meritis, et obtentu a Te gratiam in praesenti, et aeternam gloriam obtineat in futuro. Per eundem Christum etc.

Tunc Sacerdos eas aspergit aqua benedicta, et incensat. In Oratorio privato omitti potest incensatio.

BENEDICTIO CRUCIUM

QUAE EX LIGNO ESSE DEBENT.

℣. Adjutorium nostrum in nomine Domini.

℟. Qui fecit coelum et terram.

℣. Dominus vobiscum.

℟. Et cum spiritu tuo.

Oremus.

Rogamus te , Domine sancte, Pater omnipotens, sempiternus Deus, ut digneris bene ✠ dicere haec signa crucis tuae, ut sint remedia salutaria generi humano; sint soliditas fidei, bonorum operum profectus, et redemptio animarum; sint solamen, et protectio, ac tutela contra saeva jacula inimicorum. Per Christum Dominum nostrum. Amen.

Oremus.

Bene ✠ dic Domine has cruces, quia per crucem sanctam tuam eripuisti mundum a potestate daemonum, et superasti Passione tua suggestorem peccati, qui gaudebat in praevaricatione primi hominis per ligni vetiti sumptionem. Tunc Sacerdos eas aspergens dicat: Sanctifi-

centur ista crucis signa in Nomine Patris, et Filii, et Spiritus Sancti, ut orantes, inclinantesque se propter Deum ante istas cruces inveniant sanitatem animae, et corporis. Per Christum Dominum nostrum. Amen.

Deinde cantatur sequens:

Hymnus.

Vexilla Regis prodeunt,
 Fulget crucis mysterium:
 Qua vita mortem pertulit,
 Et morte vitam protulit.
 Quae vulnerata lanceae
 Mucrone diro, criminum
 Ut nos lavaret sordibus,
 Manavit unda, et sanguine.
 Impleta sunt, quae concinit
 David fideli carmine,
 Dicendo nationibus:
 Regnavit a ligno Deus.
 Arbor decora et fulgida,
 Ornata regis purpura,
 Electa digno stipite
 Tam sancta membra tangere.
 Beata, cujus brachiis.
 Pretium pependit saeculi,
 Statera facta corporis,
 Tulitque praedam tartari.

O crux , ave , spes unica,
 Hoc passionis tempore,
 Piis adange gratiam,
 Reisque dele crimina.
 Te, fons salutis Trinitas,
 Collaudet omnis spiritus:
 Quibus crucis victoriam
 Largiris, adde praemium.
 Amen.

Hymnus.

Stabat mater dolorosa
 Juxta crucem lacrymosa,
 Dum pendebat Filius.
 Cujus animam gementem,
 Contristatam et dolentem,
 Pertransivit gladius.
 O quam tristis et afflicta
 Fuit illa benedicta
 Mater Unigeniti!
 Quae moerebat, et dolebat,
 Pia mater dum videbat
 Nati poenas inclyti.
 Quis est homo, qui non fleret,
 Matrem Christi si videret
 In tanto supplicio?
 Quis non posset contristari
 Christi matrem contemplari
 Dolentem, cum Filio?

Pro peccatis suae gentis
Vidit Jesum in tormentis ,
Et flagellis subditum.
Vidit suum dulcem Natum
Moriendo desolatum ,
Dum emisit spiritum.
Eja , mater fons amoris ,
Me sentire vim doloris
Fac , ut tecum lugeam.
Fac ut ardeat cor meum
In amando Christum Deum ,
Ut sibi complaceam. Amen.

Sacerdos accedens ad locum primæ
 Stationis, osculatur Crucem et tabulam,
 easque, vel per se, vel per laicum de-
 centi habitu indutum, collocat in loco
 ad id præparato; deinde legit medita-
 tionem et preces huic Stationi respon-
 dentes: quod et fiet in ceteris stationi-
 bus. Quibus finitis cantatur sequens:

Hymnus.

Te Deum laudamus: te Dominum
confitemur.

Te æternum Patrem omnis terra ve-
neratur.

Tibi omnes angeli, tibi coeli et uni-
versae potestates:

Tibi cherubim et seraphim incessabili voce proclamant:

Sanctus, Sanctus, Sanctus Dominus Deus Sabaoth.

Pleni sunt coeli, et terra maiestatis gloriae tuae.

Te gloriosus apostolorum chorus.

Te prophetarum laudabilis numerus.

Te martyrum candidatus laudat exercitus.

Te per orbem terrarum sancta confitetur ecclesia.

Patrem immensae maiestatis.

Venerandum tuum verum, et unicum Filium.

Sanctum quoque Paraclitum Spiritum.

Tu rex gloriae, Christe.

Tu Patris sempiternus es Filius.

Tu ad liberandum suscepturus hominem non horruisti virginis uterum.

Tu devicto mortis aculeo aperuisti credentibus regna coelorum.

Tu ad dexteram Dei sedes in gloria Patris.

Judex crederis esse venturus.

Te ergo, quaesumus, tuis famulis subveni, quos pretioso Sanguine redemisti.

Æterna fac cum sanctis tuis in gloria numerari.

Salvum fac populum tuum, Domine,
et benedic haereditati tuae.

Et rege eos, et extolle illos usque
in aeternum.

Per singulos dies benedicimus te.

Et laudamus nomen tuum in saeculum,
et in saeculum saeculi.

Dignare, Domine, die isto, sine peccato
nos custodire.

Miserere nostri, Domine, miserere
nostri.

Fiat misericordia tua, Domine, super
nos, quemadmodum speravimus in te.

In te, Domine, speravi: non confundar
in aeternum.

¶ Benedicamus Patrem, et Filium
cum sancto Spiritu.

¶ Laudemus, et superexaltemus eum
in saecula.

Oremus.

Deus, cujus misericordiae non est numerus,
et bonitatis infinitus est thesaurus,
piissimae majestati tuae pro collatis
donis gratias agimus, tuam semper clementiam
exorantes, ut qui petentibus postulata concedis,
eosdem non deserens ad praemia futura disponas.
Per Christum Dominum nostrum. Amen.

Tunc Sacerdos benedicit populum
cum cruce

FORMULA

AD FIDEM FACIENDAM DE CREATIONE VIAE CRUCIS.

Vigore facultatis mihi commissae.
Ego N. N. Viam Crucis cum annexis
Indulgentiis erexi in loco, ut supra in
precibus etc. juxta regulas a s. Indulgentiarum Congregatione die 10. Maji 1742.
praescriptas. In quorum fidem testimonium hoc mea manu exaravi hac die etc.

BENEDICTIO

ET IMPOSITO HABITUS VEL SCAPULARIS NIGRI SANCTISSIMAE CRUCIS D. N. JESU CHRISTI

(Propria Congregationis Clericorum
Regularium SS^{mae} Crucis et Passionis
D. N. Jesu Christi.)

Sacerdos indutus superpelliceo et
stola rubea, eo genuflexo cui Habitum
vel Scapulare est imponendum, dicit:

**ÿ. Adjutorium nostrum in nomine
Domini.**

R. Qui fecit coelum et terram.

Ÿ. Dominus vobiscum.

Ÿ. Et cum spiritu tuo.

Oremus.

Domine Jesu Christe, qui pro redemptione mundi voluisti nasci, circumcidi, a Judaeis reprobari, a Juda traditore osculo tradi, vinculis alligari, sicut agnus innocens ad victimam duci, atque conspectibus Annae, Caiphae, Pilati et Herodis indecenter offerri, a falsis testibus accusari, flagellis et opprobriis vexari, sputis conspu, spinis coronari, colaphis caedi, arundine percuti, facie velari, vestibus exui, cruci clavis affigi et lancea vulnerari: Tu Domine, per has sanctissimas poenas tuas, et sanctam Crucem et Mortem tuam hujus famuli tui (vel famulae tuae) intellectum illumina, affectum inflamma, ut charitatis tuae dulcedine perfusus (vel perfusa) lacrymas compunctionis jugiter effundat, totaque virtute te diligat, et quae tibi placita sunt tota dilectione perficiat. Qui vivis et regnas cum Deo Patre etc.

Ÿ. Adjutorium nostrum in nomine Domini.

R. Qui fecit coelum et terram.

Ÿ. Sit nomen Domini benedictum.

R. Ex hoc nunc et usque in saeculum.

V. Domine exaudi orationem meam.
 R. Et clamor meus ad te veniat.
 V. Dominus vobiscum.
 R. Et cum spiritu tuo.

Oremus.

Domine Jesu Christe, qui tegumen-
 mortalitatis nostrae assumere dignatus
 es, te humiliter deprecamur, ut hoc
 indumentum, quod in memoriam tuae
 SS. Passionis et Mortis institutum fuit,
 bene ✠ dicere et sancti ✠ ficare digne-
 ris, ut hic famulus tuus (vel haec
 famula tua) qui (vel quae) ipsum ge-
 staverit, ejusdem Passionis particeps
 effectus (vel effecta) aeternam gloriam
 tuam consequi mereatur. Qui vivis et
 regnas in saecula saeculorum. R. Amen.

Hic Sacerdos sacrum Habitum vel
 Scapulare aspergit aqua benedicta, et
 illud imponit dicens:

Induat te Dominus novum hominem,
 ut hac lugubri poenitentiae tessera mu-
 nitus jugiter aspicias ad Jesum, quem
 manus impiorum confixerunt, et doleas
 super eum ut doleri solet in morte pri-
 mogeniti. R. Amen.

Deinde subjungit:

Et ego ex facultate mihi concessa

recipio te ad participationem omnium bonorum spiritualium, quibus ex Apostolico Privilegio gaudet Congregatio SS. Crucis et Passionis D. N. Jesu Christi. In nomine Patris et Filii ✠ et Spiritus Sancti. Amen.

In fine tandem:

Passio Domini Nostri Jesu Christi sit semper in cordibus nostris. Amen.

BENEDICTIO

ROSARIORUM B. M. V.

Propria Ordinis Praedicatorum.

✠. Adjutorium nostrum in nomine Domini.

R. Qui fecit coelum et terram.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Omnipotens et misericors Deus, qui propter eximiam charitatem tuam qua dilexisti nos, Filium tuum unigenitum Dominum nostrum Jesum Christum de coelis in terram descendere, et de Beatissimae Mariae Dominae Nostrae utero



sacratissimo, Angelo nunciante carnem suscipere, crucemque ac mortem subire et tertia die gloriose a mortuis resurgere voluisti, ut nos eriperes de potestate diaboli: obsecramus immensam clementiam tuam, ut haec signa Rosarii in honorem et laudem ejusdem Genitricis Filii tui ab Ecclesia tua fidei dicata bene ☩ dicas et sancti ☩ fices, eisque tantam infundas virtutem Spiritus sancti, ut quicumque horum quodlibet secum portaverit, atque in domo sua reverenter tenuerit, et in eis ad te, secundum ejusdem sanctae Societatis instituta, divina contemplando mysteria devote oraverit, salubri et perseveranti devotione abundet, sitque consors et particeps omnium gratiarum, privilegiorum et indulgentiarum quae eidem Societati per sanctam Sedem Apostolicam concessa fuerunt, ab omni hoste visibili et invisibili semper et ubique in hoc saeculo liberetur, et in exitu suo ab ipsa Beatissima Virgine Maria Dei Genitrice tibi plenus bonis operibus praesentari mereatur. Per eundem Dominum nostrum Jesum Christum etc.

℟. Amen.

Deinde aspergatur aqua benedicta.

ABSOLUTIO

IMPERTIENDA CONFRATRIBUS ROSARII
IN ARTICULO MORTIS CONSTITUTIS.

Propria Ordinis Praedicatorum.

Dicto **Confiteor etc.** Sacerdos dicat **Misereatur etc. Indulgentiam etc.** deinde:

Dominus Noster Jesus Christus Filius Dei vivi, qui B. Petro Apostolo suo dedit potestatem ligandi et solvendi, per suam piissimam misericordiam recipiat confessionem tuam, et remittat tibi omnia peccata, quacumque et quomodocumque in toto vitae decursu commisisti; de quibus corde contritus et ore confessus es, restituens tibi stolam primam quam in baptismo recepisti. Et per Indulgentiam plenariam a Summis Pontificibus Innocentio octavo et Pio quinto, Confratribus Sanctissimi Rosarii in articulo mortis constitutis concessam, liberet te a praesentis ac futurae vitae poenis, dignetur purgatorii cruciatus remittere, portas inferni claudere, paradisi januam aperire: teque ad gaudia sempiterna perducere, per sacratissima suae vitae, passionis et glorificationis mysteria Sanctissimo Rosario compre-

hensa. Qui cum Patre et Spiritu sancto
Deus unus vivit et regnat in saecula
saeculorum. Amen.

BENEDICTIO

ET IMPOSITIO SCAPULARIS CAERULEI
B. MARIAE VIRGINIS IMMACULATAE.

**Propria Clericorum Regularium
Theatinorum.**

**Qui suscepturus est Scapulare genu-
flectat, et Sacerdos superpelliceo et stola
alba indutus, capite detecto, dicat ab-
solute:**

Y. Adjutorium nostrum in nomine
Domini.

R. Qui fecit coelum et terram.

Y. Dominus vobiscum.

R. Et cum spiritu tuo.

Oremus.

Domine Jesu Christe, qui tegumen
nostrae mortalitatis induere dignatus
es, tuae largitatis elementiam humiliter
imploramus, ut hoc genus vestimenti,
quod in honorem et memoriam Conce-
ptionis Beatae Mariae Virginis Imma-
culatae, nec non ut illo induti exorent

in hominum pravorum morum reformationem, institutum fuit, bene ✠ dicere digneris, ut hic famulus tuus, qui eo usus fuerit (vel haec famula tua, quae eo usa fuerit) (Si plures suscepturi sint dicatur hi famuli tui qui eo usi fuerint) (vel hae famulae tuae quae eo usae fuerint) eadem Beata Maria Virgine intercedente, te quoque induere mereatur (vel mereantur). Qui vivis et regnas in saecula saeculorum. Amen.

Postea Sacerdos nihil dicendo aspergit Scapulare (vel Scapularia) aqua benedicta: deinde illud imponit dicens:

Accipe, Frater (vel Soror) Scapulare Conceptionis Beatae Mariae Virginis Immaculatae, ut, ea intercedente, veterem hominem exutus (vel exuta) et ab omni peccatorum inquinamento mundatus (vel mundata) ipsum perferas sine macula, et ad vitam pervenias sempiternam. Per Christum Dominum nostrum. Amen.

Postea subjungit:

Et ego, ex facultate mihi concessa, recipio te (vel vos) ad participationem bonorum omnium spiritualium, quae in Olericorum Regularium Congregatione,

ex gratia Dei sunt, et quae per Sanctae Sedis Apostolicae privilegium concessa sunt.

In nomine Patris et Filii ✠ et Spiritus sancti. R. Amen. .

Describat nomen ejus (vel nomina eorum) in Libro consueto : et dicat, trina vice, flexis genibus, Orationem sequentem vulgari sermone una cum adscripto (vel adscriptis) :

Laudes ac gratiae sint omni momento Sanctissimo ac Divinissimo Sacramento.

Et benedicta sit Sancta et Immaculata Conceptio Beatae Virginis Mariae.

Hortetur fideles ut haec elogia saepe saepius repetant ad Indulgentias 200 dierum consequendas.

Decr. Pii VI. 30 Junii 1818. — Rescr. Pii VII. 21 Novembris 1793.

ORDO

APPLICANDI INDULGENTIAM PLENAR. IN ARTICULO MORTIS.

Dicatur ab infirmo, si vires habeat, vel ab alio, si infirmus nequeat: **Con-**

sisteor Deo etc. a Sacerdote vero Misereatur, et Indulgentiam etc. deinde:

Dominus noster Jesus Christus, Filius Dei vivi, qui Beato Petro Apostolo suo dedit potestatem ligandi atque solvendi, per suam piissimam misericordiam te absolvat; et ego auctoritate ipsius, et Beatorum Apostolorum Petri, et Pauli ex speciali gratia mihi tradita, tibi que concessa, a Summis Pontificibus confirmata, absolvo te ab omni vinculo excommunicationis majoris, et minoris, (suspensionis) et interdicti, si teneris, in quantum possum et tu indiges; et restituo te sanctis Sacramentis, Ecclesiae communioni, et unitati fidelium. In nomine Patris, et Filii, ✠ et Spiritus Sancti. Amen.

Item eadem auctoritate mihi tradita, et tibi concessa, ego te absolvo ab omnibus peccatis tuis, quaecumque toto decursu vitae, quomodocumque commisisti, de quibus corde contritus (vel contrita), et ore confessus (vel confessa) es, et quorum memoriam non habes usque in praesentem diem, et de quibus confiteri minime recordatus (vel recordata) fuisti; et restituo te illi innocentiae, in qua cras, quando baptizatus (vel

baptizata) fuisti, et puritati eidem, in quantum claves sanctae matris Ecclesiae se extendunt. Remitto tibi etiam poenas purgatorii, quas per culpas, et offensas contra Deum, et proximum et teipsum (vel teipsam) commissas incurristi. Claudio tibi portas inferni, januas aperio Paradisi: bona per te facta, et facienda, sint tibi in remissionem peccatorum, in augmentum gratiae, et praemium vitae aeternae: et hoc si in infirmitate, qua aegrotas, decedas: alias ex misericordia Dei salva sint tibi, donec fueris in articulo mortis constitutus (vel constituta). In nomine Patris, et Filii ✠, et Spiritus Sancti. Amen.

BENEDICTIO

ET IMPOSITIO SCAPULARIS

B. MARIAE VIRGINIS DE MERCEDE.

Propria Ordinis B. M. V. de Mercede
Redemptionis Captivorum.

Sacerdos superpelliceo et stola albi coloris indutus dicit:

V. Ostende nobis Domine misericordiam tuam.

R. Et salutare tuum da nobis.

V. Dominus vobiscum.

R. Et cum spiritu tuo.

Oremus.

Domine Jesu Christe, qui tegumen nostrae mortalitatis induere dignatus es, obsecramus immensae largitatis tuae abundantiam, ut hunc habitum, quem sancti Patres ad innocentiae, et sanctitatis indicium ferre sanxerunt, ita bene ✠ dicere digneris, ut qui eo usus fuerit te induere mereatur. Qui vivis et regnas per omnia saecula saeculorum.

R. Amen.

Deinde aspergat habitum aqua benedicta et eo postulantem induat dicens :

Ego auctoritate Domini Nostri Jesu Christi, et Apostolorum Petri, et Pauli, et mihi commissa, do tibi habitum Religionis Beatae Mariae de Mercede propter devotionem, quam geris ad Sacratissimam et Immaculatam Matrem Dei Mariam, et Ordinem ejus sub nomine fundatum, cum quo in praesenti gratiam Spiritus sancti adipisci valeas, et in futuro saeculo gloriam aeternam, quae praemium est electorum. In nomine Patris, et Filii ✠, et Spiritus sancti. Amen.

Postea dicatur: Hymnus. **Veni, Creator Spiritus**, pag. 134.

ψ. **Emitte Spiritum tuum, et creabuntur.**

℣. **Et renovabis faciem terrae.**

ψ. **Salvum fac servum tuum (vel ancillam tuam).**

℣. **Deus meus sperantem in te.**

ψ. **Dominus vobiscum.**

℣. **Et cum spiritu tuo.**

OREMES.

Adesto Domine supplicationibus nostris, et hunc famulum tuum (vel famulam tuam) bene ☩ dicere digneris, cui in tuo sancto nomine habitum sanctae Religionis B. Mariae de Mercede imponimus, quem ex devotione cupit portare, dum vitam duxerit in humanis: ut te largiente, et devotus (vel devota) in Ecclesia persistere, et vitam percipere mereatur aeternam. Per Christum Dominum nostrum. Amen.

BENEDICTIO

ALIA EJUSDEM SCAPULARIS

Propria ejusdem ordinis.

Ÿ. Adjutorium nostrum in nomine Domini.

R). Qui fecit coelum, et terram.

Ÿ. Ostende nobis Domine misericordiam tuam.

R). Et salutare tuum da nobis.

Ÿ. Domine exaudi orationem meam.

R). Et clamor meus ad te veniat.

Ÿ. Dominus vobiscum.

R). Et cum spiritu tuo.

Oremus.

Domine Jesu Christo, qui tegumen nostrae mortalitatis induere dignatus es: obsecramus immensae largitatis tuae abundantiam; ut hoc genus vestimentorum, quod sancti Patres ad innocentiae et sanctitatis indicium ferre sanxerunt, ita bene ✠ dicere digneris; ut qui hoc usus fuerit, te induere mereatur. Qui vivis et regnas in saecula saeculorum.

R). Amen.

Oremus.

Pater misericordiarum et Deus totius consolationis, qui te maxime mirabilem et laudabilem praebes in gloriosissima Virgine Maria, unigeniti Filii tui Matre, qui nobis eam in misericordiae Matrem donasti, captivorumque redemptricem effecisti, in ipsaque glorificari complaces: tuam supplices exoramus clementiam, ut super hoc signum (scapulare seu vestimentum), pro ipsius sanctissimae Virginis veneratione adaptatum, et super quamlibet ipsius partem, sacram tuam bene ✠ dictionem benignus effundas; et praestes, ut qui ea devote coluerit, potentissimum redemptricis supernae experiatur auxilium, tuamque misericordiam piissimam in praesenti et in futuro saeculo. Per eundem Christum Dominum nostrum. R). Amen.

Oremus.

Clementissime Domine Deus, qui beatissimam Virginem Mariam, Filii tui felicissimam Matrem byssino splendenti, et candido in aeternum fulgere fecisti; bene ✠ dicere, quaesumus, velis album istud operimentum, in ejusdem Virginis Matris, captivorum auxiliatricis, hono-

rem consecratum: ut qui veneretur devote, a malis omnibus sit liber, et superno byssino in coelis vestiri mereatur. Per eundem Christum Dominum nostrum.

R. Amen.

Aspergatur aqua benedicta.

BENEDICTIO

ET IMPOSITIO CINTURAE
BEATAE MARIAE VIRGINIS.

Propria Ordinis Eremitarum
S. Augustini.

Sacerdos superpelliceo ac stola alba indutus dicat:

℣. Adjutorium nostrum in nomine Domini.

R. Qui fecit coelum et terram.

℣. Domine exaudi orationem meam.

R. Et clamor meus ad te veniat.

℣. Dominus vobiscum.

R. Et cum spiritu tuo.

Oremus.

Omnipotens, et misericors Deus, qui peccatoribus pietatis tuae misericordiam quaerentibus, veniam, et misericordiam

tribuis; oramus clementiam tuam, ut hanc corrigiam bene **✠**dicere, et sanctificare digneris, ut omnis persona, quae pro peccatis suis illa praecincta fuerit, atque eam portaverit, gratam tibi continentiam, mandatorum obedientiam servet, et intercedentibus B. Maria semper Virgine, ac sanctis Augustino, et Monica, veniam peccatorum suorum obtineat, et vitam consequatur aeternam. Per Christum Dominum nostrum.

Oremus.

Precamur te, Domine Sancte Pater, omnipotens, aeternae Deus, ut hanc corrigiam in signum puritatis bene **✠**dicas ad restringendos lumbos, et renes, et voluntatem sub tua lege comprimendam; ut quicumque illam devotionis studio semper portaverit, et misericordiam tuam imploraverit, veniam, et indulgentiam tuae sanctissimae Misericordiae consequatur. Per Christum Dominum nostrum. Amen.

BENEDICTIO PERSONAE.

Adesto, Domine supplicationibus nostris, ut hic famulus tuus (vel haec formula tua) cui in tuo sanctissimo Nomine hanc corrigiam imponimus, te largiente semper devote in sancta Religione persistat. Per Christum Dominum nostrum.

n). Amen.

Deinde ipsam aspergat aqua benedicta.

Postea eam cingens corrigia dicat:

Accipe corrigiam super lumbos tuos, ut sint lumbi tui praecinctorum in signum temperantiae, et castitatis. In nomine Patris, et Filii ✠, et Spiritus Sancti. Amen.

Deinde dicat Sacerdos:

Dominus qui coepit in vobis opus bonum, et ipse perficiat, et augmentum gratiae et gloriae, meritis Beatae Mariae semper Virginis, et sancti Augustini, ejusque devotissimae Matris Monicae vobis concedat. Amen.

Et ego auctoritate qua fungor, indulgentiae Apostolice mihi commisso, vos recipio, atque accepto et participes omnium

bonorum, quae fiunt per totum Ordinem sancti Augustini constituo.

Benedictio Dei omnipotentis Patris, Filii ✠, et Spiritus Sancti descendat super vos, et maneat semper. Amen.

BENEDICTIO SCAPULARIS

Rubri Passionis, sacratissimique cordis D. N. Jesu Christi necnon et cordis amantissimi et compatientis B. M. V. Immaculatae.

Prop. Congr. Miss.

Genuflexo qui suscepturus est Scapulare, Sacerdos superpelliceo et stola rubra indutus, capite detecto. dicat:

Y. Adjutorium nostrum in nomine Domini.

R. Qui fecit coelum et terram.

Y. Dominus vobiscum.

R. Et cum spiritu tuo.

Oremus.

Domine Jesu Christe, qui tegumen nostrae mortalitatis induere dignatus, te metipsum exinanivisti; formam servi accipiens, et factus obediens usque ad mor-

tem Crucis, tuae largitatis clementiam humiliter imploramus, ut hoc genus vestimenti, quod in honorem et memoriam dolorosissimae Passionis tuae tuique sacratissimi Cordis, necnon et Cordis amantissimi ac compatiens Immaculatae Matris tuae institutum fuit, atque ut illo induti haec mysteria devotius recolant, benedicere ☩ digneris, ut hic famulus tuus qui (vel haec famula tua quae) ipsum gestaverit, te quoque, per tua merita et intercessionem beatissimae Virginis Mariae induere mereatur: Qui vivis et regnas in saecula saeculorum. R. Amen.

Hic Sacerdos S. Scapulare aqua benedicta aspergit, et illud imponit, dicens:

Accipe, carissime frater (vel carissima soror), hunc habitum benedictum, ut veterem hominem exutus (vel exuta) novumque indutus (vel induta) ipsum digne perferas, et ad vitam pervenias sempiternam. Per Christum Dominum nostrum. R. Amen.

Deinde subjungit:

Et ego, ex facultate mihi concessa, recipio te (vel vos) ad participationem omnium bonorum spiritualium quae per Sanctae Sedis Apostolicae privilegium huic sancto Scapulari, in gratiam Con-

gregationis Missionis, concessa sunt. In nomine ~~X~~ Patris, et Filii, et Spiritus sancti. Amen.

Denique dicatur trina vice versiculus sequens:

Te ergo quaesumus, tuis famulis subveni, quos pretioso sanguine redemisti!

BENEDICTIO

ET IMPOSITIO CINGULI LANEI

PRO CHORDIGERIS

S. FRANCISCI DE PAULA.

Propria Ordinis Minimorum.

Sacerdos superpelliceo et stola albi coloris indutus signans se signo crucis dicit:

✠. Adjutorium nostrum in nomine Domini.

℟. Qui fecit coelum et terram.

✠. Dominus vobiscum.

℟. Et cum spiritu tuo.

Oremus.

Omnipotens sempiterne et misericors Deus, qui pietatis tuae indulgentiam peccatoribus quaerentibus, veniam et misericordiam tribuisti: oramus immensam

clementiam tuam , ut hoc cingulum laneum (vel haec cingula lanea) benedi-
cere et sanctificare digneris ; ut quicum-
que pro peccatis suis cincti fuerint , et
misericordiam tuam imploraverint , in-
tercedente beato Francisco, veniam et in-
dulgentiam tuae sanctae misericordiae
consequantur. Per Christum Dominum
nostrum. R. Amen.

Aspergit aqua benedicta, deinde por-
rigit dicens:

Accipe cingulum super lumbos tuos,
ut sint lumbi tui praecincti in signum
castitatis et temperantiae. In nomine
Patris \mathcal{I} , et Filii, et Spiritus sancti.
Amen.

BENEDICTIO CINGULI

S. THOMAE AQUINATIS
AD SERVANDAM CASTITATEM.

Propria Ordinis Praedicatorum.

Ψ . Adjutorium nostrum in nomine
Domini.

R. Qui fecit coelum et terram.

Ψ . Dominus vobiscum.

R. Et cum spiritu tuo.

Oremus.

Domine Jesu Christe Fili Dei vivi,
puritatis amator et custos, obsecramus
immensam clementiam tuam; ut sicut mi-
nisterio angelorum sanctum Thomam
Aquinatem cingulo castitatis cingere, et
a labe corporis, ac animae praeservare
fecisti; ita ad honorem et gloriam ejus
bene ✠ dicere et sancti ✠ ficare digneris
cingula ista, ut quicumque ipsa circa re-
nes reverenter portaverit ac tenuerit ab
omni immunditia mentis et corporis puri-
ficetur, atque in exitu suo per manus san-
ctorum angelorum tibi digne praesentari
mereatur. Qui cum Patre et Spiritu San-
cto vivis et regnas in saecula saeculorum.

R. Amen.

Et aspergatur aqua benedicta.

BENEDICTIO

ET IMPOSITIO CHORDAE S. FRANCISCI.

Propria Ord. Min. Conventualium
S. P. Francisci.

Sacerdos indutus superpelliceo ac sto-
la alba dicat:

℣. Adjutorium nostrum in nomine Domini.

℟. Qui fecit coelum et terram.

℣. Ora pro nobis beate P. Francisce.

℟. Ut digni efficiamur promissionibus Christi.

℣. Domine exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

Oremus.

Deus qui ut servum redimeres, Filium tuum per manus impiorum ligari voluisti; bene **✠** dic, quaesumus finem istum et praesta; ut famulus tuus qui eo velut ligamine poenitentiali sui corporis cingetur, vinculorum ejusdem Domini nostri Jesu Christi perpetuo memor existat, et in Ordine, quem assumpsit, perenniter perseveret, tuisque cum affectu semper obsequiis se alligatum esse cognoscat. Per Dominum nostrum etc.

℟. Amen.

Oremus.

Omnipotens sempiterne Deus, qui omnibus peccatoribus quaerentibus veniam et misericordiam, quaesita et opta-

ta misericorditer tribuisti : oramus immensam clementiam tuam: ut has cordas (vel hanc chordam) bene✠ dicere et sanctificare digneris ; ut quicumque iis (vel ea) pro peccatis suis cincti fuerint (vel cinctus fuerit), et clementiam tuam imploraverint (vel imploraverit) meritis et intercessione beatissimi servi tui Patris Francisci veniam et indulgentiam suorum peccatorum, fructumque tuae sanctae misericordiae consequantur (vel consequatur). Per Christum Dominum nostrum. *ñ. Amen.*

Deinde aspergatur aqua benedicta ; mox Sacerdos cingendo eum chorda dicat:

Accipe chordam super lumbos tuos et sint lumbi tui praecincti in signum castitatis. In nomine Patris, et Filii✠, et Spiritus sancti. *Amen.*

FORMULA ABSOLUTIONIS PLENARIAE

**CHORDIGERIS IN EXTREMIS CONSTITUTIS
VIGORE PRIVILEG. ELARGIENDAE.**

Preces dicendae super infirmum Fratrem ex Societate Chordigerorum, ante absolutionem et benedictionem ipsi a

Patre Guardiano, vel a suo substituto, conferendam in articulo mortis ex concessione Summorum Pontificum: et ordo in hac pia functione servandus, tam pro Viris, quam pro Foeminis, mutata constructione; scilicet ubi dicitur famulum tuum, dicatur famulam tuam.

Sacerdos ingressus infirmorum cubiculum, dicat primum sequentes Preces:

℣. Pax huic domui.

℞. Et omnibus habitantibus in ea.

Deinde aspergat aqua benedicta Infirmum, lectulum, cubiculum, et omnes in ipso existentes, dicendo. Ant. Asperges me Domine hyssopo, et mundabor, lavabis me, et super nivem dealbabor.

Postea hortetur Infirmum ad aegritudinis incommoda patienter ac fortiter sustinenda, suadeatque mortis articulum bene, ac devote aggrediendum, cum alia non adsit via et ostium, per quod in Paradisum ingrediatur. Deinde omnibus genuflexis, incipit Ps. Miserere, mei, lxxx. cum Gloria Patri; et alternatim recitetur: quo finito Sacerdos dicat:

Kyrie eleison.

Christe eleison.

Kyrie eleison.

Pater noster, secreto.

V. Et ne nos inducas in tentationem.

R. Sed libera nos a malo.

V. Salvum fac servum tuum.

R. Deus meus sperantem in te.

V. Mitte ei Dñe auxilium de Sancto.

R. Et de Sion tuere eum.

V. Nihil proficiat inimicus in eo.

R. Et filius iniquitatis non apponat nocere ei.

V. Domine non secundum peccata sua facias ei.

R. Neque secundum iniquitates suas retribuas ei.

V. Esto ei Domine turris fortitudinis.

R. A facie inimici.

V. Domine opem feras illi.

R. Super lectum doloris ejus.

V. Ora pro nobis Sancta Dei Genitrix.

R. Ut digni efficiamur promissionibus Christi.

V. Ora pro nobis beate Pater Franciscus.

R. Ut digni efficiamur promissionibus Christi.

V. Domine exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

Deus, cui proprium est misereri semper, et parcere, suscipe deprecationem nostram; ut nos et hunc famulum tuum, quos delictorum catena constringit, miseratio tuae pietatis clementer absolvat.

Deus infirmitatis humanae singulare praesidium, auxilii tui super infirmum famulum tuum N. ostende virtutem: ut ope misericordiae tuae adjutus, Ecclesiae tuae sanctae incolumis, repraesentari mereatur.

Omnipotens et misericors Deus qui humano generi et salutis remedia, et vitae aeternae munera contulisti: respice propitius famulum tuum N. infirmitate corporis laborantem, et animam refove, quam creasti; ut in hora exitus illius absque peccati macula tibi Creatori suo per manus sanctorum Angelorum repraesentari mereatur.


Concede hunc famulum tuum N. quaesumus Domine Deus, perpetua mentis et corporis sanitate gaudere; et gloriosa beatæ Mariae semper Virginis intercessione a presenti liberari tristitia, et aeterna perfrui laetitia.

Deus, qui Ecclesiam tuam beati Pa-

tris Francisci meritis, foetu novae prolis amplifcas: tribue nobis ex ejus imitatione terrena despicere, et coelestium donorum semper participatione gaudere. Per Christum Dominum nostrum.

R. Amen.

Benedictio Divi Patris Francisci.

Benedicat  tibi Dominus, et custodiat te, ostendat faciem suam tibi, et misereatur tui, convertat vultum suum ad te, et det tibi pacem. Amen.

Supradictae Preces, et Orationes, vel ex parte, vel in totum, prout aegrotorum conditio feret, arbitrio Sacerdotis dici vel omitti possunt. Postea interrogat Infirmum, an coram Sacerdote suorum peccatorum confessionem habuerit, et si aliquid ei dicendum pro expiatione integra suorum delictorum remanserit, et quatenus opus fuerit, secreto et sacramentaliter audiat; vel per alium Confessorem secreto audiat, et absolvatur.

Quibus expletis chordam Fraternitatis super aegrum imponat; mox Infirmus dicat, vel adstantes pro eo: Confiteor Deo omnipotenti etc.

Quo completo, Sacerdos subjungit:

Misereatur tui omnipotens Deus, et

dimissis peccatis tuis perducatur te ad vitam aeternam. *R.* Amen.

Indulgentiam, absolutionem, et remissionem peccatorum tuorum tribuat tibi omnipotens et misericors Dominus.

R. Amen.

Deinde Absolutionem sequentem distincte et alta voce proferat.

FORMULA

Absolutionis plenariae a culpa et poena in articulo mortis.

Dominus noster Jesus Christus, per merita suae sanctissimae Passionis, te absolvat, et gratiam suam tibi infundat: et ego auctoritate ipsius, et beatorum Apostolorum Petri, et Pauli, et Summorum Pontificum, mihi in hac parte commissa et tibi concessa, absolvo te ab omni vinculo excommunicationis et interdicti, si quod incurristi, et restituo te unitati et communioni fidelium, et sanctis Sacramentis Ecclesiae. Item eadem auctoritate absolvo te a peccatis tuis, tibi que relaxo omnes poenas Purgatorii quas pro peccatis commissis meruisti, concedens tibi remissionem et indulgentiam plenariam omnium pecca-

torum tuorum, et restituo te illi innocentiae in qua eras, quando baptizatus fuisti: in nomine Patris, et Filii, et Spiritus Sancti. Amen.

Quod si hac vice non discesseris, reservo tibi hanc gratiam usque ad extremum mortis tuae articulum.

Passio Domini nostri Jesu Christi, et merita beatae Mariae semper Virginis, et omnium Sanctorum, sint tibi in remissionem peccatorum tuorum, in augmentum gratiae, et praemium vitae aeternae: in quorum etiam peccatorum satisfactionem virtute clavium, tibi adscribo quidquid boni umquam feceris, et mali patienter sustinueris.

℣. Benedic anima mea Domino.

℞. Et omnia quae intra me sunt, nomini sancto ejus.

℣. Benedic anima mea Domino.

℞. Et noli oblivisci omnes retributiones ejus.

℣. Qui propitiatur omnibus iniquitatibus tuis.

℞. Qui sanat omnes infirmitates tuas.

℣. Qui redimit de interitu vitam tuam.

℞. Qui coronat te in misericordia, et miserationibus.

Ÿ. Qui replet in bonis desiderium
tuum.

R. Renovabitur ut Aquilae juven-
tus tua.

Ÿ. Dominus conservet te, et vivifi-
cet te.

R. Et non tradat te in animam ini-
micorum ejus.

Ÿ. Vias tuas Domine demonstra ei.

R. Et semitas tuas edoce eum.

Ÿ. Dominus sit in itinere tuo.

R. Et Angelus ejus comitetur te.

Ÿ. Sit nomen Domini benedictum.

R. Ex hoc nunc, et usque in sæ-
culum.

Ÿ. Dominus vobiscum.

R. Et cum spiritu tuo.

Oremus.

Da, quaesumus Domine, servo tuo N.
diabolica vitare contagia, et te solum
Deum pura mente sectari.

Misericordiae tuae remediis, quao-
sumus Domine, fragilitas subsistat: et
quae sua conditione atteritur, tua cle-
mentia reparetur.

Deus, qui omnipotentiam tuam par-
cendo maxime et miserando manifestas:
multiplica super famulum tuum N. mi-

mericordiam tuam; ut ad tua promissa currentem, coelestium bonorum facias esse consortem.

Quaesumus clementiam tuam omnipotens Deus, ut per virtutem sanctissimae Passionis tuae famulum tuum N gratia tua confirmare digneris, ut in hora mortis ejus non praevaleat contra eum adversarius, sed cum Angelis tuis transitum habere mereatur ad vitam


Pateant aures misericordiae tuae Domine precibus supplicantium: et ut petentibus desiderata concedas, fac eos, quae tibi sunt placita postulare. Per Christum Dominum nostrum. R. Amen.

FORMULA

Absolvendi a culpa et poena Fratres Ord. Minorum Convent. S. Francisci in articulo mortis existentes virtute privilegior. Ord.

Dominus noster Jesus Christus, per merita suae sanctissimae Passionis, te absolvat, et gratiam suam tibi infundat: et ego auctoritate ipsius, et Beatorum Apostolorum Petri, et Pauli, ac Summorum Pontificum, mihi in hac parte commissa et tibi concessa, absolvo te

ab omni vinculo excommunicationis majoris, vel minoris, vel sententia suspensionis, et interdicti, et dispenso tecum in omni irregularitate, si quam contraxisti, et restituo te unioni, et participationi fidelium, nec non sanctis Sacramentis Ecclesiae. Eadem auctoritate absolvo te ab omni transgressione votorum tui Ordinis, et Constitutionum eiusdem, Statutorumque Papalium, Generalium, Provincialium, Custodialium, Localium, et Synodaliū quorumcumque. Eadem auctoritate ego absolvo te ab omni Divino Officio non dicto, male persoluto, et Horis indebite transpositis, vel dimissis. Item, eadem auctoritate ego absolvo te ab omnibus peccatis tuis, quibus contra Deum, animam tuam, fragilitate humana, ignorantia, vel malitia deliquisti, concedens tibi remissionem et indulgentiam plenariam omnium peccatorum tuorum confessorum, et cunctorum, de quibus etiam non recordaris, aut oblitus fuisti, in quantum Claves Ecclesiae se extendunt. Item eadem auctoritate ego absolvo te a poenis Purgatorii, quas pro peccatis commissis, et delictis in hoc mundo perpetratis meruisti; et restituo te illi

innocentiae, in qua eras, quando baptizatus fuisti. In nomine Patris et Filii  et Spiritus sancti. Amen.

Quod si hac vice non dicesseris, reservo tibi hanc gratiam usque ad extremum mortis tuae articulum. Passio Domini nostri Jesu Christi etc. ut supra.

BENEDICTIO

IMPERTIENDA CONFRATRIBUS CINCTURATIS IN ARTICULO MORTIS CONSTITUTIS.

Propria Ordinis Eremitarum
sancti Augustini.

†. Pax huic domui.

Rl. Et omnibus habitantibus in ea.
Confiteor Deo omnipotenti etc.

Misereatur tui omnipotens Deus, etc.

Dominus noster Jesus Christus per suam piissimam misericordiam te absolvat; et ego auctoritate ipsius, et beatorum Apostolorum Petri et Pauli, ac sanctae Romanae Ecclesiae, in hac parte tibi concessa et mihi commissa, in quantum possum, et valeo, et debeo, et mihi permittitur, absolvo te ab omni sententia excommunicationis majoris, vel minoris,

suspensionis, et interdicti, a participatione cum excommunicatis, et restitute Sacrosanctis Sacramentis, Ecclesiae communioni, et unitati Fidelium; in nomine Patris, et Filii ✠, et Spiritus sancti. Amen.

Item eadem auctoritate ego absolvo te ab omnibus peccatis tuis, confessis pariter, et oblitis, et a poenis omnibus tibi in purgatorio debitis propter culpas, et offensas, quas contra Deum, teipsum, et proximum tuum commisisti. In nomine Patris, etc.

Et hoc, si hac, qua aegrotas, infirmitate moriaris, sin autem salva tibi sit, donec frueris in mortis articulo constitutus. In nomine Patris, et Filii ✠, et Spiritus sancti. Amen.

BENEDICTIO CORONARUM

Propria Congr. Miss. Pretiosiss. Sang.

Constat Corona precatoria triginta tribus granulis in septem distinctis partes, quarum quaeque quinque habet granulos, septima parte excepta, quae tantum tres numerat; ut ita honorentur septem Sanguinis Christi praecipuae effusiones recitatione 33 Patret 7. Gloria.



Y. Adjutorium nostrum in Nomine Domini.

R. Qui fecit coelum, et terram.

Y. Redemisti nos Domine in Sanguine tuo.

R. Et fecisti nos Deo nostro Regnum.

Y. Te ergo quaesumus, tuis famulis subveni.

R. Quos pretioso Sanguine redemisti.



Y. Domine exaudi orationem meam.

R. Et clamor meus ad te veniat.

Y. Dominus vobiscum

R. Et cum spiritu tuo.

Oremus.

Omnipotens, et misericors Deus, qui propter eximiam caritatem tuam, qua dilexisti nos, Filium tuum Unigenitum Dominum nostrum Jesum Christum de coelis in terram descendere, et de Beatissimae Virginis Mariae Dominae nostrae utero sacratissimo, Angelo nuntiante, Carnem suscipere voluisti ut nos eriperes de potestate diaboli; obsecramus immensam clementiam tuam, ut has Coronas in honorem, et laudem pretiosi Sanguinis ejusdem Filii tui ab Ecclesia tua fidei dicatas bene  dicas, et sancti  fices, eisque tantam infundas vir-

tutem ✠ Spiritus sancti, ut quicumque harum quamlibet secum portaverit, aut in domo sua reverenter tenuerit, ab omni hoste visibili et invisibili semper, et ubique in hoc saeculo liberetur, et post exitum suum meritis ipsius pretiosissimi Sanguinis ad aeternam beatitudinem feliciter perveniat. Per eundem Christum Dominum nostrum. R. Amen.

Aspergantur aqua benedicta.

BENEDICTIO CORONAE.

Domine Jesu Christe, qui discipulos tuos orare docuisti, suscipe quaesumus bene ✠ dicendo orationes famulorum, famularumque tuarum, ut illorum oratio a te semper incipiat, et per te coepta finiatur. Qui vivis et regnas in saecula saeculorum. R. Amen.

BENEDICTIO

**SCAPULARIS NIGRI ET ROSARII
SEU CORONAE SEPTEM DOLORUM
B. MARIAE VIRGINIS**

Propria Ordinis Servorum B. M. V.

Sacerdos superpelliceo ac stola alba
indutus dicat:

**℣. Adjutorium nostrum in nomine
Domini.**

R). Qui fecit coelum et terram.

℣. Dominus vobiscum.

R). Et cum spiritu tuo.

Oremus.

Omnipotens sempiterne Deus, qui
morte Unigeniti tui mundum collapsum
restaurare dignatus es, ut nos a morte
aeterna liberares, et ad gaudia regni
coelestis perduceres; respice quaesumus
super hanc familiam servorum tuorum
in nomine Beatissimae Virginis Septem
Doloribus sauciaae congregatam, de cujus
gremio hic famulus tuus (vel haec fa-
mula tua) esse cupit (vel hi famuli tui
esse cupiunt), ut augeatur numerus tibi
fideliter servientium, et omnibus sae-
culi et carnis perturbationibus libera-

tus (vel liberata, seu liberati) et a la-
queis diaboli securus (vel secura, seu
securi) intercessione ejusdem Beatae
Mariae Virginis, Beatorum Augustini
et Philippi ac septem nostrorum Bea-
torum Patrum Ordinis Fundatorum vera
gaudia possideat. Per Christum Domi-
num nostrum. R. Amen.

Conversus ad habitum super Altare
positum, Sacerdos dicit:

Oremus.

Domine Jesu Christe, qui tegumen
nostrae mortalitatis induere dignatus
es; obsecramus immensam largitatis
tuae abundantiam, ut hoc genus vesti-
mentorum, quod Sancti Patres nostri
ad innocentiae humilitatisque indicium
in memoriam Septem Dolorum Beatae
Virginis Mariae nos ferre sanxerunt,
ita bene ✠ dicere digneris, ut qui illis
fuerit indutus (vel induta, seu fuerint
induti), corpore pariter et animo induat
(seu induant) te Salvatorem nostrum.
Qui vivis et regnas in saecula saeculo-
rum. R. Amen.

Aspergit habitum aqua benedicta,
dicens: **Asperges me Domino hyssopo et**
mundabor, lavabis me et super nivem

de alibabor. Deinde benedicit Rosarium Septem Dolorum.

Oremus.

Omnipotens et misericors Deus, qui propter nimiam charitatem, qua dilexisti nos, Filium tuum unigenitum Dominum nostrum Jesum Christum pro redemptione nostra de coelis ad terram descendere, carnem suscipere et crucis tormentum subire voluisti: obsecramus immensam clementiam tuam; ut hanc coronam, in memoriam septem dolorum Genitricis Filii tui ab Ecclesia tua fidei dicatam, bene ✠ dicas, et sancti ✠ fices, et ei tantam Spiritus Sancti virtutem infundas; ut quicumque eam recitaverit, ac secum portaverit, atque in domo sua reverenter tenuerit, ab omni hoste visibili et invisibili, semper et ubique in hoc saeculo liberetur, et in exitu suo a Beatissima Virgine Maria tibi bonis operibus coronatus praesentari mereatur. Per eundem Christum Dominum nostrum. *℟. Amen.*

Asperguntur Rosaria aqua benedicta a Sacerdote, dicente: *Asperges me, etc.* Sacerdos imponit habitum et cuilibet coram se genuflexo dicit:

Accipe, carissime Frater (vel caris-

sima Soror) habitum B. Mariae Virginis, singulare signum servorum suorum, in memoriam Septem Dolorum, quos in vita et morte Unigeniti Filii sui sustinuit; ut ita indutus (vel induta), sub eius patrocinio perpetuo vivas. R. Amen.

Reddit Rosarium, dicens:

Accipe coronam Beatae Mariae Virginis in memoriam septem dolorum suorum contextam, ut dum eam ore laudaveris, ejus poenas toto corde compatiaris. Amen.

Horletur adscriptus ut regulas observet ad sacras indulgentias assequendas: denique datur benedictio.

Benedictio Dei omnipotentis, Patris, et Filii, et Spiritus Sancti, descendat super te (vel super vos) et maneat semper. Amen.

BENEDICTIO

NUMISMATUM S. BENEDICTI.

Propria Ordinis S. Benedicti.

Sacerdos benedicturus Numismata sancti Benedicti incipit absolute.

ψ. Adjutorium nostrum in nomine Domini.

R. Qui fecit coelum et terram.

✠. Exorcizo vos, Numismata, per Deum Patrem ✠omnipotentem, qui fecit coelum et terram, mare et omnia quae in eis sunt. Omnis virtus adversarii, omnis exercitus diaboli, et omnis incursus, omne phantasma satanae eradicare et effugare ab his Numismatibus, ut fiant omnibus qui eis usuri sunt salus mentis et corporis, in nomine Patris ✠omnipotentis, et Jesu ✠Christi filii eius Domini nostri, et Spiritus Sancti ✠Paracliti, et in charitate ejusdem Domini nostri Jesu Christi, qui venturus est judicare vivos et mortuos, et saeculum per ignem.

R). Amen.

Kyrie eleison, Christe eleison, Kyrie eleison. Pater noster secreto.

✠. Et ne nos inducas in tentationem.

R). Sed libera nos a malo.

✠. Salvos fac servos tuos.

R). Deus meus, sperantes in te.

✠. Esto nobis Domine turris fortitudinis.

R). A facie inimici.

✠. Dominus virtutem populo suo dabit.

R). Dominus benedicet populum suum in pace.

Ÿ. Mitte eis Dñe auxilium de sancto.

R). Et de Sion tuere nos.

Ÿ. Domine exaudi orationem meam.

R). Et clamor meus ad te veniat.

Ÿ. Dominus vobiscum.

R). Et cum spiritu tuo.

Oremus.

Deus omnipotens bonorum omnium largitor, supplices te rogamus, ut per intercessionem sancti Benedicti his sacris Numismatibus litteris ac characteribus a te designatis tuam benedictionem infundas: ut omnes qui ea gestaverint ac bonis operibus intenti fuerint, sanitatem mentis et corporis, et gratiam sanctificationis, atque indulgentias nobis concessas consequi mereantur, omnesque diaboli insidias et fraudes, per auxilium misericordiae tuae effugere valeant, et in conspectu tuo sancti et immaculati appareant. Per Dominum nostrum etc.

R). Amen.

Oremus.

Domine Jesu Christe, qui voluisti pro totius mundi redemptione de Virgine nasci, circumcidi, a Judaeis re-

probari, Judae osculo tradi, vinculis alligari, spinis coronari, clavis perforari, inter latrones crucifigi, lancea vulnerari, et tandem in cruce mori: per hanc tuam sanctissimam passionem humiliter exoro, ut omnes diabolicas insidias et fraudes expellas ab eo, qui Nomen Sanctum tuum his litteris ac characteribus a te designatis devote invocaverit, et eum ad salutis portum perducere digneris. Qui vivis et regnas in saecula saeculorum.

R. Amen.

Benedictio Dei Patris omnipotentis, et Filii ✠, et Spiritus Sancti descendat super haec Numismata ac ea gestantes, et maneat semper. Amen.

Deinde Sacerdos aspergit Numismata aqua benedicta.

RITUS

INDUENDI FRATRES TERTIARIOS ORDINIS SANCTI FRANCISCI, DOMI, VEL IN CLAUSTRIS CUM FRATRIBUS VIVENTES.

Superior Regularis Ordinis S. Francisci, vel alius Delegatus ejus loco benedicat primo Vestes (quae in colore de-

hant esse conformes habitui Franciscano, absque tamen Capucio) ut sequitur.

ŷ. **Adjutorium nostrum, etc.**

ŷ. **Dominus vobiscum, etc.**

Oremus.

Domine Jesu Christe, seminator, et inspirator religiosi propositi; quique Indumentum nostrae Carnis, pro salute generis humani misericorditer suscipere voluisti, et in praesepio vilibus pannis involvi non horruisti; respice propitius ad preces humilitatis nostrae, et has religiosas Vestes, quas hic Famulus tuus^{N.} propter amorem tuum, abjecto Habitu saeculari, proponit induere, bene^X dicere tua pietate digneris; et concede propitius, ut, sicut exterius his Religiosis induitur Vestimentis, intus renoventur affectibus, et per intercessionem B. Patris Francisci induere eum digneris. Qui vivis, etc.

Oremus.

Deus, qui, ut servum absolveres, Filium tuum funibus ligari voluisti; bene^X dic, quaesumus, funem istum, et praesta, ut Famulus tuus^{N.} qui eo, velut ligamine poenitentiali cingetur, vin-

culorum ejusdem Filii tui D. N. J. C. memor existat, et in ordine, quem assumit, salubriter perseveret, et tuis cum affectu semper obsequiis se alligatum esse cognoscat. Per eundem Christum, etc.

Hic Habitus, et Chorda asperguntur aqua benedicta, et induitur Habitu Benedicto a Praelato, et dicat super eum:
 ✠. Dominus vobiscum.
 ✠. Et cum spiritu tuo.

Oremus.

Majestatem tuam, Domine, suppliciter exoramus, ut Famulum tuum N. cui, de tua gratia praesumentes, nostrae Religionis Vestem imposuimus, digneris inter discipulos tuos virtute ex alto induere, justitiae lorica munire, et salutis protegere Vestimento, ut intercedente Beatissimo Patre nostro Seraphico Confessore tuo Francisco, sub humilitatis Vestis tibi perseveranter deserviens, ad Stolum immortalitatis, et gloriae pervenire mereatur. Qui vivis, et regnas in saecula, etc. ✠. Amen.

Hic cingitur a Praelato, et dicitur:

Oremus.

Deus, qui Beato Petro Apostolo tuo significans, qua morte glorificaturus esset Deum, praedixisti per alium in senectute ipsum fore cingendum, Famulum tuum N. quem Cingulo nostrae Fraternitatis praecinximus, tua, quaesumus, claritate praecinge, tui nominis metu salutari constringe, et Chorda cor ejus regulari alliga disciplina, ut tua ei opitulante gratia solutus, et liberatus a Mundo, tuoque vinctus servitio, in Ordinis, quem assumit, observantia usque in finem jugiter perseveret. Qui vivis, et regnas in saecula saeculorum. R. Amen.

Tandem super Fratrem indutum, et praecinctum dicatur:

Oremus.

Deus, qui mira Crucis Mysteria, in tuo devotissimo Confessore Beato Francisco, multiformiter demonstrasti, da famulo tuo N. ipsius semper exempla sectari, et assidua ejusdem Crucis meditatione muniri. Per Christum Dominum, etc.

R. Amen.

BENEDICTIO CANDELARUM

IN FESTO S. BLASII EPISC.

ET MARTYRIS.

℣. Adjutorium nostrum, etc.

℣. Domine exaudi orationem meam, etc.

Oremus.

Omnipotens, et mitissime Deus, qui omnium mundi rerum diversitates solo verbo creasti, et ad hominum reformationem, illud idem Verbum per quod facta sunt omnia, incarnari voluisti, qui magnus es, et immensus, terribilis, atque laudabilis, ac faciens mirabilia: pro cuius fide, et confessione, gloriosus Martyr, et Pontifex Blasius, diversorum tormentorum genera non pavescens, Martyrii palmam feliciter est adeptus; quique eidem inter ceteras gratias, hanc praerogativam contulisti, ut quoscunque gutturis morbo tua virtute curaret: Majestatem tuam suppliciter exoramus, ut, non inspectu reatus nostri, sed ejus placatus meritis et precibus, hanc Cerae Creaturam bene✠ dicere, ac sancti✠ ficare, tua venerabili pietate digneris, tuam gra-

tiam infundendo, ut omnes, quorum colla per eam ex bona fide tacta fuerint, a quocumque gutturi morbo, ipsius Passionis meritis liberentur, et in Ecclesia sancta tua, sani, et hilares, tibi gratiarum referant actiones, laudentque nomen tuum gloriosum, quod est benedictum in saecula saeculorum. Per eundem Dominum nostrum, etc.

Asperguntur aqua benedicta, deinde Sacerdos terminata Missa, deposita Casula, et Manipulo, accensis duobus Cereis, ac in modum Crucis aptatis, apponens illos sub mento gutturi cuiusvis benedicendorum, ipsis ante altare genuflectentibus, dicat:

Per intercessionem S. Blasii Episcopi, et Martyris liberet te Deus a malo gutturi, et a quolibet alio: In nomine Patris, et Filii, et Spiritus sancti. Amen.

BENEDICTIO CANDELARUM

**EXTRA DIEM PURIFICATIONIS
B. MARIAE VIRGINIS.**

✠. Adjutorium nostrum in nomine Domini.

℟. Qui fecit coelum et terram.

Ÿ. Dominus vobiscum.

ŕ. Et cum spiritu tuo.

Oremus.

Domine Jesu Christe, Fili Dei vivi, bene **✠** dic candelas istas supplicationibus nostris: infunde eis, Domine, per virtutem sanctae Cru **✠** cis, benedictionem coelestem, qui eas ad repellendas tenebras humano generi tribuisti; talemque benedictionem signaculo sanctae Cru **✠** cis accipiant, ut quibuscumque locis accensae, sive positae fuerint, discedant principes tenebrarum, et contremiscant, et fugiant pavidum cum omnibus ministris suis ab habitationibus illis, nec praesumant amplius inquietare, aut molestare servientes tibi omnipotenti Deo. Qui vivis, et regnas in saecula saeculorum. **ŕ. Amen.**

DE BENEDICTIONE

SIGNI VEL CAMPANAE.

Signum, vel Campana debet benedici, antequam ponatur in campanili, hoc ordine. In primis debet Campana ipsa ita suspendi et situari, ut commode

possit intus et extra tangi, tractari, et circui; deinde prope ipsam Campanam benedicendam paratur Pontifici faldistorium; vas aquae benedicendae; aspersorium; vas cum sale; lintea munda ad extergendum Campanam, quando opus fuerit; vas Olei sancti infirmorum; sanctum Chrisma; thymiana; thus; myrrha; et thuribulum cum igne. Diaconus etiam accipit amictum, albam, cingulum, manipulum, stolam, et dalmaticam albi coloris. Quibus ordinatis, Pontifex in Sacristia, aut alio convenienti loco, paratus amictu, alba, cingulo, stola, pluviâ albi coloris, et mitra simplici, baculum pastorem manu gestans, venit prope Campanam, ubi sedens super faldistorium ibidem sibi paratum, dicit cum Ministris Psalmos sequentes, videlicet Psalmum.

Miserere mei Deus, * secundum magnam misericordiam tuam, **pag. 61.**

Totus dicitur cum Gloria Patri.

Psalmus 53

Deus, in nomine tuo saluum me fac: *
et in virtute tua iudica me.

Deus, exaudi orationem meam: * au-
ribus percipe verba oris mei.



Quoniam alieni insurrexerunt adversum me, et fortes quaesierunt animam meam: * et non proposuerunt Deum ante conspectum suum.

Ecce enim Deus adjuvat me: * et Dominus susceptor est animae meae.

Averte mala inimicis meis: * et in veritate tua disperde illos.

Voluntarie sacrificabo tibi: * et confitebor nomini tuo, Domine, quoniam bonum est.

Quoniam ex omni tribulatione eripuisti me: * et super inimicos meos despexit oculus meus.

Gloria Patri, etc. Sicut erat, etc.

Psalmus 56.

Miserere mei, Deus, miserere mei: * quoniam in te confidit anima mea.

Et in umbra alarum tuarum sperabo, * donec transeat iniquitas.

Clamabo ad Deum altissimum: * Deum, qui benefecit mihi.

Misit de coelo, et liberavit me: * dedit in opprobrium conculcantes me.

Misit Deus misericordiam suam, et veritatem suam: * et eripuit animam meam de medio catulorum leonum: dormivi conturbatus.

Filii hominum dentes eorum arma
et sagittae: * et lingua eorum gladius
acutus.

Exaltare super coelos, Deus: * et in
omnem terram gloria tua.

Laqueum paraverunt pedibus meis: *
et incurvaverunt animam meam.

Foderunt ante faciem meam foveam: *
et inciderunt in eam.

Paratum cor meum, Deus, para-
tum cor meum: * cantabo, et psalmum
dicam.

Exurge gloria mea exurge psalte-
rium, et cithara: * exurgam diluculo.

Confitebor tibi in populis, Domine: *
et psalmum dicam tibi in gentibus.

Quoniam magnificata est usque ad
coelos misericordia tua: * et usque ad
nubes veritas tua.

Exaltare super coelos, Deus: * et su-
per omnem terram gloria tua.

Gloria Patri, etc. Sicut erat, etc.

Psalmus 66.

Deus misereatur nostri, et benedicat
nobis: * illuminet vultum suum super
nos, et misereatur nostri.

Ut cognoscamus in terra viam tuam: *
in omnibus gentibus salutare tuum.

Confiteantur tibi populi, Deus: * confiteantur tibi populi omnes.

Laetentur, et exultent gentes: * quoniam judicas populos in aequitate, et gentes in terra dirigis.

Confiteantur, tibi populi, Deus, confiteantur tibi populi omnes: * terra dedit fructum suum.

Benedicat nos Deus, Deus noster, benedicat nos Deus: * et metuant eum omnes fines terrae.

Gloria Patri, etc. Sicut erat, etc.

Psalmus 69.

Deus in adjutorium meum intende: * Domine, ad adjuvandum me, festina.

Confundantur, et revereantur, * qui quaerunt animam meam.

Avertantur retrorsum, et erubescant, * qui volunt mihi mala.

Avertantur statim erubescences, * qui dicunt mihi: Euge, euge.

Exultent, et laetentur in te omnes, qui quaerunt te: * et dicant semper: Magnificetur Dominus, qui diligunt salutare tuum.

Ego vero egenus, et pauper sum: * Deus, adjuva me.

Adjutor meus et liberator meus es
tu: * Domine, ne moreris.

Gloria Patri, etc. Sicut erat, etc.

Psalmus 85.

Inclina, Domine, aurem tuam, et
exaudi me: * quoniam inops et pauper
sum ego.

Custodi animam meam quoniam sanctus
sum: * salvum fac servum tuum,
Deus meus, sperantem in te.

Miserere mei, Domine, quoniam ad te
clamavi tota die: * laetifica animam
servi tui, quoniam ad te Domine, ani-
mam meam levavi.

Quoniam tu, Domine, suavis et mi-
tis: * et multae misericordiae omnibus
invocantibus te.

Auribus percipe, Domine, orationem
meam: * et intende voci deprecationis
meae.

In die tribulationis meae clamavi
ad te: * quia exaudisti me.

Non est similis tui in diis, Domi-
ne: * et non est secundum opera tua.

Omnes gentes quascumque fecisti,
venient, et adorabunt coram te, Domi-
ne, * et glorificabunt Nomen tuum.

Quoniam magnus es tu, et faciens mirabilia: * tu es Deus solus.

Deduc me, Domine, in via tua, et ingrediar in veritate tua: * laetetur cor meum, ut timeat Nomen tuum.

Confitebor tibi, Domine, Deus meus, in toto corde meo: * et glorificabo Nomen tuum in aeternum.

Quia misericordia tua magna est super me: * et eruisti animam meam ex inferno inferiori.

Deus, iniqui insurrexerunt super me, et synagoga potentium quaesierunt animam meam: * et non proposuerunt te in conspectu suo.

Et tu, Domine, Deus miserator, et misericors, * patiens, et multae misericordiae, et verax.

Respice in me, et miserere mei: * da imperium tuum puero tuo, et saluum fac filium ancillae tuae.

Fac mecum signum in bonum, ut videant qui oderunt me, et confundantur: * quoniam tu, Domine, adjuvisti me, et consolatus es me.

Gloria Patri, etc. Sicut erat, etc.

Postremo dicitur Psalmus, De profundis, etc. pag 60.

Expletis Psalmis, surgit Pontifex,




et stans cum mitra, benedicit sal et aquam, dicens *Ÿ. Adjutorium nostrum etc.* prout habetur, pag. 96. et continuans usque ad Orationem: **Deus qui ad salutem humani generis, etc. inclusive.**

Qua dicta, Pontifex adhuc sine mitra stans, dicit absolute sequentem Orationem:

Bene ✠ dic, Domine, hanc aquam benedictione coelesti, et assistat super eam virtus Spiritus Sancti: ut cum hoc vasculum ad invitandos filios sanctae Ecclesiae praeparatum, in ea fuerit tinctum, ubicumque sonnerit hoc tintinnabulum, procul recedat virtus insidiantium, umbra phantasmatum, incursio turbinum, percussio fulminum, laesio tonitruorum, calamitas tempestatum, omnisque spiritus procellarum; et cum clangorem illius audierint filii Christianorum, crescat in eis devotionis augmentum, ut festinantes ad piaë matris Ecclesiae gremium, cantent tibi in Ecclesia Sanctorum canticum novum, deferentes in sono praeconium tubae, modulationem psalterii, suavitatem organi, exultationem tympani, jucunditatem cymbali; quatenus in templo sancto gloriae tuae suis obsequiis, et precibus

invitare valeant multitudinem exercitus Angelorum. Per Dominum nostrum Jesum Christum Filium tuum, Qui tecum vivit, et regnat in unitate ejusdem Spiritus sancti Deus per omnia saecula saeculorum. *℟. Amen.*

Post haec, pontifex mittit sal in aquam in modum crucis, dicendo semel:

Commixtio salis, et aquae pariter fiat. In nomine Pa  tris, et Fi  lii, et Spiritus  sancti. *℟. Amen.*

℣. Dominus vobiscum.

℟. Et cum spiritu tuo.

Oremus.

Deus, invictae virtutis auctor, et insuperabilis imperii rex, ac semper magnificus triumphator, qui adversae dominationis vires reprimis, qui inimici rugientis saevitiam superas, qui hostiles nequitias potenter expugnas; te, Domine, tremantes et supplices deprecamur, ac petimus; ut hanc creaturam salis et aquae dignanter aspicias, benignus illustres, pietatis tuae rore sanctifices, ut ubicumque fuerit aspersa, per invocationem sancti tui Nominis, omnis infestatio immundi spiritus abigatur, terrorque venenosi serpentis procul pellatur; et prae-

sentia sancti Spiritus nobis misericordiam tuam poscentibus ubique adesse dignetur. Per Dominum nostrum Jesum Christum Filium tuum, Qui tecum vivit et regnat in unitate Spiritus sancti Deus per omnia saecula saeculorum. **¶. Amen.**

His peractis, Pontifex accepta mitra incipit lavare Campanam cum dicta aqua, et Ministri prosequuntur lotionem, lavantes eam totaliter intus et extra: deinde cum linteo mundo extergunt, Pontifice interim cum mitra sedente, et cum aliis Ministris dicente Psalmum, cum aliis sequentibus.

Psalmus 145.

Lauda, anima mea, Dominum; laudabo Dominum in vita mea: * psallam Deo meo quamdiu fuero.

Nolite confidere in principibus: * in filiis hominum, in quibus non est salus.

Exibit spiritus ejus, et revertetur in terram suam: * in illa die peribunt omnes cogitationes eorum.

Beatus cujus Deus Jacob adjutor ejus: spes ejus in Domino Deo ipsius: * qui fecit coelum, terram, et mare, et omnia, quae in eis sunt.

Qui custodit veritatem in saeculum,
facit iudicium injuriis patientibus: *
dat escam esurientibus.

Dominus solvit compeditos, * Domi-
nus illuminat caecos.

Dominus erigit elisos, * Dominus di-
ligit justos.

Dominus custodit advenas, pupillum,
et viduam suscipiet, * et vias peccato-
rum disperdet.

Regnabit Dominus in saecula, Deus
tuus, Sion, * in generationem et gene-
rationem.

Gloria Patri, etc. Sicut erat, etc.

Psalmus 146.

Laudate Dominum, quoniam bonus
est psalmus: * Deo nostro sit jucunda,
decoraque laudatio.

Aedificans Jerusalem Dominum: *
dispersiones Israelis congregabit.

Qui sanat contritos corde: * et al-
ligat contritiones eorum.

Qui numerat multitudinem stella-
rum: * et omnibus eis nomina vocat.

Magnus Dominus noster, et magna
virtus ejus: * et sapientiae ejus non
est numerus.

Suscipiens mansuetos Dominus: * humilians autem peccatores usque ad terram.

Praecinite Domino in confessione: * psallite Deo nostro in cithara.

Qui operit coelum nubibus, * et parat terrae pluviam.

Qui producit in montibus fenum, * et herbam servituti hominum.

Qui dat jumentis escam ipsorum, * et pullis corvorum invocantibus eum.

Non in fortitudine equi voluntatem habebit: * nec in tibiis viri beneplacitum erit ei.

Beneplacitum est Domino super timentes eum: * et in eis, qui sperant super misericordia ejus.

Gloria Patri, etc. Sicut erat, etc.

Deinde Psalmus, Lauda Jerusalem Dominum, pag. 318. in fine libri.

Psalmus 148.

Laudate Dominum de coelis, * laudate eum in excelsis.

Laudate eum omnes Angeli ejus: * laudate eum omnes virtutes ejus.

Laudate eum sol et luna: * laudate eum omnes stellae, et lumen.

Laudate eum coeli coelorum: * et aquae omnes, quae super coelos sunt, laudent nomen Domini,

Quia ipse dixit, et facta sunt: * ipse mandavit, et creata sunt.

Statuit ea in aeternum, et in saeculum saeculi: * praeceptum posuit, et non praeteribit.

Laudate Dominum de terra: * dracones, et omnes abyssi.

Ignis, grando, nix, glacies, spiritus procellarum: * quae faciunt verbum ejus.

Montes, et omnes colles: * ligna fructifera, et omnes cedri.

Bestiae, et universa pecora: * serpentes, et volucres pennatae.

Reges terrae, et omnes populi: * principes, et omnes iudices terrae.

Juvenes, et virgines, senes cum junioribus laudent nomen Domini: * quia exaltatum est nomen ejus solius.

Confessio ejus super coelum et terram: * et exaltavit cornu populi sui.

Hymnus omnibus Sanctis ejus: * filiis Israel, populo appropinquanti sibi.

Sine Gloria Patri.

Deinde Psalmus, Cantate Domino canticum novum, etc. pag. 78.

Postremo Psalmus, Laudate Dominum in Sanctis ejus, pag. 79. in fine

dicitur, Gloria Patri, etc. et Sicut erat in principio, etc.

Quibus finitis, surgit Pontifex cum mitra, et cum pollice dexteræ manus facit ab extra supra Campanam de Oleo sancto infirmorum signum crucis: quo facto, deposita mitra, dicit:

Oremus.

Deus, qui per beatum Moysen legiferum famulum tuum, tubas argenteas fieri praecepisti, quibus dum Sacerdotes, tempore Sacrificii, clangerent, sonitus dulcedine populus monitus, ad te adorandum fieret praeparatus, et ad celebrandum sacrificia conveniret: quarum clangore hortatus ad bellum, molimina prosterneret adversantium; praesta, quaesumus; ut hoc vasculum sanctae tuae Ecclesiae praeparatum, sancti ✠ficetur a Spiritu sancto, ut per illius tactum Fideles invitentur ad praemium. Et cum melodia illius auribus insonuerit populorum, crescat in eis devotio fidei, procul pellantur omnes insidiae inimici, fragor grandinum, procella turbinum, impetus tempestatum; temperentur infesta tonitrua, ventorum falabra fiant salubriter ac moderate suspensa; pro-

sternat aereas potestates dextera tuæ virtutis; ut hoc audientes tintinnabulum, contremiscant, et fugiant ante sanctæ Crucis Filii tui in eo depictum vexillum, cui flectitur omne genu coelestium, terrestrium, et infernorum, et omnis lingua confiteatur, quod ipse Dominus noster Jesus Christus, absorpta morte per patibulum Crucis, regnat in gloria Dei Patris, cum eodem Patre, et Spiritu sancto, per omnia saecula saeculorum. *R.* Amen.

Pontifex, accepta mitra, extergit cum linteo mundo crucem a se factam. Deinde inchoat, schola prosequente, Antiphonam, ton. 8.

Vox Domini super aquas multas, Deus majestatis intonuit, Dominus super aquas multas.

Psalmus 28.

Afferte Domino filii Dei: * afferte Domino filios arietum.

Afferte Domino gloriam, et honorem, afferte Domino gloriam, Nomini ejus; * adorete Dominum in atrio sancto ejus.

Vox Domini super aquas, Deus majestatis intonuit: * Dominus super aquas multas.

Vox Domini in virtute: * vox Domini in magnificentia.

Vox Domini confringentis cedros: * et confringet Dominus cedros libani.

Et comminuet eas tamquam vitulum Libani: * et dilectus quemadmodum filius unicornium.

Vox Domini intercidentis flammam ignis: * vox Domini concutientis desertum; et commovebit Dominus desertum Cades.

Vox Dominus praeparantis cervos, et revelabit condensa: * et in templo ejus omnes dicent gloriam.

Dominus diluvium inhabitare facit: * et sedebit Dominus rex in aeternum.

Dominus virtutem populo suo dabit: * Dominus benedicet populo suo in pace.

Gloria Patri, etc. Sicut erat, etc.

Deinde repetitur Antiphona. Interim Pontifex cum mitra stans, facit cum pollice dexteræ manus de Oleo sancto infirmorum septem cruces exterius super Campanam, et intus cum Chrismate quatuor, pari distantia, dicens, dum quamlibet crucem facit:

Sancti ✠ ficietur et conse ✠ cretur, Domine, signum istud. In nomine Pa ✠

tris, et Fi ✠ iii, et Spiritus ✠ sancti.
In honorem sancti N. Pax tibi.

Deinde finitis Antiphona, et Psalmo,
ac factis crucibus praedictis, Pontifex
stans, deposita mitra, dicit:

Oremus.

Omnipotens sempiterne Deus, qui ante
arcam foederis per clangorem tubarum,
muros lapideos, quibus adversantium
cingebatur exercitus, cadere fecisti; tu
hoc tintinnabulum coelesti bene ✠ di-
ctione perfunde; ut ante sonitum ejus
longius effugentur ignita jacula inimi-
ci, percussio fulminum, impetus lapi-
dum, laesio tempestatum; ut ad inter-
rogationem prophetica: Quid est tibi
mare, quod fugisti? suis motibus cum
Jordanico retroactis fluente respondeant:
A facie Domini mota est terra: a facie
Dei Jacob, qui convertit petram in sta-
gna aquarum et rupem in fontes aqua-
rum. Non ergo nobis, Domine, non no-
bis, sed Nomini tuo da gloriam, super
misericordia tua: ut cum praesens va-
sculum, sicut reliqua altaris vasa, sacro
Chrismate tangitur, Oleo sancto ungi-
tur, quicumque ad sonitum ejus conve-
nerint, ab omnibus inimici tentationi-

bus liberi, semper fidei Catholicae documenta sectentur. Per Dominum nostrum Jesum Christum Filium tuum, Qui tecum vivit et regnat in unitate Spiritus sancti Deus, per omnia saecula saeculorum. *ñ.* Amen.

Tum sedet Pontifex, et accepta mitra, imponit in thuribulo thymiama, thus, et myrrham, si haberi possunt, alioquin, quae ex ipsis habentur: quibus impositis, thuribulum ipsum supponitur Campanae, seu signo, ut totum fumum recipiat, schola interim cantante Antiphonam, ton. 8.

Deus in sancto via tua: quis Deus magnus, sicut Deus noster?

Psalmus 76.

Viderunt te aquae, Deus, viderunt te aquae: * et timuerunt, et turbatae sunt abyssi.

Multitudo sonitus aquarum, * vocem dederunt nubes.

Etenim sagittae tuae transeunt: * vox tonitruui tui in rota.

Illuxerunt coruscationes tuae orbi terrae: * commota est, et contremuit terra.

In mari via tua, et semitae in aquis

*

multis: * et vestigia tua, non cognoscuntur.

Deduxisti sicut oves populum tuum, *
in manu Moysi, et Aaron.

Gloria Patri, etc. Sicut erat, etc.

Quibus dictis, deposita mitra, surgit
Pontifex, et dicit:

Oremus.

Omnipotens dominator, Christe, quo secundum carnis assumptionem dormiente in navi, dum oborta tempestas mare conturbasset, te protinus excitato et imperante dissiluit, tu necessitatibus populi tui benignus succurre; tu hoc tinctinnabulum sancti Spiritus rore perfunde, ut ante sonitum illius semper fugiat bonorum inimicus; invitetur ad fidem populus christianus; hostilis terreatur exercitus; confortetur in Domino per illud populus tuus convocatus; ac sicut Davidica cithara delectatus desuper descendat Spiritus sanctus; atque ut Samuele agnum lactentem mactante in holocaustum Regis aeterni imperii, fragor aurarum turbam repulit adversantium, ita dum hujus vasculi sonitus transit per nubila, Ecclesiae tuae conventum manus conservet Angelica, fru-

ges credentium, mentes et corpora salvet protectio sempiterna. Per te, Christe Jesu, qui cum Deo Patre vivis, et regnas in unitate ejusdem Spiritus sancti Deus per omnia saecula saeculorum.

R. Amen.

Demum diaconus sacris vestibus albi coloris paratus, dicit:

Y. Dominus vobiscum.

R. Et cum spiritu tuo.

✠ Sequentia sancti Evangelii secundum Lucam. Cap. 10.

In illo tempore: Intravit Jesus in quoddam castellum: et mulier quaedam, Martha nomine, excepit illum in domum suam, et huic erat soror nomine Maria, quae etiam sedens secus pedes Domini, audiebat verbum illius. Martha autem satagebat circa frequens ministerium; quae stetit, et ait: Domine, non est tibi curae quod soror mea reliquit me solam ministrare? Dic ergo illi, ut me adjuvet. Et respondens, dixit illi Dominus: Martha, Martha sollicita es, et turbaris erga plurima. Porro unum est necessarium: Maria optimam partem elegit, quae non auferetur ab ea.

Finito Evangelio, Pontifex osculatur librum Evangeliorum per unum ex Mi-

nistris sibi porrectum. Tum producit super Campanam benedictam signum crucis, et reassumpta mitra, discedens revertitur ad locum, ubi paramenta accepit, in quo dimissis sacris vestibus, vadit in pace.

BENEDICTIO NOVAE CRUCIS.

℣. Adjutorium nostrum in nomine Domini.

℟. Qui fecit coelum et terram.


℣. Domine exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

Oremus.

Rogamus te, Domine sancte, Pater omnipotens, aeternae Deus: ut digneris bene dicere hoc signum Crucis tuae, ut sit remedium salutare generi humano; sit soliditas fidei, profectus bonorum operum, redemptio animarum; sit solamen et protectio ac tutela contra saeva jacula inimicorum. Per Christum Dominum nostrum. ℟. Amen.

Alia Oratio ad idem.

Bene **✠**dic, Domine Jesu Christe, hanc Crucem tuam, per quam eripuisti mundum a potestate daemonum et superasti Passione tua suggestorem peccati, qui gaudebat in praevaricatione primi hominis per ligni vetiti sumptionem. (Hic aspergat aqua benedicta). Sanctificetur hoc signum Crucis in nomine Pa **✠**tris et Fi **✠**lii et Spiritus **✠**sancti, ut orantes inclinantesque se propter Dominum ante istam Crucem, inveniant corporis et animae sanitatem. Per Christum Dominum nostrum. Amen.

Postea Sacerdos genuflexus ante Crucem devote adoratur et osculatur et idem faciunt quicumque voluerint.

BENEDICTIO

**IMAGINUM D. N. JESU CHRISTI,
B. M. V. ET ALIORUM SANCTORUM.**

✠. Adjutorium nostrum in nomine Domini.

✠. Qui fecit coelum et terram.

✠. Dominus vobiscum.

✠. Et cum spiritu tuo.

Oremus.

Omnipotens, sempiternus Deus, qui Sanctorum tuorum imagines sive effigies sculpi, aut pingi non reprobas, ut quoties illas oculis corporis intuemur, toties eorum actus et sanctitatem ad imitandum memoriae oculis meditemur: hanc, quaesumus, imaginem seu sculpturam in honorem et memoriam unigeniti Filii tui Domini nostri Jesu Christi, vel beatissimae Virginis Mariae matris Domini nostri Jesu Christi, vel beati N. Apostoli tui, vel Martyris, vel Confessoris, aut Pontificis, aut Virginis, adaptatam bene~~re~~ dicere et sancti~~fic~~icare digneris: et praesta, ut quicumque coram illa unigenitum Filium tuum, vel beatissimam Virginem, vel gloriosum Apostolum, sive Martyrem, sive Confessorem, aut Virginem, suppliciter colere et honorare studuerit, illius meritis et obtentu a te gratiam in praesenti et aeternam gloriam obtineat in futurum. Per Christum Dominum nostrum.

℞. Amen.

Ultimo aspergat aqua benedicta.

RITUS

BENEDICENDI ET IMPONENDI

**primarium lapidem pro Ecclesia
aedificanda, servandus a Sacerdote
facultatem habente ab Episcopo.**

Ecclesiam ex Episcopi auctoritate tantum, juxta sacrorum Canonum decreta, aedificari fas est. Si vero Sacerdos ejus aedificationis primarium lapidem benedicendi potestatem habens, ejusmodi functionem peragat, hunc ritum servabit.

Pridie quam primarius lapis benedicatur, ligneam Crucem in loco, ubi debet esse Altare, figat ipse, vel alius Sacerdos. Sequenti vero die lapis in Ecclesiae fundatione ponendus, qui debet esse quadratus, et angularis, benedicatur hoc modo.

Sacerdos indutus amictu, alba, cingulo, stola, et pluviali albi coloris, adhibitis aliquot Sacerdotibus et Clericis, sal et aquam benedicit, nisi prius in promptu habeat jam benedictam ordinaria benedictione, ut supra pag. 96., et interim, dum cantatur a Clericis Antiphona cum Psalmo sequenti, aspergit

locum, ubi **Cruz** posita est, cum **Aqua** benedicta.

Anti, hona. **Signum salutis pone, Domine Jesu Christe, in loco isto: et non permittas introire angelum percutientem.**

Psalmus 83.

Quam dilecta tabernacula tua, Domine virtutum! * concupiscit, et deficit anima mea in atria Domini.

Cor meum, et caro mea, * exultaverunt in Deum vivum.

Etenim passer invenit sibi domum: * et turtur nidum sibi, ubi ponat pullos suos.

Altaria tua, Domine virtutum, * Rex meus et Deus meus.

Beati qui habitant in domo tua, Domine: * in saecula saeculorum laudabunt te.

Beatus vir, cujus est auxilium abs te: * ascensiones in corde suo disposuit, in valle lacrymarum, in loco, quem posuit.

Etenim benedictionem dabit legislator: ibunt de virtute in virtutem: * videbitur Deus Deorum in Sion.

Domine, Deus virtutum, exaudi ora-

tionem meam: * auribus percipe, Deus Jacob.

Protector noster aspice, Deus: * et respice in faciem Christi tui.

Quia melior est dies una in atriis tuis, * super millia.

Elegi abjectus esse in domo Dei mei, * magis quam habitare in tabernaculis peccatorum.

Quia misericordiam, et veritatem diligit Deus: * gratiam et gloriam dabit Dominus.

Non privabit bonis eos, qui ambulant in innocentia: * Domine virtutum, beatus homo, qui sperat in te.

Gloria Patri, etc.

Finis Psalmo, Sacerdos versus ad locum per eum aspersum, dicit:

Oremus.

Domine Deus, qui licet coelo et terra non capiaris, domum tuam dignaris habere in terris, ubi nomen tuum jugiter invocetur: locum hunc, quaesumus, beatæ Mariæ semper Virginis, et beati N. (nominando Sanctum, vel Sanctam, in cuius honorem ac nomen fundabitur Ecclesia), omniumque Sanctorum intercedentibus meritis, sereno pietatis tuæ

intuitu visita, et per infusionem gratiae tuae, ab omni inquinamento purifica, purificatumque conserva; et qui dilecti tui David devotionem in filii sui Salomonis opere complevisti, in hoc opere desideria nostra perficere digneris, effugiantque omnes hinc nequitiae spirituales. Per Dominum nostrum Jesum Christum, etc. *℟*. Amen.

Postea stans benedicit primarium lapidem, dicens:

℣. Adjutorium nostrum in nomine Domini.

℟. Qui fecit coelum et terram.

℣. Sit nomen Domini benedictum.

℟. Ex hoc nunc et usque in saeculum.

℣. Lapidem, quem reprobaverunt aedificantes.

℟. Hic factus est in caput anguli.

℣. Tu es Petrus.

℟. Et super hanc petram aedificabo Ecclesiam meam.

℣. Gloria Patri, et Filio, et Spiritui sancto.

℟. Sicut erat in principio, et nunc, et semper, et in saecula saeculorum. Amen.

Oremus.

Domine Jesu Christe, Fili Dei vivi, qui es verus omnipotens Deus, splendor

et imago aeterni Patris et vita aeterna: qui es lapis angularis de monte sine manibus abscissus, et immutabile fundamentum: hunc lapidem collocandum in tuo nomine confirma; et tu, qui es principium et finis, in quo principio Deus Pater ab initio cuncta creavit, sis, quaesumus, principium, et incrementum et consummatio ipsius operis, quod debet ad laudem et gloriam tui nominis inchoari. Qui cum Patre et Spiritu sancto vivis et regnas Deus, per omnia saecula saeculorum. *¶ Amen.*

Tunc aspergit lapidem ipsum Aqua benedicta, et accepto cultro, per singulas partes sculpit in eum signum Crucis, dicens:

In nomine Pa *✠* tris, et Fi *✠* lii, et Spiritus *✠* Sancti. *¶ Amen.*

Quo facto dicitur:

Oremus.

Bene *✠* dic, Domine, creaturam istam lapidis et praesta per invocationem sancti tui Nominis: ut quicumque ad hanc Ecclesiam aedificandam pura mente auxilium dederint, corporis sanitatem et animae medelam percipiant. Per Christum Dominum nostrum. *¶ Amen.*

Postea dicantur Litaniae ordinariae (pag. 101.) sine Orationibus in fine positis: quibus dictis, parato caemento, et caementario assistente, Sacerdos inchoat, Clericis prosequentibus, Antiphonam:

Mane surgens Jacob, erigebat lapidem in titulum: fundens oleum desuper, votum vovit Domino: Vere locus iste sanctus est, et ego nesciebam.

Psalmus 126.

Nisi Dominus aedificaverit domum,* in vanum laboraverunt, qui aedificant eam.

Nisi Dominus custodierit civitatem,* frustra vigilat, qui custodit eam.

Vanum est vobis ante lucem surgere: * surgite postquam sederitis, qui manducatis panem doloris.




Cum dederit dilectis suis somnum: * ecce haereditas Domini filii: merces fructus ventris.

Sicut sagittae in manu potentis: * ita filii excussorum.

Beatus vir, qui implevit desiderium suum ex ipsis: * non confundetur, cum loquetur inimicis suis in porta.

Gloria Patri, etc.

Quo dicto, Sacerdos stans tangit, et ponit ipsum primarium lapidem in fundamento dicens:

In fide Jesu Christi collocamus Lapidem istum primarium in hoc fundamento, in nomine Pa  tris, et Fi  lii, et Spiritus  sancti, ut vigeat vera fides hic, et timor Dei, fraternaue dilectio; et sit hic locus destinatus orationi, et ad invocandum et laudandum nomen ejusdem Domini nostri Jesu Christi, qui cum Patre et Spiritu sancto vivit et regnat Deus per omnia saecula saeculorum. R. Amen.

Interim caementarius locat ipsum lapidem cum caemento: postea Sacerdos spargit super ipsum lapidem Aquam benedictam, dicens:

Asperges me, Domine, hyssopo, et mundabor: lavabis me, et super nivem dealbabor.

Psalm. 50. **Miserere mei, Deus,** p. 61. dicitur totus, cum **Gloria Patri.**

Quo dicto, Sacerdos spargit Aquam benedictam per omnia fundamenta, si sunt aperta: si vero non sunt aperta, circuit aspergendo fundamenta Ecclesiae designata. Et incipiens aspergere, inchoat Antiphonam, Clero prosequente.

Antiphona. O quam metuendus est locus iste! Vere non est hic aliud, nisi domus Dei, et porta coeli.

Psalmus 86.

Fundamenta ejus in montibus sanctis: * diligit Dominus portas Sion super omnia tabernacula Jacob.

Gloriosa dicta sunt de te, * civitas Dei.

Memor ero Rahab et Babylonis * scientium me.

Ecce alienigenae, et Tyrus, et populus Aethiopum, * hi fuerunt illic.

Numquid Sion dicet: Homo, et homo natus est in ea, * et ipse fundavit eam Altissimus?

Dominus narrabit in scripturis populorum, et principum: * horum, qui fuerunt in ea.


Sicut laetantium omnium, * habitatio est in te. Gloria Patri, etc.

Antiphona. O quam metuendus est locus iste! Vere non est hic aliud, nisi domus Dei, et porta coeli.

Interim aspergendo procedit usque ad fundamenta aperta, seu designata, et repetita Antiphona, stans dicit:

Oremus.

Ministri: Flectamus genua. **R.** Levate.

Omnipotens, et misericors Deus, qui Sacerdotibus tuis tantam prae ceteris gratiam contulisti, ut quidquid in tuo nomine, digne, perfecteque ab eis agitur, a te fieri credatur: quaesumus immensam clementiam tuam, ut quidquid modo visitaturi sumus, visites: et quidquid benedicturi sumus, bene  dicas: sitque ad nostrae humilitatis introitum, Sanctorum tuorum meritis, fuga daemonum, Angeli pacis ingressus. Per Christum Dominum nostrum. **R.** Amen.

Deus, qui ex omnium cohabitatione Sanctorum aeternum Majestati tuae condidit habitaculum: da aedificationi tuae incrementa coelestia: ut quod te jubente fundatur, te largiente perficiatur. Per Christum Dominum nostrum. **R.** Amen.

Si Episcopus celebret, utitur alia formula ut in Pontificali.

RITUS

BENEDICENDI NOVAM ECCLESIAM,

seu Oratorium publicum, ut ibi
Sanctissimum Missae Sacrificium
celebrari possit.

Sacerdos novam Ecclesiam de licentia Episcopi benedicturus, ut in ea Divinum Sacrificium Missae rite celebretur, stola ac pluviali albi coloris indutus, aliquot Sacerdotibus et Clericis adhibitis, praelata Cruce media inter duos Clericos deferentes cereos accensos, mane procedit ad primariam Ecclesiae, vel Oratorii januam: ubi stans capite operto, conversus ad eam, dicit absolute Orationem:

Actiones nostras, quaesumus Domine, aspirando praeveni, et adjuvando proseguere: ut cuncta nostra oratio et operatio a te semper incipiat, et per te coepta finiatur. Per Christum Dominum nostrum. *R.* Amen.

Deinde inchoat Antiphonam: Asperges me, etc. et Clerus alternatim dicit Psalm. 50. Miserere mei, etc. pag. 61. in fine Gloria Patri.

Interim circumdat exterius Ecclesiam (quae intus debet esse vacua et nuda, et pariter Altaria nuda, excluso populo, donec absoluta sit benedictio), et Sacerdos accepto aspergillo ex herba hyssopi, ad ejus dexteram se convertens, parietes Ecclesiae in superiori parte, et in fundamentis, cum Aqua benedicta aspergit, dicens:

Asperges me, Domine, hyssopo, et mundabor: lavabis me, et super nivem dealbabor.

Reversi ad locum, unde Processio initium habuit, repetita Antiphona a Clero, Sacerdos stans ut prius versus Ecclesiam, dicit:

**Oremus. Ministri: Flectamus genua.
P. Levate.**


Oratio.

Domine Deus, qui licet coelo et terra non capiaris, domum tuam dignaris habere in terris, ubi nomen tuum jugiter invocetur: locum hunc, quaesumus, beatæ Mariae semper Virginis, et beati N., omniumque Sanctorum intercedentibus meritis, sereno pietatis tuae intuitu visita, et per infusionem gratiae tuae ab omni inquinamento purifica, purificatum-

que conserva; et qui dilecti tui David devotionem in filii sui Salomonis opere complevisti, in hoc opere desideria nostra perficere digneris, effugiantque omnes hinc nequitiae spirituales. Per Dominum nostrum Jesum Christum Filium tuum: qui tecum vivit, et regnat in unitate Spiritus sancti Deus, per omnia saecula saeculorum. *R. Amen.*

Qua finita Oratione, omnes bini in Ecclesiam intrantes, ad Altare majus procedunt, Litanias (p. 101.) decantantes. Ubi dictum fuerit:

Ut omnibus fidelibus defunctis requiem aeternam donare digneris, Te rogamus, audi nos, surgit Sacerdos, et intelligibili voce dicit:

Ut hanc Ecclesiam, et Altare ad honorem tuum, et nomen Sancti tui N., purgare, et bene dicere digneris, Te rogamus, audi nos.

Cum dicit, **benedicere,** manu dextera benedicit Ecclesiam, et Altare: deinde, ut prius, genuflectit donec perficiantur Litaniae. et Cantores prosequuntur:

Ut nos exaudire digneris, Te rogamus, audi nos.

Fili Dei, Te rogamus, audi nos.

Agnus Dei, qui tollis etc.

Dicto ultimo. **Kyrie eleison**, Sacerdos stans, dicit:

Oremus. Ministri: Flectamus gēna. R. Levate.

Praeveniat nos, quaesumus Domine, misericordia tua: et intercedentibus omnibus Sanctis tuis, voces nostras clementia tuae propitiationis anticipet. Per Christum Dominum nostrum. R. Amen.

Tum distans ab Altari congruenti spatio genuflexus, et se signans, dicit: **Deus, in adjutorium meum intende, et statim surgit, Ciero respondente: Domine, ad adjuvandum me festina: ipse vero stans dicit: Gloria Patri, et Filio, et Spiritui sancto. Chorus respondet: Sicut erat in principio, et nunc, et semper, et in saecula saeculorum. Amen.**

Postea Sacerdos dicit: **Oremus. Ministri: Flectamus gēna. R. Levate.**

Oratio.

Omnipotens, et misericors Deus, qui Sacerdotibus tuis tantam prae ceteris gratiam contulisti, ut quidquid in tuo nomine digne, perfecteque ab eis agitur, a te fieri credatur: quaesumus immensam clementiam tuam, ut quidquid modo visitaturi sumus, visites; et quidquid benedicturi sumus, bene ✠ dicas: sitque

ad nostrae humilitatis introitum, Sanctorum tuorum meritis, fuga daemonum, Angeli pacis ingressus. Per Dominum nostrum etc. R. Amen.

His dictis, inchoat Antiphonam :

Benedic, Domine, domum istam nomini tuo aedificatam cum tribus Psalmis sequentibus, videlicet.

Psalmus 119.

Ad Dominum, cum tribularer, clamavi: * et exaudivit me.

Domine, libera animam meam a labiis iniquis, * et a lingua dolosa.

Quid detur tibi, aut quid apponatur tibi, * ad linguam dolosam.

Sagittae potentis acutae, * cum carbonibus desolatoriis.

Heu mihi, quia incolatus meus prolongatus est: Habitavi cum habitantibus Cedar: * multum incola fuit anima mea.

Cum his, qui oderunt pacem, eram pacificus: * cum loquebar illis, impugnabant me gratis. Gloria Patri, etc.

Psalmus 120.

Levavi oculos meos in montes, * unde veniet auxilium mihi.

Auxilium meum a Domino, * qui fecit coelum et terram.

Non det in commotionem pedem tuum : * neque dormitet, qui custodit te.

Ecce non dormitabit, neque dormiet, * qui custodit Israel.

Dominus custodit te, Dominus protectio tua, * super manum dexteram tuam.

Per diem sol non uret te, * neque luna per noctem.

Dominus custodit te ab omni malo: * custodiat animam tuam Dominus.

Dominus custodiat introitum tuum, et exitum tuum: * ex hoc nunc et usque in saeculum. Gloria Patri, etc.

Psalmus 121.

Laetatus sum in his, quae dicta sunt mihi * in domum Domini ibimus.

Stans erant pedes nostri, * in atriis tuis, Jerusalem.

Jerusalem, quae aedificatur ut civitas: * cujus participatio ejus in idipsum.

Illuc enim ascenderunt tribus, tribus Domini: * testimonium Israel ad confitendum nomini Domini.

Quia illic sederunt sedes in iudicio, * sedes super domum David.

Rogate, quae ad pacem sunt Jerusalem: * et abundantia diligentibus te.

Fiat pax in virtute tua: * et abundantia in turribus tuis.

Propter fratres meos, et proximos meos, * loquebar pacem de te.

Propter domum Domini Dei nostri, * quaesivi bona tibi. Gloria Patri, etc.

Antiphona. Benedic, Domine, domum istam nomini tuo aedificatam.

Interim aspergit interius parietes in parte superiori et inferiori, inchoans aspersionem a parte Evangelii, dicens:

Asperges me, etc. tum ad Altare reversus, dicit:

Oremus. Ministri: Flectamus genua. R. Levate.

Deus, qui loca nomini tuo dicanda sanctificas, effunde super hanc orationis domum gratiam tuam: ut ab omnibus hic nomen tuum invocantibus auxilium tuae misericordiae sentiatur. Per Dominum nostrum. R. Amen.

His peractis, dicitur Missa de tempore occurrenti, vel de Sancto.

Ecclesia vero, quamvis a simplici Sacerdote, ut supra, sit benedicta, ab Episcopo tamen consecranda est.

RITUS

**BENEDICENDI NOVUM COEMETERIUM
PER SACERDOTEM AB EPISCOPO
DELEGATUM.**

Pridie quam fiat benedictio, ponitur in medio Coemeterii benedicendi lignea Crux, alta ad staturam hominis, et ante ipsam Crucem in terra figitur paxillus tridens ligneus altus ad cubitum unum, aptus ad affigendum illi tres candelas.

Sequenti die mane Sacerdos in Sacristia paratus amictu, alba, cingulo, stola, ac pluviali albi coloris, adhibitis aliquot Sacerdotibus et Clericis indutis superpelliceis, qui deferant vasculum Aquae benedictae, aspergillum, et thuribulum cum incensi navicula, et hoc Rituali libro, et tribus candelis cereis, procedit ad Coemeterium benedicendum, ante Crucem in medio positam, et affiguntur, ac accenduntur tres candelae super ligneum paxillum: et Sacerdos ante Crucem et candelas stans, discooperto capite, dicit:

Oremus.

Omnipotens Deus, qui es custos animarum, et tutela salutis, fides creden-

tium: respice propitius ad nostrae servitutis officium, et ad introitum nostrum purget, bene ✠ dicatur, et sancti ✠ fice-
tur hoc Coemeterium, ut humana corpora hic post vitae cursum quiescentia, in magno iudicii die simul cum felicibus animabus mereantur adipisci vitae perennis gaudia. Per Christum Dominum nostrum. **A. Amen.**

Mox ante ipsam Crucem omnes genibus flexis dicunt Litanias ordinarias (pag. 101.). incipiente Cantore, ceteris respondentibus: et cum dictum fuerit: **Ut omnibus fidelibus defunctis requiem aeternam donare digneris, Te rogamus, audi nos,** Sacerdos surgit, et clara voce dicit, producens manu signum Crucis:

Ut hoc Coemeterium purgare, et bene ✠ dicere digneris, Te rogamus, audi nos.

Deinde Sacerdos, ut prius, genuflectit, et Litaniae perficiuntur. Quibus finitis, surgunt omnes, et Sacerdos Crucem aspergit Aqua benedicta, dicens Antiphonam:

Asperges me, Domine, hyssopo, et mundabor: lavabis me, et super nivem dealbabor. Psalm. **Miserere,** pag. 61., dicitur totus ab adstantibus, cum **Gloria**

Patri. Quo dicto, repetitur Antiphona. Dum dicitur Psalmus, Sacerdos circuit, et perambulat totum Coemeterium, incipiens ab ejus dextera, aspergens ubique Aqua benedicta: quo facto, redit ante Crucem, et ad ipsam respiciens, dicit:

Oremus.

Deus, qui es totius orbis conditor, et humani generis Redemptor, cunctarumque creaturarum visibilium et invisibilium perfectus dispositor: te supplici voce, ac puro corde exposcimus, ut hoc Coemeterium, in quo famulorum famularumque tuarum corpora quiescere debent, post curricula hujus vitae labentia, purificare, benedicere, et sanctificare digneris: quique remissionem omnium peccatorum per tuam magnam misericordiam in te confidentibus praestitisti, corporibus quoque eorum in hoc Coemeterio, quiescentibus, et tubam primi Archangeli expectantibus, consolationem perpetuam largire impertire. Per Christum Dominum nostrum. R. Amen.

Tunc figit in summitate Crucis unam ex tribus candelis ardentibus, et alias duas similiter ardentes in duobus bra-

chiis ejusdem Crucis. Deinde incensat ipsam Crucem, et aspergens Aqua benedicta, redit cum ministris in sacrificium.

Si Episcopus celebret, utitur alia formula ut in Pontificali.

MODUS

Excipiendi Professionem fidei catholicae a Neo-Convertis, juxta formam a S. Congregatione S. Officii, die 20. Julii 1859. praescriptam.

In conversione haereticorum inquirendum est primo de validitate baptismi in haeresi suscepti. Instituto igitur diligenti examine, si compertum fuerit, aut nullum, aut nulliter collatum fuisse, baptizandi erunt absolute. Si autem, investigatione peracta, adhuc probabile dubium de baptismi validitate supersit, tunc sub conditione iteratur, juxta ordinem baptismi Adultorum. Demum, si constiterit validum fuisse, recipiendi erunt tantummodo ad abjuratorem, seu professionem fidei. Triplex igitur in conciliandis haereticis distinguitur procedendi methodus:

1. Si baptismus absolute conferatur nulla sequitur abjuratio, nec absolutio eo quod omnia abluit sacramentum regenerationis.

2. Si baptismus sit sub conditione iterandus, hoc ordine procedendum erit:

1°. Abjuratio, seu fidei professio; 2°. Baptismus conditionalis; 3°. Confessio sacramentalis cum absolutione conditionata.

3. Quando denique validum iudicatum fuerit baptisma, sola recipitur abjuratio seu fidei professio, quam absolutio a censuris sequitur. Si tamen nonnunquam ejusmodi Neo-conversus valde desideret ut ritus in ejus baptismo olim omissi, hac occasione suppleantur, Sacerdos huic pio ejus voto morem gerere utique liberum habet. Debet tamen in tali casu adhibere ordinem baptismi Adultorum, et mutare mutanda ob baptismum jam valide susceptum.

Sacerdos superpelliceo et stola violacei coloris indutus sedet in cornu Epistolae (si Ss. Sacramentum asservetur in tabernaculo) sin minus in medio Altaris, et coram illo genuflectit Neo-conversus; qui codicem Evangelii dextra manu tangens, emittit professionem fidei, prout

inferius habetur: vel si nesciat legere, Sacerdos praelegit eidem taide professionem, ut Conversus eandem intelligere, et cum Sacerdote distinctis verbis pronuntiare possit.

PROFESSION OF FAITH.

I, N. N., having before my eyes the holy Gospels, which I touch with my hand, and knowing that no one can be saved without that faith which the Holy Catholic Apostolic Roman Church holds, believes and teaches, against which I grieve that I have greatly erred, inasmuch as I have held and believed doctrines opposed to her teaching.

I now, with grief and contrition for my past errors, profess that I believe the Holy Catholic Apostolic Roman Church to be the only and true Church established on earth by Jesus Christ, to which I submit myself with my whole heart. I believe all the articles that she proposes to my belief, and I reject and condemns, and I am ready to observe all that she commands me. And especially, I profess that I believe:

One only God in three divine Per-

sons, distinct from, and equal to, each other—that is to say, the Father, the Son, and the Holy Ghost;

The Catholic doctrine of the Incarnation, Passion, Death, and Resurrection of our Lord Jesus Christ; and the personal union of the two Natures, the divine and the human; the divine Maternity of the most holy Mary, together with her most spotless Virginity;

The true, real, and substantial presence of the Body and Blood, together with the Soul and Divinity of our Lord Jesus Christ, in the most holy Sacrament of the Eucharist;

The seven Sacraments instituted by Jesus Christ for the salvation of mankind; that is to say, Baptism, Confirmation, Eucharist, Penance, Extreme unction, Order, Matrimony;

Purgatory, the Resurrection of the dead, Everlasting life;

The Primacy, not only of honour, but also of jurisdiction of the Roman Pontiff, successor of St. Peter, Prince of the Apostles, Vicar of Jesus Christ;

The veneration of the Saints, and of their images;

The authority of the Apostolic and

Ecclesiastical Traditions, and of the Holy Scriptures, which we must interpret, and understand only in the sense which our holy mother the Catholic Church has held, and does hold ;

And every thing else that has been defined, and declared by the sacred Canons, and by the General Councils, especially by the holy Council of Trent.

With a sincere heart, therefore, and with unfeigned faith, I detest and abjure every error, heresy, and sect opposed to the said Holy Catholic and Apostolic Roman Church. So help me God, and these his holy Gospels, which I touch with my hand.

GLAUBENSBEKENNTNISS.

Angesichts der heiligen Evangelien, die ich mit meiner Hand berühre, und mit der Ueberzeugung, dass Niemand ohne den Glauben selig werden kann, welchen die heilige, katholische, apostolische römische Kirche bewahrt, glaubt und lehrt, und gegen welchen ich — was ich jetzt bereue — sehr gefehlt habe, indem ich Lehren behauptete und glaubte, die ihrer Lehre zuwider waren —

bekenne ich N. Jetzt mit Schmerz und Reue über meine früheren Irrthümer, dass ich glaube, dass die heilige, katholische, apostolische römische Kirche die einzige und wahre Kirche ist, die Christus auf Erden gestiftet hat; und ihr unterwerfe ich mich mit ganzem Herzen. Ich glaube alle Artikel, welche sie zu glauben vorstellt, und verwerfe und verdamme alles das, was sie verwirft und verdammt, und ich bin bereit alles zu halten, was sie mir befiehlt.

Ich glaube an Einen einzigen Gott in drei göttlichen Personen, die von einander unterschieden und einander gleich sind, nämlich: an den Vater, den Sohn und den heiligen Geist.

Ferner glaube ich die katholische Lehre von der Menschwerdung, dem Leiden, Sterben und der Auferstehung unseres Herrn Jesu Christi; die Vereinigung der beiden Naturen, der göttlichen und menschlichen, in Einer Person; die göttliche Mutterschaft der seligsten Maria, sowie ihre mackellose Jungfrauschaft.

Die wahre, wirkliche und wesentliche Gegenwart des Leibes und Blutes unseres Herrn Jesu Christi, sammt Sei-

ner Seele und Gottheit, im allerheiligsten Sacramente des Altares.

Die sieben Sacramente, die Christus zur Seligmachung des Menschengeschlechtes eingesetzt hat, nämlich: die Taufe, die Firmung, das heilige Altars-Sacrament, die Busse, die letzte Oelung, die Weihe und die Ehe.

Ich glaube an das Fegfeuer, an die Auferstehung der Todten und an das ewige Leben.

An den Primat (Vorrang) des Römischen Papstes, als Nachfolgers des heiligen Petrus, des Apostelfürsten und Stellvertreters Jesu Christi, nicht nur der Ehre, sondern auch der geistlichen Gewalt nach.

Die Verehrung der Heiligen, und ihrer Bildnisse.

Die Auctorität der apostolischen und kirchlichen Ueberlieferungen, sowie der heiligen Schrift, welche wir in keinem anderen Sinne auslegen und verstehen dürfen, als in jenem, in welchem es unsere heilige Mutter, die katholische Kirche gethan hat und annoch thut.

Endlich glaube ich Alles, was durch die heiligen Canones, durch die allgemeinen Kirchenversammlungen, und be-

sonders das heilige Concilium von Trient festgesetzt und erklärt worden ist.

Mit aufrichtigem Herzen und ungeheucheltem Glauben verabscheue ich daher und schwöre ab jeglichem Irrthum, jeglicher Ketzerei und Secte, welche der besagten heiligen, katholischen und apostolischen römischen Kirche entgegen sind.

So wahr mir Gott helfe und diese Seine heiligen Evangelien, die ich mit der Hand berühre.

Postea. Neo-converso genuflexo manente, Sacerdos sedens dicit Psalmum **Miserere**, sive psalmum **De profundis** cum **Gloria Patri** in fine.

Psalmum 50.

Miserere mei Deus: * secundum magnam misericordiam tuam.

Et secundum multitudinem miserationum tuarum: * dele iniquitatem meam.

Amplius lava me ab iniquitate mea: * et a peccato meo munda me.

Quoniam iniquitatem meam ego cognosco: * et peccatum meum contra me est semper.

Tibi soli peccavi, et malum coram

•

te feci: * ut justificeris in sermonibus tuis, et vincas cum judicaris.

Ecce enim in iniquitatibus conceptus sum: * et in peccatis concepit me mater mea.

Ecce enim veritatem dilexisti: * incerta et occulta sapientiae tuae manifestasti mihi.

Asperges me hyssopo, et mundabor: * lavabis me et super nivem dealbabor.

Auditui meo dabis gaudium et laetitia: * et exultabunt ossa humiliata.

Averte faciem tuam a peccatis meis: * et omnes iniquitates meas dele.

Cor mundum crea in me Deus: * et spiritum rectum innova in visceribus meis.

Ne projicias me a facie tua: * et Spiritum sanctum tuum ne auferas a me.

Redde mihi laetitiam salutaris tui: * et spiritu principali confirma me.

Docebo iniquos vias tuas: * et impii ad te convertentur.

Libera me de sanguinibus Deus, Deus salutis meae: * et exultabit lingua mea justitiam tuam.

Domine labia mea aperies: * et os meum annuntiabit laudem tuam.

Quoniam si voluisses sacrificium, de-

dissem utique: * holocaustis non delectaberis.

Sacrificium Deo spiritus contribulatus: * cor contritum et humiliatum, Deus, non despicies.

Benigne fac, Domine, in bona voluntate tua Sion: * ut aedificentur muri Jerusalem.

Tunc acceptabis sacrificium justitiae, oblationes, et holocausta: * tunc imponent super altare tuum vitulos.

Gloria Patri, et Filio, * et Spiritui sancto.

Sicut erat in principio, et nunc, et semper, * et in saecula saeculorum. Amen.

Vel

Psalmus 129.

De profundis clamavi ad te Domine: * Domine exaudi vocem meam.

Fiant aures tuae intendentes: * in vocem deprecationis meae.

Si iniquitates observaveris Domine: * Domine quis sustinebit?

Quia apud te propitiatio est: * et propter legem tuam sustinui te Domine.

Sustinuit anima mea in verbo ejus: * speravit anima mea in Domino.

A custodia matutina usque ad noctem, * speret Israel in Domino.

Quia apud Dominum misericordia; * et copiosa apud eum redemptio.

Et ipse redimet Israel * ex omnibus iniquitatibus ejus.

Gloria Patri, et Filio, * et Spiritui sancto.

Sicut erat in principio, et nunc, et semper, * et in saecula saeculorum. Amen.

Quo finito. Sacerdos stans dicit:

Kyrie eleison. Christe eleison. Kyrie eleison.

Pater noster, secreto.

V. Et ne nos inducas in tentationem.

R. Sed libera nos a malo.

V. Salvum fac servum tuum (vel ancillam tuam).

R. Deus meus sperantem in te.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

OREMUS.

Deus, cui proprium est misereri semper et parcere; suscipe deprecationem

nostram, ut hunc famulum tuum (hanc famulam tuam) quem (quam) excommunicationis catena costringit, miseratio tuae pietatis clementer absolvat. Per Dominum nostrum Jesum Christum Filium tuum: qui tecum vivit et regnat in unitate Spiritus sancti Deus, per omnia saecula saeculorum. **R. Amen.**

Deinde Sacerdos sedet, et ad Profitentem genuflexum versus, eum ab haeresi absolvit dicens:

Auctoritate apostolica, qua fungor in hac parte, absolvo te a vinculo excommunicationis quam(*) incurristi, et restituo te sacrosanctis Ecclesiae sacramentis, communioni et unitati fidelium in nomine Patris et Filii et Spiritus sancti. R. Amen.

Denique abjuranti aliquam Poenitentiam salutarem injungat, e. g. aliquas preces, visitare Ecclesiam, aut similia.

() In dubio gravi aut levi utrum poenitens excommunicationem incurrerit per haeresim professam, Sacerdos hic inserat vocabulum forsán.*

MODUS

ASSISTENDI MATRIMONIIS MIXTIS.

(In ineundis istiusmodi nuptiis, Ecclesia ea generatim omittenda indixit, per quae Catholicorum Matrimonia decorantur, inclusis etiam proclamationibus. Quod autem ex occasione Decreti tertii Concilii Provincialis Baltimorensis VI S. Congregatione de Propaganda Fide rescriptum fuisse legitur, nempe ut fiant proclamationes etiam quando agitur de matrimoniis mixtis, id in epistolam, amanuensis incuria, mendose irrepsisse declaravit ejusdem S. Congregationis Secretarius.)

MIXED MARRIAGES

When it is allowed by dispensation to join in matrimony a Catholic with one who is not a Catholic, the Priest should previously ascertain that the non-catholic party has been baptized; (*) or, of the party be not baptized, he should procure the necessary dispensation. He should also see, that the religious liberty of the Catholic, and the catholic education of the offspring of both sexes be

secured. These matters should be attended to some days before the marriage, in order to avoid pain and disappointment. When the marriage is to be performed, the Priest questions the bridegroom:

N. wilt thou take N. here present for thy lawful wife?

He answers: **I will.**

Q. N. wilt thou take N. here present for thy lawful husband? A. I will.

They join their right hands together; then the bridegroom says.

I take thee, N. for my lawful wife from this day forward for better for worse, for richer for poorer, in sickness and in health, until death do us part.

She says: **I take thee, N. for my lawful husband from this day, etc. as above.**

The bridegroom then puts the ring on the left hand of the bride.

The Priest then addresses the parties in such words as he may think proper, reminding them of the indissoluble nature of the marriage bond, of the holiness which becomes the married state, of the mutual harmony and affection which they should cherish, and of

the earnestness wherewith they should seek to know the will of God. and to fulfil it unto salvation.

(*) *Sanctissimus in Audientia habita die 20. Dec. 1837. audita relatione dubii, utrum scilicet, in praesumptione baptismi invalide collati parti haereticae matrimonium cum parte Catholica a Sede Apostolica dispensata inire cupienti, conferri debeat iterum baptismus sub conditione, dixit:*

Detur Decretum latum die 17. Septembris 1830. ut sequitur. (Quaesitum erat) an Calvinistae et Lutherani in illis partibus degentes, quorum baptismus dubium et suspectum est, infideles habendi sint, ita ut inter eos et Catholicos disparitatis cultus impedimentum dirimens adesse censeatur? Cui instantiae responsum fuit:

- 1. Quoad haereticos, quorum secta ritualia praescribunt collationem baptismi absque necessario usu materiae et formae essentialis, debet examinari casus particularis.*
- 2. Quoad alios, qui juxta eorum ritualia baptizant valide, validum censendum esse baptismum. Quod si dubium persistat, etiam in primo casu, censendum est validum baptismum in ordine ad validitatem, ma-*

MANDATUM

ILLMI AC REVM ARCHIEP. BALTIM.

Ut in iis, quae juxta hujus Provinciae receptum ritum, normae pro matrimonio celebrando adjiciuntur uniformiter habeatur, injungimus, ut omnes hujus Dioeceseos Sacerdotes formulis, quae sequuntur, tantum in posterum utantur.

1. Post praestitum a sponsis consensum mutuum, manibus dexteris junctis, primum sponsus, deinde sponsa clara voce hisce utitur verbis:

I. **N. N.** take thee **N. N.** for my lawful wife (husband), to have and to hold from this day forward, for better for worse for richer for poorer, in sickness and in health, till death do us part.

trimonii. 3. Si autem certe cognoscatur nullum baptisma ex consuetudine actuali illius sectae, nullum est matrimonium. — Hisque omnibus Ssmus superaddi mandavit: in tertio casu praefati decreti respiciente nullitatem certam baptismi in parte haeretica, recurratur in casibus particularibus.

2. Deinde Sacerdos dicit: **Ego conjungo vos, etc.**

3. Dum sponsae digito annulum imponit, sponsus dicit:

With this ring I thee wed, and I plight unto thee my truth, in the name of the Father, and of the Son, and of the Holy Ghost. Amen.

4. In matrimoniis mixtis servantur, quae in parvo Ritualis compendio (vide supra pag. 248) continentur: sed post recitatam formulam contractus, poterit dicere Sacerdos:

By the authority committed to me, I pronounce you united in the bonds of matrimony;

Et dum imponitur annulus, sponsus ad sponsam:

With this ring I thee wed, and I plight unto thee my truth.

5. Inseratur hoc folium Ritualis Compendio, in loco.

Datum Baltimorae,
in Festo Paschatis Domini, 1867.

MARTINUS JOANNES SPALDING,
Arch. Baltim.

FORMULA BREVIS

Conficiendae Aquae Baptismalis, praescripta a Concilio Baltimorensi Provinciali primo, et a Pio VIII approbata, ad usum Missionariorum Americae Septemtrionalis.

BENEDICTIO FONTIS, SEU AQUAE BAPTISMALIS.

Exorcizo te, creatura aquae, in nomine Dei Patris omnipotentis ✠ et in nomine Jesu Christi ✠ Filii ejus Domini nostri, et in virtute Spiritus ✠ sancti. Exorcizo te, omnis virtus adversarii diaboli; ut omnis phantasia eradicetur, ac effugetur ab hac creatura aquae, et fiat fons aquae salientis in vitam aeternam, ut qui ex ea baptizati fuerint, fiant templum Dei vivi, et Spiritus sanctus habitet in eis in remissionem peccatorum: in nomine Domini nostri Jesu Christi, qui venturus est judicare vivos et mortuos, et saeculum per ignem.

℟. Amen.

Oremus.

Domine sancte, Pater omnipotens, aeterne Deus, aquarum spiritualium

sanctificator, te suppliciter deprecamur, ut hoc ministerium humilitatis nostrae respicere digneris, et super has aquas, ablundis et vivificandis hominibus prae-paratas, Angelum sanctitatis emittas, ut peccatis prioris vitae ablutis, reatu-que deterso, purum sacramento Spiritui ha-bitaculum regenerationibus procuret. Per Christum Dominum nostrum. R. Amen.

Infundat deinceps Sanctum Oleum in aquam, in modum Crucis, dicens:

Conjunctio Olei unctionis, et aquae Baptismatis sanctificetur et foecundetur. In nomine Pa-tris, et Fi-lii, et Spi-ritus sancti. R. Amen.

Deinde Chrisma aquae infundat in modum Crucis, et dicat:

Conjunctio Chrismatis sanctificationis et Olei unctionis, et aquae Baptismatis, sanctificetur et foecundetur. In nomine Pa-tris, et Fi-lii, et Spiritus sancti. R. Amen.

Denique dicat. benedicens ipsam aquam:

Sanctificetur et foecundetur Fons iste et ex eo renascentes. In nomine Pa-tris, et Fi-lii, et Spiritus sancti.

R. Amen.

PRAEPARATIO

AD SACROSANCTUM MISSAE SACRIFICIUM.

In Nomine Patris et Filii et Spiritus sancti, Amen.

O Jesu, Maria, Joseph! vobis offero in sacrificium matutinum Cor et animam meam: Deus Deus meus, ad te de luce vigilo; sitivit in te anima mea, quam multipliciter tibi caro mea. Paratum cor meum Deus, paratum cor meum, ut per me impleatur hodie et omni tempore sanctissima voluntas tua. Amen.

Pater Noster, Ave Maria et Credo.

ACTUS FIDEI, SPEI, CHARITATIS, CONTRITIONIS ET PROPOSITI.

Deus caeli et terrae! ego N. indignus famulus tuus credo in te Deum meum! vivum et verum, Trinum in Personis! Unum in Deitate! Credo in Deum Patrem Creatorem! Filium Redemptorem! Spiritum sanctum Sanctificatorem meum! Credo et confiteor fidem illam sanctissimam, quam Jesus-Christus docuit! quam Apo-

stoli praedicarunt! quam Sancta Romana Catholica tenet Ecclesia! et in hac sancta salvifica Fide protestor me vivere et mori velle! quia tu Deus illam revelasti! qui ut omniscius nec falli, nec ut aeterna veritas, fallere potes.

Spero in misericordia tua infinita, o Deus! auxiliator unice et potentissime corporis et animae meae, et spero in pretioso Sanguine Jesu Christi Salvatoris mei, cum tanta charitate pro me fusol quod remissurus mihi sis omnia et singula peccata totius vitae meae! et daturus mihi vitam aeternam! quia promisti, et fidelis ac omnipotens es in tuis promissis adimplendis.

Amo te o amabilissime Deus! summum et infinitum Bonum! Abyssum omnis perfectionis! Amo te propter tuam solam essentiam et intrinsecam bonitatem, pulchritudinem et amabilitatem! Amo te, quia es, qui es, omni possibili amore et honore dignissimus! atque utinam te amare possem omni illo ardentissimo amore, quo te amant, et in aeternum amabunt omnes Sancti Angeli, et Beati in Caelo! quo te amant, et amare possunt omnes creaturae actuales et possibiles in terra! Cum quorum omnium

ardentissimo amore conjungo imperfectissimum amorem meum.

Et ex hoc conjuncto ardentissimo tui amore, o Deus! te offensum ex animo doleo, abominor, execror, et retracto omnia et singula peccata totius vitae meae! utinam mi Deus! utinam facere possem! ut ea nunquam fecissem! malo mori! quam te o amantissime Deus! posthac ullo unquam peccato, praesertim mortali offendere.

Propono item, cum praemissa frequentius Sacramentali Confessione Sacro-Sanctum Missae Sacrificium, quotidie nisi legitime impeditus, celebrare: desidero etiam quandocumque divinae tuae voluntati me ex hac vita evocare placitum fuerit, non aliter, quam sacro corporis tui viatico munitus decedere: da mihi gratiam tuam mi Deus! Ut haec sanctissima mysteria, semper in vita, et praesertim in morte digne obire valeam.

Tu quoque Sanctissima Virgo Mater Dei et mea, ora pro me nunc, et in hora mortis meae. Amen.

Ex concessione Benedicti XIII Pontificis Maximi anno 1728 quisque lucratur septem annorum Indulgentias. quo-

tiescunque praedictos actus elicuerit. et si hoc quispiam per mensem quotidie continuaverit, semel confessus fuerit. et communicaverit, lucratur non tantum pro tunc, sed etiam pro hora mortis Indulgentias, quas quisque vel sibi ipsi, vel animabus in purgatorio applicare potest

Deinde

Ne reminiscaris, Domine delicta nostra, vel Parentum nostrorum, neque vindictam sumas de peccatis nostris. (Tempore Pasch Alleluja.)

In festis duplicibus tantum duplicatur.

Psalm. 83.

Quam dilecta tabernacula tua Domine virtutum: concupiscit, et deficit anima mea in atria Domini.

Cor meum, et caro mea exultaverunt in Deum vivum.

Etenim passer invenit sibi domum: et turtur nidum sibi, ubi ponat pullos suos.

Altaria tua Domine virtutum: rex meus, et Deus meus.

Beati, qui habitant in domo tua Domine: in saecula saeculorum laudabunt te.

Beatus vir, cujus est auxilium abs te: ascensiones in corde suo disposuit, in valle lacrymarum in loco, quem posuit.

Etenim benedictionem dabit legislator, ibunt de virtute in virtutem: videbitur Deus deorum in Sion.

Domine Deus virtutum exaudi orationem meam: auribus percipe Deus Jacob.

Protector noster aspice Deus: et respice in faciem Christi tui.

Quia melior est dies una in atriis tuis; super millia.

Elegi abjectus esse in domo Dei mei; magis quam habitare in tabernaculis peccatorum.

Quia misericordiam, et veritatem diligit Deus: gratiam, et gloriam dabit Dominus.

Non privabit bonis eos, qui ambulant in innocentia: Domine virtutum, beatus homo qui sperat in te.

Gloria Patri etc.

Psalmus 84.

Benedixisti Domine terram tuam: avertisti captivitatem Jacob.

Remisisti iniquitatem plebis tuae: operuisti omnia peccata eorum.

*

Mitigasti omnem iram tuam: avertisti ab ira indignationis tuae.

Converte nos Deus salutaris noster: et averte iram tuam a nobis.

Numquid in aeternum irasceris nobis? aut extends iram tuam a generatione in generationem?

Deus tu conversus vivificabi. nos: et plebs tua laetabitur in te.

Ostende nobis Domine misericordiam tuam: et salutare tuum da nobis.

Audiam quid loquatur in me Dominus Deus: quoniam loquetur pacem in plebem suam.

Et super sanctos suos: et in eos, qui convertuntur ad cor.

Verumtamen prope timentes eum salutare ipsius: ut inhabitet gloria in terra nostra.

Misericordia, et veritas obviaverunt sibi: justitia, et pax osculatae sunt.

Veritas de terra orta est: et justitia de coelo prospexit.

Etenim Dominus dabit benignitatem; et terra nostra dabit fructum suum.

Justitia ante eum ambulabit: et ponet in via gressus suos.

Gloria Patri etc.

Psalmus 85.

Inclina Domine aurem tuam, et exaudi me: quoniam inops, et pauper sum ego.

Custodi animam meam, quoniam sanctus sum: salvum fac servum tuum, Deus meus, sperantem in te.

Miserere mei Domine, quoniam ad te clamavi tota die: laetifica animam servi tui, quoniam ad te Domine animam meam levavi.

Quoniam tu Domine suavis, et mitis, et multae misericordiae omnibus invocantibus te.

Auribus percipe Domine orationem meam: et intende voci deprecationis meae.

In die tribulationis meae clamavi ad te: quia exaudisti me.

Non est similis tui in diis Domine: et non est secundum opera tua.

Omnes gentes quascumque fecisti, venient, et adorabunt coram te Domine: et glorificabunt nomen tuum.

Quoniam magnus es tu, et faciens mirabilia: tu es Deus solus.

Deduc me Domine in via tua, et ingrediar in veritate tua: laetetur cor meum ut timeat nomen tuum.

Confitebor tibi Domine Deus meus in toto corde meo, et glorificabo nomen tuum in aeternum.

Quia misericordia tua magna est super me: et eruisti animam meam ex inferno inferiori.

Deus, iniqui insurrexerunt super me, et synagoga potentium quaesierunt animam meam: et non proposuerunt te in conspectu suo.

Et tu Domine Deus miserator et misericors, patiens, et multae misericordiae, et verax.

Respice in me, et miserere mei, da imperium puero tuo: et salvum fac filium ancillae tuae.

Fac mecum signum in bonum, ut videant qui oderunt me, et confundantur: quoniam tu Domine adjuvisti me, et consolatus es me.

Gloria Patri etc.

Psalmus 115.

Credidi, propter quod locutus sum: ego autem humiliatus sum nimis.

Ego dixi in excessu meo: Omnis homo mendax.

Quid retribuam Domino, pro omnibus, quae retribuit mihi?

Calicem salutaris accipiam: et nomen Domini invocabo.

Vota mea Domino reddam coram omni populo ejus: pretiosa in conspectu Domini mors sanctorum ejus.

O Domine quia ego servus tuus: ego servus tuus, et filius ancillae tuae.

Dirupisti vincula mea: tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus: in atriis domus Domini, in medio tui Jerusalem.

Gloria Patri etc.

Psalmus 129.

De profundis clamavi ad te Domine: Domine exaudi vocem meam:

Fiant aures tuae intendentes, in vocem deprecationis meae.

Si iniquitates observaveris Domine: Domine quis sustinebit?

Quia apud te propitiatio est: et propter legem tuam sustinui te Domine.

Sustinuit anima mea in verbo ejus: speravit anima mea in Domino.

A custodia matutina usque ad noctem: speret Israel in Domino.

Quia apud Dominum misericordia: et
copiosa apud eum redemptio.

Et ipse redimet Israel, ex omnibus
iniquitatibus ejus.

Gloria Patri etc.

Deinde repetitur Antiphona: Ne re-
miniscaris.

Postea sacerdos dicit:

Kyrie eleison. Christe eleison. Kyrie
eleison.

Pater noster, secreto.

¶. Et ne nos inducas in tentationem.

¶. Sed libera nos a malo.

¶. Ego dixi Domine miserere mei.

¶. Sana animam meam, quia peccavi
tibi.

¶. Convertere Domine aliquantulum.

¶. Et deprecare super servos tuos.

¶. Fiat misericordia tua Domine su-
per nos.

¶. Quemadmodum speravimus in te.

¶. Sacerdotes tui induantur justi-
tiam.

¶. Et sancti tui exultent.

¶. Ab occultis meis munda me Dñe.

¶. Et ab alienis parce servo tuo.

¶. Domine exaudi orationem meam.

¶. Et clamor meus ad te veniat.

†. Dominus vobiscum.

‡. Et cum spiritu tuo.

Oremus.

Aures tuae pietatis, mitissime Deus, inclina precibus nostris, et gratia sancti Spiritus illumina cor nostrum: ut tuis mysteriis digne ministrare, teque aeterna charitate diligere mereamur.

Deus, cui omne cor patet, et omnis voluntas loquitur, et quem nullum latet secretum: purifica per infusionem sancti Spiritus cogitationes cordis nostri: ut te perfecte diligere, et digne laudare mereamur.

Ure igne sancti Spiritus renes nostros, et cor nostrum, Domine; ut tibi casto corpore serviamus, et mundo corde placeamus.

Mentes nostras, quaesumus Domine, Paraclitus, qui a Te procedit, illuminet, et inducat in omnem, sicut tuus promisit Filius, veritatem.

Adsit nobis, quaesumus Domine, virtus Spiritus sancti: quae et corda nostra clementer expurget, et ab omnibus tueatur adversis.

Deus, qui corda fidelium sancti Spiritus illustratione docuisti: da nobis in

eodem Spiritu recta sapere, et de ejus semper consolatione gaudere.

Conscientias nostras, quaesumus Domine, visitando purifica: ut veniens Dominus noster Jesus Christus Filius tuus, paratam sibi in nobis inveniat mansionem. Qui tecum vivit, et regnat in unitate Spiritus sancti Deus, per omnia saecula saeculorum. Amen.

Memento Vivorum.

I. Mei parentum, fratrum, sororum, consanguineorum, et amicorum meorum.

II. Omnium, quibus fui gravamen, scandalum, et occasio peccandi.

III. Omnium benefactorum meorum in spiritualibus, et temporalibus.

IV. Omnium mihi commissorum in genere, et in specie.

V. Omnium sacerdotum, et ministrorum ecclesiae Dei catholicae.

VI. Omnium inimicorum meorum ad dimissionem.

VII. Omnium haereticorum, et infidelium, ad conversionem.

VIII. Omnium, pro quibus vis, et scis me debere orare.

Memento etiam Mortuorum.

I. Animarum, parentum, fratrum, sororum, consanguineorum, et amicorum meorum.

II. Animarum, quae occasione mei purgantur in purgatorio.

III. Animarum omnium benefactorum meorum in spiritualibus, et temporalibus.

IV. Animarum omnium, mihi commissarum in genere, et in specie.

V. Animarum omnium sacerdotum, et ministrorum ecclesiae Dei catholicae.

VI. Animarum morte improvisa, corporibus exutarum.

VII. Animarum, quarum non est specialis memoria.

VIII. Animarum, miserrime existentium in purgatorio, et omnium pro quibus vis, et scis, me debere orare.

Gregorius XIII. Pont. Max. concessit cuilibet dicenti ante celebrationem Missae quae sequuntur 50 annorum Indulgentiam.

Ego volo celebrare Missam, et conficere Corpus, et Sanguinem D. N. Jesu Christi juxta ritum sanctae Romanae

Ecclesiae, ad laudem omnipotentis Dei, totiusque Curiae triumphantis, ad utilitatem meam, totiusque Curiae militantis, pro omnibus, qui se commendaverunt orationibus meis in genere et in specie, et pro felici statu sanctae Romanae Ecclesiae. Amen.

Gaudium cum pace, emendationem vitae, spatium verae poenitentiae, gratiam et consolationem sancti Spiritus, perseverantiam in bonis operibus, cor contritum, et humiliatum, atque felicem vitae meae consummationem tribuat mihi omnipotens et misericors Dominus. Amen.

ORATIONES
PRO OPPORTUNITATE SACERDOTIS
ANTE CELEBRATIONEM
ET COMMUNIONEM DICENDAE.

ORATIO SANCTI AMBROSII EPISCOPI

Die Dominica.

Summe sacerdos, et vere pontifex Jesu Christe, qui per te obtulisti Deo Patri hostiam puram et immaculatam in ara crucis pro nobis miseris pec-

catoribus, et qui dedisti nobis carnem tuam ad manducandum, et sanguinem tuum ad bibendum, et posuisti mysterium istud in virtute Spiritus sancti, dicens: Haec quotiescumque feceritis, in mei memoriam facietis. Rogo per eandem sanguinem tuum, magnum salutis nostrae pretium: rogo per hanc miram, et ineffabilem charitatem, qua nos miseros, et indignos sic amare dignatus es ut lavares nos a peccatis nostris in sanguine tuo: doce me servum tuum indignum, quem inter caetera dona tua, etiam ad officium sacerdotale vocare dignatus es, nullis meis meritis, sed sola dignatione misericordiae tuae: doce me, quaeso, per Spiritum sanctum tuum, tantum tractare mysterium ea reverentia et honore, ea devotione et timore, quibus oportet, et decet. Fac me per gratiam tuam semper illud de tanto mysterio credere et intelligere, sentire et firmiter tenere, dicere et cogitare, quod tibi placet, et expedit animae meae. Intret spiritus tuus bonus in cor meum, qui sonet ibi sine sono, et sine strepitu verborum loquatur omnem veritatem. Profunda quippe sunt nimis, et sacro tecta velamine. Propter magnam clementiam

tuam concede mihi missarum solemniam mundo corde, et pura mente celebrare. Libera cor meum ab immundis et nefandis, vanis et noxiis cogitationibus. Muni me beatorum angelorum pia et fida custodia, ac tutela fortissima, ut hostes omnium bonorum confusi discedant. Per virtutem tanti mysterii, et per manum sancti Angeli tui repelle a me, et a cunctis servis tuis durissimum spiritum superbiae, et caenodoxiae, invidiae, et blasphemiae, fornicationis, et immunditiae, dubietatis, et diffidentiae. Confudantur, qui nos persequuntur: pereant illi, qui nos perdere festinant.

Feria secunda.

Rex virginum, et amator castitatis, et integritatis, coelesti rore benedictionis tuae extingue in corpore meo fomitum ardentis libidinis: ut maneat in me tenor castitatis corporis et animae. Mortifica in membris meis carnis stimulos, omnesque libidinosas commotiones, et da mihi veram et perpetuam castitatem cum caeteris donis tuis, quae tibi placeant in veritate: ut sacrificium laudis casto corpore et mundo corde valeam tibi offerre. Quanta enim cordis contri-

tione, et lacrymarum fonte, quanta reverentia, et tremore, quanta corporis castitate, et animae puritate istud divinum, et coeleste sacrificium est celebrandum, ubi caro tua in veritate sumitur, ubi sanguis tuus in veritate bibitur, ubi ima summis, terrena divinis junguntur; ubi adest sanctorum angelorum praesentia, ubi tu es sacrificium, et sacerdos mirabiliter et ineffabiliter constitutus?

Feria tertia.

Quis digne hoc celebrare poterit, nisi tu Deus omnipotens offerentem feceris dignum? Scio, Domine, et vere scio, et idipsum pietati tuae confiteor, quia non sum dignus accedere ad tantum mysterium propter nimia peccata mea, et infinitas negligentias meas. Sed scio et veraciter ex toto corde meo credo, et ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos et sanctos. Per hanc omnipotentiam tuam te rogo, Deus meus, ut concedas mihi peccatori hoc sacrificium celebrare cum timore et tremore, cum cordis puritate, et lacrymarum fonte, cum laetitia spirituali, et caelesti gau-

dio. Sentiât mens mea dulcedinem beatissimae praesentiae tuae, et excubias sanctorum angelorum tuorum in circuitu meo.

Feria quarta.

Ego enim, Domine, memor venerandae passionis tuae accedo ad altare tuum, licet peccator, et offeram tibi sacrificium, quod tu instituisti, et offerri praecepisti in commemorationem tui, pro salute nostra. Suscipe illud, quaeso, summe Deus, pro ecclesia sancta tua, et pro populo, quem acquisiisti sanguine tuo. Et quoniam me peccatorem inter te, et eundem populum tuum medium esse voluisti, licet in me aliquod boni operis testimonium non agnoscas, officium saltem dispensationis creditae non recuses, nec per me indignum, eorum salutis percat pretium, pro quibus victima salutaris dignatus es esse redemptio. Profero etiam Domine (si digneris propitius intueri), tribulationes plebium, pericula populorum, captivorum gemitus, miseras orphanorum, necessitates peregrinorum, inopiam debilium, desperationes languentium, defectus senum, suspiria iuvenum, vota virginum, lamenta viduarum.

Feria quinta.

Tu misereris omnium Domine: et nihil odisti eorum quae fecisti. Memorare, quae sit nostra substantia: quia tu Pater noster es, quia tu Deus noster es: ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis iniquitates nostras: et ignem sancti Spiritus in nobis clementer accende. Aufer cor lapideum de carne nostra: et da nobis cor carneum, quod te amet, te diligat, te delectetur, te sequatur, te perfruatur. Oramus, Domine, clementiam tuam, ut sereno vultu familiam tuam, sacri tui Nominis officia praestolantem, aspicere digneris, et ut nullius sit irritum votum, nullius vacua postulatio, tu nobis preces suggere, quas ipse propitius audire, et exaudire delecteris.

Feria sexta.

Rogamus te, Domine, sancte Pater, et pro spiritu fidelium defunctorum: ut sit illis salus, sanitas, gaudium, et refrigerium, hoc magnum pietatis sacra-

mentum. Domine Deus meus, sit illis hodie magnum, et plenum convivium de te pane vivo, qui de coelo descendisti, et das vitam mundo de tua carne sancta, et benedicta, Agni videlicet immaculati, qui tollis peccata mundi, quae de sancto et glorioso beatae virginis Mariae utero est assumpta, et de Spiritu sancto concepta: ac de illo pietatis fonte, qui per lanceam militis ex tuo sacratissimo latere emanavit: ut exinde refecti et satiati, refrigerati et consolati exultent in laude, et gloria tua. Peto clementiam tuam, Domine, ut descendat super panem tibi sacrificandum, plenitudo tuae benedictionis, et sanctificatio tuae divinitatis. Descendat etiam Domine illa sancti Spiritus tui invisibilis, incomprehensibilisque majestas, sicut quondam in patrum hostias descendebat: qui et oblationes nostras corpus et sanguinem tuum efficiat, et me indignum sacerdotem doceat tantum tractare mysterium cum cordis puritate, et lacrymarum devotione, cum reverentia et tremore, ita ut placide, ac benigne suscipias sacrificium de manibus meis ad salutem omnium, tam vivorum quam defunctorum.

Sabbato.

Rogo te, Domine, per ipsum sacrosanctum mysterium corporis et sanguinis tui, quo quotidie in ecclesia tua pascimur et potamur, abluimur et sanctificamur, atque unius summae divinitatis participes efficimur, da mihi virtutes tuas sanctas, quibus repletus, bona conscientia ad altare tuum accedam, ita ut haec coelestia sacramenta efficiantur mihi salus et vita. Tu enim dixisti ore tuo sancto, et benedicto: Panis, quem ego dabo, caro mea est pro mundi vita: Ego sum panis vivus, qui de coelo descendi: si quis manducaverit ex hoc pane, vivet in aeternum. Panis dulcissime, sana palatum cordis mei, ut sentiam suavitatem amoris tui. Sana illud ab omni languore, ut nullam praeter te sentiam dulcedinem. Panis candidissime, habens omne delectamentum, et omnem saporem, qui nos semper reficis, et nunquam in te deficis: comedat te cor meum, et dulcedine saporis tui repleantur viscera animae meae. Manducat te angelus ore pleno, manducat te peregrinus homo pro modulo suo, ne deficere possit in via, tali recreatus Viatico. Panis sancte,



panis vive, panis munde, qui descendisti de coelo, et das vitam mundo, veni in cor meum, et munda me ab omni inquinamento carnis et spiritus. Intra in animam meam; sana et munda me interius, et exterius. Esto tutamen, et continua salus animæ, et corporis mei. Repelle a me insidiantes mihi hostes, recedant procul a praesentia potentiae tuae, ut foris, et intus per te munitus, recto tramite ad tuum regnum perveniam: ubi non in mysteriis, sicut in hoc tempore agitur, sed facie ad faciem te videbimus, cum tradideris regnum Deo et Patri, et erit Deus omnia in omnibus. Tunc enim me de te satiabis sanctitate mirifica, ita ut nec esuriam, nec sitiam in aeternum. Qui cum eodem Deo Patre, et Spiritu sancto vivis et regnas, per omnia saecula saeculorum. Amen.

ALIA ORATIO ANTE MISSAM.

Ad mensam dulcissimi Convivii tui, pie Domine Jesu Christe, ego peccator de propriis meritis nihil praesumens, sed de tua confidens misericordia, et bonitate, accedere vereor, et contremisco. Nam cor et corpus habeo multis criminibus maculatum: mentem et lin-

guam non caute custoditam. Ergo, o pia Deitas, o tremenda Majestas, ego miser inter angustias deprehensus, ad te fontem misericordiae recurro, ad te festino sanandus, sub tuam protectionem fugio: et quem judicem sustinere nequeo, salvatorem habere suspiro. Tibi, Domine, plagas meas ostendo, tibi verecundiam meam detego. Scio peccata mea multa, et magna pro quibus timeo. Spero in misericordias tuas, quarum non est numerus. Respice in me oculis misericordiae tuae Domine Jesu Christe, rex aeternae, Deus et homo, crucifixus propter hominem. Exaudi me sperantem in te; miserere mei pleni miseriis et peccatis, tu qui fontem miserationis numquam manare cessabis. Salve salutaris victima, pro me et omni humano genere in patibulo crucis oblata. Salve nobilis et pretiose sanguis, de vulneribus crucifixi Domini mei Jesu Christi profluens, et peccata totius mundi abluens. Recordare, Domine, creaturae tuae, quam tuo sanguine redemisti. Poenitet me peccasse: cupio emendare quod feci. Aufer ergo a me, clementissime Pater, omnes iniquitates, et peccata mea: ut purificatus mente et corpore, digne

degustare merear sancta Sanctorum :
 et concede , ut sancta praelibatio corporis et sanguinis tui , quam ego indignus sumere intendo , sit peccatorum meorum remissio , sit delictorum perfecta purgatio , sit turpium cogitationum effugatio , bonorumque sensuum regeneratio , operumque tibi placentium salubris efficacia , animae quoque et corporis contra inimicorum meorum insidias firmissima tuitio. Amen.

ORATIO S. THOMAE AQUINATIS.

Omnipotens sempiterne Deus , ecce accedo ad sacramentum unigeniti Filii tui Domini nostri Jesu Christi. Accedo tamquam infirmus ad medicum vitae : immundus ad fontem misericordiae : coecus ad lumen claritatis aeternae : pauper et egenus , ad Dominum coeli et terrae. Rogo ergo immensae largitatis tuae abundantiam , quatenus meam curare digneris infirmitatem : lavare foeditatem : illuminare coecitatem : ditare paupertatem : vestire nuditatem : ut te panem Angelorum , Regem regum , et Dominum dominantium , tanta suscipiam reverentia et humilitate , tanta contritione et devotione , tanta puritate et fide , tali pro-

posito et intentione, sicut expedit salutis animae meae. Da mihi, quaeso, dominici corporis et sanguinis non solum suscipere Sacramentum, sed etiam rem et virtutem Sacramenti. O mitissime Deus, da mihi corpus unigeniti Filii tui Domini nostri Jesu Christi, quod traxit de virgine Maria, sic suscipere, ut corpori suo mystico merear incorporari, et inter eius membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari. Qui tecum vivit et regnat in unitate Spiritus sancti Deus, per omnia saecula saeculorum. Amen.

AD B. MARIAM VIRGINEM

ANTE MISSAM, ORATIO.

O Mater pietatis, Genitrix salutis aeternae, beatissima virgo Maria, ecce ego miser et indignus peccator ad te confugio toto corde et affectu: tuamque dulcissimam pietatem deprecor, ut sicut dulcissimo Filio tuo in cruce pendenti adstitisti, ita et mihi miserrimo peccatori, et sacerdotibus omnibus hic et in tota sancta Ecclesia hodie offerentibus

clementer adsistere digneris, ut tua gratia adjuti dignam et acceptabilem hostiam in conspectu summae et individuae Trinitatis offerre valeamus. Amen.

ORATIONES POST CELEBRATIONEM
ET COMMUNIONEM DICENDAE.

ORATIO S. THOMAE DE AQUINO.

Gratias tibi ago Domine sancte, Pater omnipotens, aeterne Deus, qui me peccatorem, indignum famulum tuum, nullis meis meritis, sed sola dignatione misericordiae tuae satiare dignatus es pretioso corpore, et sanguine Filii tui Domini nostri Jesu Christi. Et precor, ut haec sancta communio non sit mihi reatus ad poenam, sed intercessio salutaris ad veniam. Sit mihi armatura fidei et scutum bonae voluntatis. Sit vitiorum meorum evacuatio, concupiscentiae, et libidinis exterminatio, charitatis, et patientiae, humilitatis, et obedientiae, omniumque virtutum augmentatio: contra insidias inimicorum omnium, tam visibilium quam invisibilium firma defensio: motuum meorum, tam carnalium, quam spiritualium perfecta quietatio:

in te uno ac vero Deo firma adhaesio ,
 atque finis mei felix consummatio. Et
 precor te, ut ad illud ineffabile convi-
 vium me peccatorem perducere digneris;
 ubi tu cum Filio tuo, et Spiritu sancto,
 sanctis tuis es lux vera, satietas plena,
 gaudium sempiternum, jucunditas con-
 summata, et felicitas perfecta. Per eum-
 dem Christum Dominum nostrum. Amen.

OBLATIO POST MISSAM.

Servus tuus ego sum, Domine Deus
 meus, et pro tributo servitutis meae
 aliquid tibi offerre vellem, quod maje-
 state tua dignum, et acceptabile foret:
 sed excedit omnem facultatem meam de-
 bitum meum, quia tantum tibi debeo
 quantum valco, qui infinitus es. Et ex
 me quidem nihil possum, nihil sum; ha-
 beo tamen ex gratia tua donum prae-
 clarissimum, quod nullo modo recusare
 potes: habeo dilectissimum Filium tuum
 Dominum meum Jesum Christum qui
 ita se mihi communicavit, ut ego in
 illo, et ille in me sit. Quare verba pro-
 phetae tui aptissime usurpabo, et dicam:
 Benedic anima mea Domino, et omnia
 quae intra me sunt, nomini sancto ejus.

Ipse enim Filius tuus digne pro me nomini tuo benedicet, teque amabit, glorificabit; nam intra me sacramentaliter existens factus est unum mecum, et ego unum cum illo. Ipsum igitur offero tibi velut thymiama suavissimi odoris ad maximam tui gloriam, et honorem, in gratiarum actionem pro universis beneficiis tuis, in remissionem peccatorum meorum, et totius mundi; ad impetrandum mihi, et omnibus, pro quibus oravi et orare debeo, omnia subsidia vitae temporalis, et aeternae, et pro animabus omnium fidelium defunctorum. Suscipe Domine, cum hac sacratissima oblatione animam meam, et corpus meum, omnes vires, et affectus meos; ut sim perpetuum holocaustum jugiter ardens Majestati tuae. Praesta ut deinceps nec membra, nec sensus, nec potentias, nec vitam habeam, nisi ut te amem et serviam tibi. Tu sapientia mea, et tu lux mea es: tu fortitudo mea, et robur meum doce me, illumina me, corrobora me, ut cognoscam, et faciam voluntatem tuam. Offero me tibi in servum perpetuum, meque totum resigno in beneplacitum tuum, abjecta de me omni cura, et sollicitudine. Quidquid mihi evenire per-

miseris, a divina manu tua amatissima suscipiam. In tempore, et in aeternitate id volo, quod tu ab aeterno de me decrevistis, sive prosperum illud sit, sive adversum. Vivat semper, et regnet super me beneplacitum tuum, quod in omni verbo, actione, cogitatione, et levissimo quoque motu implere desidero. Domine, ante te omne desiderium meum, et gemitus meus a te non est absconditus. Desunt enim mihi verba, quibus explicem affectum meum, sed projicio me in ardentissimam fornacem amoris tui, quo succensus ad me venire dignatus es, et mansionem apud me facere. Succende me, Domine, inflamma cor meum, viscera combure; ut jugiter tibi ardeam, in te vivam, et in te moriar. Amen.

GRATIARUM ACTIO POST MISSAM.

Antiph. Trium puerorum cantemus hymnum: quem cantabant sancti in camino ignis benedicentes Dominum.

Tempore Pasch. Alleluja.

CANTICUM TRIUM PUERORUM.

Daniel 3.

Benedicite omnia opera Domini Domino : laudate et superexaltate eum in saecula.

Benedicite angeli Domini Domino : benedicite coeli Domino.

Benedicite aquae omnes quae super coelos sunt Domino: benedicite omnes virtutes Domini Domino.

Benedicite sol et luna Domino: benedicite stellae coeli Domino.

Benedicite omnis imber et ros Domino: benedicite omnes spiritus Dei Domino.

Benedicite ignis et aestus Domino: benedicite frigus et aestus Domino.

Benedicite rores et pruina, Domino: benedicite gelu et frigus Domino.

Benedicite glacies et nives Domino: benedicite noctes et dies Domino.

Benedicite lux et tenebrae Domino: benedicite fulgura et nubes Domino.

Benedicat terra Dominum: laudet et superexaltet eum in saecula.

Benedicite montes et colles Domino: benedicite universa germinantia in terra Domino.

Benedicite fontes Domino: benedicite maria et flumina Domino.

Benedicite cete et omnia quae moventur in aquis Domino: benedicite omnes volucres coeli Domino.

Benedicite omnes bestiae et pecora Domino: benedicite filii hominum Domino.

Benedicat Israel Dominum: laudet et superexaltet eum in saecula.

Benedicite sacerdotes Domini Domino: benedicite servi Domini Domino.

Benedicite spiritus et animae justorum Domino: benedicite sancti et humiles corde Domino.

Benedicite Anania, Azaria, Misael Domino: laudate et superexaltate eum in saecula.

Benedicamus Patrem, et Filium cum sancto Spiritu: laudemus et superexaltamus eum in saecula.

Benedictus es Domine in firmamento coeli: et laudabilis, et gloriosus, et superexaltatus in saecula.

Psalmus 150.

Laudate Dominum in sanctis ejus: laudate eum in firmamento virtutis ejus.

Laudate eum in virtutibus ejus: lau-

date eum secundum multitudinem magnitudinis ejus.

Laudate eum in sono tubae: laudate eum in psalterio et cithara.

Laudate eum in tympano et choro: laudate eum in cordis et organo.

Laudate eum in cymbalis benesonantibus: laudate eum in cymbalis jubilationis: omnis spiritus laudet Dominum.

Gloria Patri etc.

Postea sacerdos dicit:

Kyrie eleison. Christe eleison. Kyrie eleison.

Pater noster, secreto.

Ÿ. Et ne nos inducas in tentationem.

℞. Sed libera nos a malo.

Ÿ. Confiteantur tibi Domine omnia opera tua.

℞. Et sancti tui benedicant tibi.

Ÿ. Exultabunt sancti in gloria.

℞. Laetabuntur in cubilibus suis.

Ÿ. Non nobis, Domine, non nobis.

℞. Sed nomini tuo da gloria.

Ÿ. Domine exaudi orationem meam.

℞. Et clamor meus ad te veniat.

Ÿ. Dominus vobiscum.

℞. Et cum spiritu tuo.

Oremus.

Deus, qui tribus pueris mitigasti flammam ignium: concede propitius: ut nos famulos tuos non exurat flamma vitiorum.

Actiones nostras, quaesumus Domine, aspirando praeveni, et adjuvando prosequere: ut cuncta nostra oratio, et operatio, a te semper incipiat, et per te coepta finiatur.

Da nobis, quaesumus Domine, vitiorum nostrorum flammam extinguere: qui beato Laurentio tribuisti tormentorum suorum incendia superare. Per Christum Dominum nostrum. Amen.

ORATIONES

Ex vet. Testamento (*).

Peccavimus, iniquitatem fecimus, impie egimus, et declinavimus a mandatis tuis, ac judiciis. Tibi Domine, justitia: nobis autem confusio faciei, qui peccavimus. Tibi autem Domino Deo nostro misericordia, et propitiatio, quia recessimus a Te: et non audivimus vocem

(*) *Ex Daniele cap. IX. 5. 7. 8. 9. 15. 19.*

tuam. Domine Deus noster, ut ambula-
remus in lege tua. Peccavimus, iniqui-
tatem fecimus, Domine, in omnem justi-
tiam tuam: avertatur obsecro ira tua, et
furor tuus. Exaudi Domine, placare
Domine. Attende, et fac: ne moreris pro-
pter temetipsum Deus meus.

Tibi (*), Domine Deus noster, justi-
tia, nobis autem confusio faciei nostrae.
Peccavimus ante Te, Domine Deus no-
ster, diffidentes in Te, et non fuimus
subjectibiles Tibi; et non audivimus vo-
cem tuam Domine Deus noster, ut am-
bularemus in mandatis tuis, quae dedi-
sti nobis, sed abivimus unusquisque in
sensus cordis nostri maligni, facientes
mala ante oculos tuos, Domine Deus no-
ster. Peccavimus, impie egimus, inique
gessimus, Domine Deus noster, in omni-
bus justitiis tuis. Avertatur ira tua a
nobis. Exaudi Domine, preces nostras,
et orationes nostras, et educ nos pro-
pter te. Respice, Domine, de domo sancta
tua in nos, et inclina aurem tuam, et
exaudi nos. Aperi oculos tuos, et vide:
quia non mortui, qui sunt in inferno

(*) *Ex Baruch c. I. 15. 17. 22. c. II.
12. 16. 17. et c. III. 1. et seqq.*

(quorum spiritus acceptus est a visceribus suis) dabunt honorem, et justificationem Tibi Domine: sed anima, quae tristis est super magnitudine mali, et incedit curva, et infirma, et oculi deficientes, et anima esuriens, dat Tibi gloriam, et justitiam, Domine: et nunc, Domine omnipotens, Deus Israel, anima in angustiis et spiritus anxius clamant ad te. Audi, Domine, et miserere, quia Deus es misericors, et miserere nostri, quia peccavimus ante Te: quia Tu sedes in sempiternum, et non peribimus in aevum. Domine omnipotens, Deus Israel, audi nunc orationem mortuorum populi tui, qui peccaverunt ante Te, et non audierunt vocem Domini Dei sui. Noli meminisse iniquitatum patrum nostrorum, sed memento manus tuae, et Nominis tui in tempore isto: quia Tu es Dominus Deus noster, et laudabimus Te, Domine, quia propter hoc dedisti timorem tuum in cordibus nostris, et invocemus Nomen tuum, et laudemus te: quia convertimur ab iniquitate nostra, qui peccavimus ante te.

AD B. VIRGINEM MARIAM.

O Sanctissima, o serenissima et inclyta gloriosa Virgo Maria, quae Creatorem omnium creaturarum, in tuo sacratissimo utero fuisti digna portare, solaque virgineo ubere lactare, cujus veracissimum, sacrumque corpus, et sanguinem ego indignus peccator modo sumere praesumpsi; tuam humiliter deprecor misericordiam, ut apud ipsum pro me peccatore intercedere digneris; ut quidquid in hoc tam ineffabili, ac dignissimo sacrificio, per me indignum ignoranter vel negligenter, aut accideret, seu irreverenter, scilicet in tractando, et sumendo, ac ministrando actum est, commissum, vel omissum, tuis sacratissimis precibus indulgere dignetur idem Dominus noster Jesus Christus filius tuus, qui cum Patre et Spiritu sancto vivit, et regnat in saecula saeculorum. Amen.

ALIA ORATIO.

Anima Christi sanctifica me: Corpus Christi salva me: Sanguis Christi inebria me: Aqua lateris Christi munda me. O bone Jesu exaudi me, et ne permittas me separari a te; ab hoste maligno de-

fende me, in hora mortis meae voca me, et pone me juxta te, ut cum Angelis tuis laudem te in saecula saeculorum. Amen.

ALIA ORATIO.

Obsecro te, dulcissime Domine Jesu Christe, ut passio tua sit mihi virtus, qua muniar, protegar atque defendar: vulnera tua sint mihi cibus, potusque, quibus pascar, inebrier, et delecter: aspersio sanguinis tui sit mihi ablutio omnium peccatorum meorum; mors tua sit mihi gloria sempiterna. In his sit mihi refectio, exultatio, sanitas, et dulcedo cordis mei. Qui vivis et regnas in saecula saeculorum. Amen.

Pius IX. Pont. Max. die 11. Decembris 1846 recitantibus Orationem sequentem concessit remissionem omnium commissorum, sive omissorum in Missa, nec non trium annorum Indulgentiam.

DEVOTA PRECATIO

IN PRAESENTIBUS ECCLESIAE
CALAMITATIBUS.

Jesu dulcissime, divine Magister noster! qui nefarias Pharisaeorum machi-



nationes, quibus te frequenter impetebant, semper eluisti; dissipa consilia impiorum, et omnium illorum qui in pusillanimitate spiritus fallacibus suis argutiis Populum tuum irretire ac circumvenire moliuntur. Omnes nos discipulos tuos illustra lumine gratiae tuae, ne forte corrumpamur astutia sapientum hujus saeculi, qui pernicioosa sophismata sua ubique spargunt, ut et nos in errores suos pertrahant. Concede nobis tale fidei lumen ut impiorum insidias agnoscamus, Ecclesiae tuae dogmata firmiter credamus ac cavillorum axiomata constanter rejiciamus.

SSñus Dominus Noster Pius Divina Providentia PP. IX. pie ac devote recitantibus praesentem orationem centum dies de vera indulgentia in forma Ecclesiae consueta benigne concessit, die 22. Octobris 1866.

AL. CARD. BARNABÒ

Praef. S. C. de Propaganda Fide.

PIISSIMA ANTIPHONA

ET ORATIO

CONTRA LUEM CONTAGIOSAM.

Ex Chronicis Ordinis Seraphici Fratrum Minorum conscriptis.

Antiphona.

Stella coeli extirpavit, quae lactavit Dominum, mortis pestem, quam plantavit primus parens hominum. Ipsa Stella nunc dignetur sidera compescere, quorum bella plebem caedunt dirae mortis ulcere. O piissima Stella maris, a peste succurre nobis. Audi nos Domina: nam Filius tuus nihil negans te honorat. Salva nos Jesu, pro quibus Virgo Mater te orat.

✠.Ora pro nobis sancta Dei Genitrix.

✠.Ut digni efficiamur promissionibus Christi.

Oremus.

Deus misericordiae, Deus pietatis, Deus indulgentiae, qui misertus es super afflictionem populi tui, et dixisti Angelo percutienti populum tuum, contine manum tuam: ob amorem illius Stellae gloriosae, cujus ubera pretiosa contra venenum nostrorum delictorum, quam dul-

citer suxisti, praesta auxilium gratiae
 tuae; ut ab omni peste, et improvisa
 morte secure liberemur et a totius per-
 ditionis incursu misericorditer salve-
 mur. Per te Jesu Christe Rex gloriae,
 qui vivis, et regnas in saecula saecu-
 lorum. Amen.

AD S. ROCHUM CONFESSOREM.

Antiphona.

Ave Roche sanctissime,
 Nobili natus sanguine,
 Crucis signaris schemate
 Sinistro tuo latere.

Roche peregre profectus,
 Pestiferae mortis ictus
 Curavisti mirifice,
 Tangendo salntifere.

Vale Roche Angelice
 Vocis citatus flamine
 Obtinuisti Deifice
 A cunctis pestem pellere.

†. Ora pro nobis beate Roche.

¶. Ut digni efficiamur promissionibus
 Christi.

Oratio.

Deus, qui beato Rocho, per Angelum,
 tuam tabulam eidem afferentem promi-

sisti, ut qui ipsum invocaverit, a nullo pestis cruciatu laederetur: praesta quae sumus: ut qui ejus memoriam agimus, ipsius meritis et precibus a mortifera peste corporis, et animae liberemur. Per Christum Dominum nostrum. Amen.

LITANIAE

SANCTISSIMI NOMINIS JESU.

Kyrie eleison.

Christe eleison.

Kyrie eleison.

Jesu, audi nos.

Jesu, exaudi nos.

Pater de coelis Deus, Miserere nobis!

Fili Redemptor mundi Deus, Miserere.

Spiritus sancte Deus, Miserere.

Sancta Trinitas unus Deus, Miserere.

Jesu, Fili Dei vivi, Miserere.

Jesu, splendor Patris, Miserere.

Jesu, candor lucis aeternae, Miserere.

Jesu, Rex gloriae, Miserere.

Jesu, sol justitiae, Miserere.

Jesu, Fili Mariae Virginis, Miserere.

Jesu amabilis, Miserere.

Jesu admirabilis, Miserere.

Jesu, Deus fortis, Miserere.

Jesu, Pater futuri saeculi, Miserere.

Jesu, magni consilii Angele,	Miserere.
Jesu potentissime,	Miserere.
Jesu patientissime,	Miserere.
Jesu obedientissime,	Miserere.
Jesu mitis et humilis corde,	Miserere.
Jesu, amator castitatis,	Miserere.
Jesu, amator noster,	Miserere.
Jesu, Deus pacis,	Miserere.
Jesu, auctor vitae,	Miserere.
Jesu, exemplar virtutum,	Miserere.
Jesu, zelator animarum,	Miserere.
Jesu, Deus noster,	Miserere.
Jesu, refugium nostrum,	Miserere.
Jesu, pater pauperum,	Miserere.
Jesu, thesaurus fidelium,	Miserere.
Jesu, bone pastor,	Miserere.
Jesu, lux vera,	Miserere.
Jesu, sapientia aeterna,	Miserere.
Jesu, bonitas infinita,	Miserere.
Jesu, via et vita nostra,	Miserere.
Jesu, gaudium Angelorum,	Miserere.
Jesu, rex Patriarcharum,	Miserere.
Jesu, inspirator Prophetarum,	Miserere.
Jesu, magister Apostolorum,	Miserere.
Jesu, doctor Evangelistarum,	Miserere.
Jesu, fortitudo Martyrum,	Miserere.
Jesu, lumen Confessorum,	Miserere.
Jesu, puritas Virginum,	Miserere.
Jesu, corona Sanctorum omnium,	Miser.

Propitius esto,	Parce nobis Jesu.
Propitius esto,	Exaudi nos Jesu.
Ab omni malo,	Libera nos Jesu.
Ab omni peccato,	Libera.
Ab ira tua,	Libera.
Ab insidiis diaboli,	Libera.
A spiritu fornicationis,	Libera.
A morte perpetua,	Libera.
A neglectu inspirationum tua- rum,	Libera
Per Mysterium sanctae Incarna- tionis tuae,	Libera.
Per Nativitatem tuam,	Libera.
Per Infantiam tuam,	Libera.
Per Divinissimam Vitam tuam,	Libera.
Per labores tuos,	Libera.
Per Agoniam et Passionem tuam,	Libera.
Per Crucem et Derelictionem tuam,	Libera.
Per Languores tuos,	Libera.
Per Mortem et Sepulturam tuam,	Libera.
Per Resurrectionem tuam,	Libera.
Per Ascensionem tuam,	Libera.
Per Gaudia tua,	Libera.
Per Gloriam tuam,	Libera.
Agnus Dei, qui tollis peccata mundi, parce nobis, Jesu.	
Agnus Dei, qui tollis peccata mundi, exaudi nos, Jesu.	

Agnus Dei, qui tollis peccata mundi,
miserere nobis.

Jesu, audi nos.

Jesu, exaudi nos.

Oremus.

Domine Jesu Christe, qui dixisti: petite et accipietis; quaerite et invenietis; pulsate et aperietur vobis, quaesumus, da nobis petentibus Divinissimi tui amoris affectum, ut te toto corde, ore et opere diligamus, et a tua laude nunquam cessemus.

Sancti Nominis tui, Domine, timorem pariter et amorem fac nos habere perpetuum, quia nunquam tua gubernatione destituis, quos in soliditate tuae dilectionis institutis. Qui vivis, etc.

LITANIAE

B. VIRGINIS MARIAE.

Kyrie eleison.

Christe, eleison.

Kyrie, eleison.

Christe, audi nos.

Christe, exaudi nos.

Pater de coelis Deus, Miserere nobis.

Fili Redemptor mundi Deus, Miserere nobis.

Spiritus sancte Deus , Miserere nobis.
Sancta Trinitas unus Deus , Miserere
nobis.

Sancta Maria,	Ora pro nobis.
Sancta Dei Genitrix,	Ora.
Sancta Virgo virginum,	Ora.
Mater Christi,	Ora.
Mater divinae gratiae,	Ora.
Mater purissima,	Ora.
Mater castissima,	Ora.
Mater inviolata,	Ora.
Mater intemerata,	Ora.
Mater amabilis,	Ora.
Mater admirabilis,	Ora.
Mater Creatoris,	Ora.
Mater Salvatoris,	Ora.
Virgo prudentissima,	Ora.
Virgo veneranda,	Ora.
Virgo praedicanda,	Ora.
Virgo potens,	Ora.
Virgo clemens,	Ora.
Virgo fidelis,	Ora.
Speculum justitiae,	Ora.
Sedes sapientiae,	Ora.
Causa nostrae laetitiae,	Ora.
Vas spirituale,	Ora.
Vas honorabile,	Ora.
Vas insigne devotionis,	Ora.
Rosa mystica,	Ora.

Turris Davidica,	Ora pro nobis.
Turris eburnea,	Ora.
Domus aurea,	Ora.
Foederis arca,	Ora.
Janua coeli,	Ora.
Stella matutina,	Ora.
Salus infirmorum,	Ora.
Refugium peccatorum,	Ora.
Consolatrix afflictorum,	Ora.
Auxilium Christianorum,	Ora.
Regina Angelorum,	Ora.
Regina Patriarcharum,	Ora.
Regina Prophetarum,	Ora.
Regina Apostolorum,	Ora.
Regina Martyrum,	Ora.
Regina Confessorum,	Ora.
Regina Virginum,	Ora.
Regina Sanctorum omnium,	Ora.
Regina sine labe originali concepta,	Ora.
Agnus Dei, qui tollis peccata mundi, parce nobis, Domine.	
Agnus Dei, qui tollis peccata mundi, exaudi nos, Domine.	
Agnus Dei, qui tollis peccata mundi, miserere nobis.	
Christe audi nos. Christe exaudi nos.	
Pater noster, et Ave Maria.	

ANTIPHONA.

Ÿ. Tota pulchra es, Maria.

ŕ. Tota pulchra es, Maria.

Ÿ. Et macula originalis non est in Te.

ŕ. Et macula originalis non est in Te.

Ÿ. Tu gloria Jerusalem.

ŕ. Tu laetitia Israel.

Ÿ. Tu honorificentia populi nostri.

ŕ. Tu advocata peccatorum.

Ÿ. O Maria.

ŕ. O Maria.

Ÿ. Virgo prudentissima.

ŕ. Mater clementissima.

Ÿ. Ora pro nobis.

ŕ. Intercede pro nobis ad Dominum
Jesum Christum.

Ÿ. In Conceptione tua, Virgo, Im-
maculata fuisti.

ŕ. Ora pro nobis Patrem, cujus Fi-
lium peperisti.

Oremus.

Deus, qui per Immaculatam Virgi-
nis Conceptionem dignum Filio tuo ha-
bitaculum praeparasti: quaesumus, ut
qui ex morte ejusdem Filii sui prae-
visa Eam ab omni labe praeservasti;
nos quoque mundos Ejus intercessione
ad Te pervenire concedas.

Deus omnium fidelium Pastor, et Rector Famulum tuum N., quem Pastorem Ecclesiae tuae praeesse voluisti, propitius respice: da ei, quaesumus, verbo et exemplo, quibus praest, proficere, ut ad vitam una cum grege sibi credito perveniat sempiternam.

Deus refugium nostrum, et virtus, adesto piis Ecclesiae tuae precibus, auctor ipse pietatis, et praesta; ut quod fideliter petimus, efficaciter consequamur. Per Christum Dominum nostrum.
 R. Amen.

RESPONSORIUM

IN HONOREM S. JOSEPHI

SPONSI B. M. V.

Quicumque sanus vivere,
 Cursum vitae claudero
 In fine laetus expetit,
 Opem Josephi postulet.

Hic Sponsus almae Virginis,
 Paterque Jesu creditus,
 Justus, fidelis, integer
 Quod poscit, orans impetrat.
 Quicumque etc.

Foeno jacentem Parvulum
 Adorat, et post exulem
 Solatur; inde perditum
 Quaerit dolens, et invenit.
 Quicumque etc.

Mundi supremus Artifex
 Ejus labore pascitur,
 Summi Parentis Filius
 Obedit illi subditus.
 Quicumque etc.

Adesse morti proximus
 Cum Matre Jesum conspicit,
 Et inter ipsos jubilans
 Dulci sopore solvitur.
 Quicumque etc.

Gloria Patri, et Filio, et Spiritui
 sancto.

Quicumque etc.

Antiph. Ecce fidelis servus, et prudens,
 quem constituit Dominus super
 familiam suam.

†. Ora pro nobis B. Joseph.

†. Ut digni efficiamur etc.

Oremus.

Deus, qui ineffabili providentia Beatum Joseph Sanctissimae Genitricis tuae
 Sponsum eligere dignatus es: praesta,
 quaesumus, ut quem Protectorem vo-

neramur in terris, Intercessorem habere
mereamur in coelis. Qui vivis, et re-
gnas etc.

HYMNUS

IN HONOREM S. MICHAELIS ARCHANGELI.

Te Splendor, et virtus Patris,
Te vita, Jesu, cordium,
Ab ore qui pendent tuo,
Laudemus inter Angelos.

Tibi mille densa millium
Ducum corona militat;
Sed explicat victor Crucem
Michael salutis signifer.

Draconis hic dirum caput
In ima pellit tartara,
Ducemque cum rebellibus
Coelesti ab arce fulminat.

Contra ducem superbiae
Sequamur hunc nos Principem,
Ut detur ex Agni throno
Nobis corona gloriae.

Patri, simulque Filio,
Tibique, sancte Spiritus,
Sicut fuit, sit jugiter
Saeclum per omne gloria. Amen.

Antiph. Princeps gloriosissime, Mi-
chael Archangele, esto memor nostri;

hic, et ubique semper precare pro nobis
Filiū Dei.

Ÿ. In conspectu Angelorum psallam
tibi, Deus meus.

ŕ. Adorabo ad templum sanctum
tuum, et confitebor Nomini tuo.

Oremus.

Deus, qui miro ordine Angelorum
ministeria, hominumque dispensas: con-
cede propitius; ut a quibus Tibi mini-
strantibus in coelo semper assistitur,
ab his in terra vita nostra muniatur.
Per Dominum etc. ŕ. Amen.

Angele Dei, qui custos es mei, me
Tibi commissum pietate superna illu-
mina, custodi, rege, et gubernā. Amen.

RESPONSORIUM

IN HONOREM S. PETRI APOSTOLI.

Si vis Patronum quaerere,
Si vis potentem Vindicem,
Quid jam moraris? invoca
Apostolorum Principem.
O Sancte coeli Claviger,
Tu nos precando subleva;
Tu redde nobis pervia
Aulae supernae limina.

Ut ipse multis poenitens
 Culpam rigasti lacrymis,
 Sic nostra tolli poscimus
 Fletu perenni crimina.

O Sancte coeli etc.

Sicut fuisti ab Angelo
 Tuis solutus vinculis,
 Tu nos iniquis exue
 Tot implicatos nexibus.

O Sancte coeli etc.

O firma Petra Ecclesiae,
 Columna flecti nescia,
 Da robur, et constantiam,
 Error fidem ne subruat.

O Sancte coeli etc.

Romam tuo qui Sanguine
 Olim sacraſti, protege;
 In teque confidentibus
 Praesta salutem Gentibus.

O Sancte coeli etc.

Tu rem tuere publicam,
 Qui te colunt, Fidelium,
 Ne laesa sit contagiis,
 Ne scissa sit discordiis.

O Sancte coeli etc.

Quos hostis antiquus dolos
 Instruxit in nos, destrue;
 Truces et iras comprime,
 Ne clade nostra saeviat.

O Sancte coeli etc.

**Contra furentis impetus
In morte vires suffice,
Ut et supremo vincere
Possimus in certamine.**

O Sancte coeli etc.

Gloria Patri etc.

O Sancte coeli etc.

**Antiph. Tu es Pastor ovium, Prin-
ceps Apostolorum, Tibi traditae sunt
claves regni Coelorum.**

**ψ. Tu es Petrus. R. Et super hanc
Petram aedificabo Ecclesiam meam.**

Oremus

**Apostolicis nos, Domine, quaesumus,
Beati Petri Apostoli tui attolle praesi-
diis, ut quanto fragiliores sumus, tanto
ejus intercessione validioribus auxiliis
foveamur; et jugiter Apostolica defen-
sione muniti, nec succumbamus vitiis,
nec opprimamur adversis. Per Chri-
stum etc. R. Amen.**

RESPONSORIUM

IN HONOREM S. PAULI APOSTOLI.

**Pressi malorum pondere
Adite Paulum supplices,
Qui certa largus desuper
Dabit salutis pignora.**

O grata Coelo victima,
 Doctorque, amorque Gentium,
 O Paule, nos Te vindicem,
 Nos Te Patronum poscimus.

Nam tu beato concitus
 Divini amoris impetu,
 Quos insecutor oderas,
 Defensor inde amplecteris.

O grata etc.

Non te procellae, et verbera,
 Non vincla, et ardor hostium,
 Non dira mors deterruit,
 Ne sancto adesses coetui.

O grata etc.

Amoris eja pristini
 Ne sis, precamur, immemor,
 Et nos supernae languidos
 In spem reducas gratiae.

O grata etc.

Te destruantur auspice
 Saevae inferorum machinae,
 Et nostra Tempia publicis
 Petita votis insonent.

O grata etc.

Te deprecante floreat
 Ignara damni charitas,
 Quam nulla turbent jurgia,
 Nec ullus error sauciet.

O grata etc.

Qua terra cumque diditur,
 Jungatur uno foedere,
 Tuisque semper effluat
 Salubre nectar litteris.

O grata etc.

Det velle nos quod imperat,
 Det posse summus Arbiter,
 Ne fluctuantes horridae
 Caligo noctis obruat.

O grata etc.

Gloria Patri, et Filio, etc.

O grata etc.

Antiph. Vas electionis est mihi iste,
 ut portet Nomen meum coram Gentibus,
 et Regibus, et filiis Israel.

Ÿ. Ora pro nobis Sancte Paule Apo-
 stole. R. Ut digni efficiamur promissio-
 nibus Christi.

Oremus.

Omnipotens sempiterne Deus, qui
 Beato Apostolo tuo Paulo, quid faceret,
 ut impleretur Spiritu sancto, divina
 miseratione praecepisti: ejus dirigenti-
 bus monitis, et suffragantibus meritis,
 concede; ut servientes Tibi in timore,
 et tremore coelestium donorum consolati-
 one repleamur. Per Christum Domi-
 num nostrum. R. Amen.

IN HONOREM

S. PATRIS FRANCISCI ASSISII.

Antiphona.

Salve sancte Pater, patriae lux, forma Minorum, virtutis speculum, recti via, regula morum: carnis ab exilio due nos ad regna polorum.

Ÿ. Ora pro nobis B. Pater Francisee.

℞. Ut digni efficiamur etc.

Oremus.

Deus, qui Ecclesiam tuam beati Patris Francisci meritis foetu novae prolis amplificas: tribue nobis ex ejus imitatione terrena despicere, et coelestium donorum semper participatione gaudere. Per Christum etc.

Responsorium in honorem S. Antonii Patavini. Vide pag. 119.

PRO GRATIARUM ACTIONE.

HYMNUS SS. AMBROSII ET AUGUSTINI.

Te Deum laudamus: * te Dominum confitemur.

Te aeternum Patrem, * omnis terra veneratur.

Tibi omnes Angeli, * tibi coeli, et universae potestates.

Tibi Cherubim et Seraphim * incessabili voce proclamant :

Sanctus, * Sanctus, * Sanctus, Dominus Deus Sabaoth.

Pleni sunt coeli et terra : * majestatis gloriae tuae.

Te gloriosus * Apostolorum chorus.

Te Prophetarum, * laudabilis numerus.

Te Martyrum candidatus * laudat exercitus.

Te per orbem terrarum, * sancta confitetur Ecclesia.

Patrem * immensae majestatis.

Venerandum tuum verum, * et unicum Filium:

Sanctum quoque * Paraclitum Spiritum.

Tu Rex * gloriae, Christe.

Tu Patris * sempiternus es Filius.

Tu ad liberandum suscepturus hominem, * non horruisti Virginis uterum.

Tu devicto mortis aculeo: * aperuisti credentibus regna coelorum.

Tu ad dexteram Dei sedes: * in gloria Patris.

Judex crederis * esse venturus.

Te ergo quaesumus, tuis famulis subveni: * quos pretioso Sanguine redemisti.

Aeterna fac cum Sanctis tuis: * in gloria numerari.

Salvum fac populum tuum, Domine: * et benedic haereditati tuae.

Et rege eos: * et extolle illos usque in aeternum.

Per singulos dies, * benedicimus te.

Et laudamus nomen tuum in saeculum: * et in saeculum saeculi.

Dignare, Domine, die isto, * sine peccato nos custodire.

Miserere nostri, Domine: * miserere nostri.

Fiat misericordia tua, Domine, super nos: * quemadmodum speravimus in te.

In te, Domine, speravi: * non confundar in aeternum.

¶ Benedictus es, Domine, Deus patrum nostrorum.

¶ Et laudabilis, et gloriosus in saecula.

¶ Benedicamus Patrem, et Filium cum sancto Spiritu.

¶ Laudemus et superexaltemus eum in saecula.

¶ Benedictus, es Domine, in firmamento coeli.

R. Et laudabilis , et gloriosus , et superexaltatus in saecula.

V. Benedic anima mea Domino.

R. Et noli oblivisci omnes retributiones ejus.

R. Domine, exaudi orationem meam.

R. Et clamor meus ad te veniat.

R. Dominus vobiscum.

R. Et cum spiritu tuo.

Oremus.

Deus , cujus misericordiae non est numerus, et bonitatis infinitus est thesaurus: piissimae majestati tuae pro collatis donis gratias agimus, tuam semper clementiam exorantes: ut, qui peccantibus postulata concedis, eosdem non deserens, ad praemia futura disponas.

Oratio

Deus, qui corda fidelium sancti Spiritus illustratione docuisti: da nobis in eodem Spiritu recta sapere, et de ejus semper consolatione gaudere.

Oratio.

Deus, qui neminem in te sperantem nimium affligi permittis, sed pium precibus praestas auditum: pro postulatio-

nibus nostris, votisque susceptis gratias
agimus, te piissime deprecantes, ut a
cunctis semper muniamur adversis. Per
Dominum nostrum Jesum Christum, etc.

R. Amen.

PRO BENEDICTIONE

CUM SANCTISSIMO SACRAMENTO.

Tantum ergo Sacramentum,

Veneremur cernui:

Et antiquum documentum

Novo cedat ritui:

Praestet fides supplementum

Sensuum defectui.

Genitori, Genitoque

Laus et jubilatio,

Salus, honor, virtus quoque

Sit et benedictio:

Procedenti ab utroque

Compar sit laudatio. Amen.

ÿ. Panem de coelo praestitisti eis,
(temp. Pasch. Alleluja.)

R. Omne delectamentum in se ha-
bentem, (Alleluja.)

Oremus.

Deus, qui nobis sub Sacramento mi-
rabili, passionis tuae memoriam reli-
quisti: tribue, quaesumus, ita nos Cor-

poris et Sanguinis tui sacra mysteria venerari; ut redemptionis tuae fructum in nobis jugiter sentiamus: Qui vivis et regnas in saecula saeculorum. *R.* Amen.

BENEDICTIO

POPULI CUM AQUA BENEDICTA
DIEBUS DOMINICIS IMPERTIENDA.

Asperges me, Domine, hyssopo, et mundabor: lavabis me, et super nivem dealbabor.

Psalm. 50. Miserere mei Deus, secundum magnam misericordiam tuam. Gloria Patri etc.

Asperges me etc.

Tempore Paschali. Vidi aquam egredientem de templo, a latere dextro, Alleluja: et omnes, ad quos pervenit aqua ista, salvi facti sunt, et dicent, Alleluja, alleluja.

Psalm. 117. Confitemini Domino, quoniam bonus: quoniam in saeculum misericordia ejus. Gloria Patri etc.

Vidi aquam egredientem, ut supra.

V. Ostende nobis Domine misericordiam tuam, (Tempore Pasch. Alleluja.)
R. Et salutare tuum da nobis, (Alleluja.)

- V. Domine exaudi orationem meam.
 R. Et clamor meus ad te veniat.
 V. Dominus vobiscum.
 R. Et cum spiritu tuo.

Oratio.

Exaudi nos, Domine sancte, Pater omnipotens, aeternae Deus: et mittere digneris sanctum Angelum tuum de coelis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. R. Amen.

SUFFRAGIA

PRO DEFUNCTIS.

Si iniquitates. Psalm. De profundis etc. vide pag. 60.

Antiph. Si iniquitates observaveris Domine: Domine quis sustinebit. Kyrie eleison. Christe eleison. Kyrie eleison. Pater noster etc.

- V. Et ne nos inducas in tentationem.
 R. Sed libera nos a malo.
 V. A porta inferi.
 R. Erue Domine animas eorum.
 V. Requiescant in pace. R. Amen.
 V. Domine exaudi orationem meam.
 R. Et clamor meus ad te veniat.

Ÿ. Dominus vobiscum.
 R. Et cum spiritu tuo.

Oremus.

Deus veniæ largitor, et humanæ salutis amator: quaesumus clementiam tuam; ut nostræ congregationis fratres, propinquos et benefactores, qui ex hoc sæculo transierunt, beata Maria semper Virgine intercedente cum omnibus Sanctis tuis, ad perpetuæ beatitudinis consortium pervenire concedas.

Fidelium Deus omnium Conditor et Redemptor, animabus famulorum famularumque tuarum remissionem cunctorum tribue peccatorum: ut indulgentiam quam semper optaverunt, piis supplicationibus consequantur. Qui vivis etc.

Ÿ. Requiem aeternam dona eis Domine.

R. Et lux perpetua luceat eis.

Ÿ. Requiescant in pace.

R. Amen.

Psalmus 147.

Lauda, Jerusalem, Dominum: * lauda
Deum tuum, Sion.

Quoniam confortavit seras portarum
tuarum: * benedixit filiis tuis in te.

Qui posuit fines tuos pacem: * et
adipe frumenti satiat te.

Qui emittit eloquium suum terrae: *
velociter currit sermo ejus.

Qui dat nivem sicut lanam: * nebu-
lam sicut cinerem spargit.

Mittit crystallum suam sicut buccel-
las: * ante faciem frigoris ejus, quis
sustinebit?

Emittet verbum suum, et liquefa-
ciet ea: * flabit spiritus ejus, et fluent
aquae.

Qui annuntiat verbum suum Jacob: *
justitias et judicia sua Israel.

Non fecit taliter omni nationi: * et
judicia sua non manifestavit eis.

Gloria Patri etc.



INDEX



Ordo Baptismi parvulorum . . .	<i>pag.</i> 5
Ordo supplendi omissa super baptizatum "	18
Ordo ministrandi Sacramentum Eucharistiae infirmis "	22
Ordo ministrandi Sacramentum Extreme Unctionis "	27
Modus a F. R. Benedicto Papa XIV. approbatus pro opportunitate temporis ad impertiendam benedictionem in articulo mortis "	36
Ordo commendationis animae cum in agone sui exitus anima anxiatur "	41
Ordo exequiarum "	60
De exequiis parvulorum "	73
Ritus celebrandi matrimonii Sacramentum "	88
Benedictio mulieris post partum . . . "	93
Benedictio salis et aquae "	96
Litaniae Sanctorum cum precibus . . . "	101
Benedictio animalium in festo Sancti Antonii "	111
Benedictio domorum in sabbato sancto Paschae "	112
Benedictio pueri infirmi "	114

Benedictio adulti infirmi	<i>pag.</i> 116
Benedictio communis	" 121
Benedictio loci	" ivi
Benedictio communis super fruges et vi- neas	" 122
Benedictio ad quodcumque comestibile "	123
Benedictio contra mures, locustas, bru- chos et vermes noxios	" 124
Ritus benedicendi et imponendi Scapu- lare B. M. V. de Monte Carmelo . . .	" 126
Absolutio danda Confratribus et Sorori- bus s. Scapularis B. Mariae Virginis de Monte Carmelo in articulo mortis "	128
Benedictio et impositio Scapularis Ss. Tri- nitatis	" 129
Modus imponendi dictum Scapulare . . .	" 130
Benedictio Trisagii Ss. Trinitatis . . .	" 133
Methodus pro erigendis Stationibus Viae Crucis	" 134
Benedictio Tabularum pictarum . . .	" 136
Benedictio Crucium	" 138
Formula ad fidem faciendam de crea- tione Viae Crucis	" 144
Benedictio et impositio habitus vel Scapu- laris nigri Sanctissimae Crucis D. N. Jesu Christi	" 144
Benedictio Rosariorum B. M. V. . . .	" 147
Absolutio impertienda Confratribus Ro- sarii in articulo mortis constitutis "	149
Benedictio et impositio Scapularis caeru- laei B. M. V. Immaculatae . . .	" 150
Ordo applicandi indulgentiam plenariam in articulo mortis	" 152

Benedictio et impositio Scapularis Beatae	
M. V. de Mercede	<i>pag.</i> 154
Benedictio alia ejusdem Scapularis . . .	157
Benedictio et impositio Cincturae Beatae Mariae Virginis	159
Benedictio Scapularis Rubri Passionis, sacratissimique Cordis D. N. Jesu Christi necnon et cordis amantissimi et Compatientis B. M. V. Immaculatae . .	162
Benedictio et impositio Cinguli Lanei pro Chordigeris S. Francisci de Paula . .	164
Benedictio Cinguli S. Thomae Aquinatis ad servandam Castitatem	165
Benedictio et impositio Chordae S. Patris Francisci	166
Formula absolutionis plenariae Chordigeris in extremis constitutis vigore privileg. elargienda	168
Formula absolvendi a culpa et poena Fratres Ord. Min. Convent. S. Francisci in articulo mortis existentes virtute privileg. Ord.	176
Benedictio impertienda Confratribus cincturatis in articulo mortis constitutis .	178
Benedictio Coronarum propria Congr. Miss. Pretiosiss. Sang.	179
Benedictio Scapularis nigri et Rosarii seu coronae septem Dolorum Beatae Mariae Virginis	182
Benedictio Numismatum S. Benedicti . .	185
Ritus induendi fratres Tertiarios Ordinis S. Francisci, Domi, vel in claustris, cum fratribus viventes	188

Benedictio Candelarum in Festo S. Blasii Episc. et Mart.	<i>pag.</i> 192
Benedictio Candelarum extra diem Puri- ficationis B. M. V.	" 193
Benedictio Signi vel Campanae . . .	" 194
Benedictio Novae Crucis	" 214
Benedictio imaginem D. N. J. C. B. M. V. et aliorum Sanctorum	" 215
Ritus benedicendi et imponendi prima- rium lapidem pro ecclesia aedificanda, servandus a Sacerdote facultatem ha- bente ab Episcopo	" 217
Ritus benedicendi novam Ecclesiam seu Oratorium publicum ut ibi Ss. Missae Sacrificium celebrari possit . . .	" 226
Ritus benedicendi novam coemeterium per Sacerdotem ab Episcopo delega- tum	" 233
Modus Excipiendi Professionem fidei ca- tholicae a Neo Conversis iuxta for- mam a S. Congr. S. Officii die 20 Iu- lii 1859 praescriptam	" 236
Modus assistendi matrimoniis mixtis	" 243
Formula Brevis conficiendae aquae Bap- tismalis ad usum Missionariorum Ame- ricae Septentrionalis	" 253
Praeparatio ad sacro-sanctum Missae Sa- crificium	" 255
Gratiarum actio post Missam . . .	" 283
Devota precatio in praesentibus ecclesiae Calamitatibus	" 291
Piissima Antiphona et oratio contra luem contagiosam	" 298

Ad S. Rochum Confessorem Antiphona et Oratio	<i>pag.</i> 294
Litaniae Sanctissimi Nominis Jesu	" 295
Litaniae B. M. V.	" 299
Responsorium in honorem S. Josephi sponsi B. M. V.	" 302
Hymnus in hon. S. Michaelis Archangeli	" 304
Responsorium in honorem S. Petri Apo- stoli	" 306
Responsorium in honorem S. Pauli Apo- stoli	" 307
In honorem S. Patris Francisci Ass. Antiphona	" 310
Responsorium in honorem S. Antonii Patavinci	" 310
Pro gratiarum actione Hymnus Ss. Am- brosii et Augustini	" 310
Pro Benedictione cum Sanctissimo Sa- cramento	" 314
Benedictio populi cum aqua benedicta diebus Dominicis impertienda	" 315
Suffragia pro defunctis	" 316

Diligenti revisione peracta omnia cum Originalibus concordare reperta sunt. In fidem etc. Ex Secretaria Sacrorum Rituum Congregationis hac die 20 Junii 1870.

Loco ✠ Signi

Pro R.P.D. Dominico Bartolini Secr.
Josephus Ciccolini Substit.



